



Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
1053/A







Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
1053/A



Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
1053/A





Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
1053/A

L XLII 16/8

1053, also 1052

5944 (3)

N<sup>o</sup> 4


16.A.19


28970


a 671

Hayne  
12/1/10











ANTONII

MVSAE BRASAVOLI

Medici Ferrariensis Examen o-  
mnium Catapotiorum, uel pi-  
lularum, quarum apud Pharma-  
copolas usus est.

Ad Illustrem Alphonsum Estensem:




Cum priuilegio

VENETIIS.

Ex officina ERASMIANA apud Vincentium  
Vaugris prope horologium Diui Marci.

M. D. XLIII.





AD ILLVSTREM AL  
PHONSVM ESTENSEM ILLV.  
STRISSIMI ALPHONSI DVCIS

*Ferrariæ filium: & optimæ spei adulescentem An-  
tonius Musa Brasauolus.*

OGITANTI mihi Alphonse præstantis-  
C sime: cui hic libellus, mole quidem paruus,  
sed qui nō pauca in nostra hac arte specta-  
tu digna complectatur, inscribendus esset. Tu unus  
præ cunctis occurristi, qui cum sis ætate paruus, mul-  
tos tamen literis, prudentia, sapientia, liberalitate, ac  
animi magnitudine excedis, ut in hac tam tenera æta-  
te plus spondere uidearis, quàm qui uigesimū quin-  
tum annum attigere. Paruus igitur libellus, tibi par-  
uo puero inscribendus est, cum ne in eius lectione fa-  
tigeris, tum ut ad literas amplectendas exciteris. Ad  
quas tamen capescendas assiduū habes ductorem  
præceptorem tuum uirum doctissimum, peregrinū,  
moratum, nō paucis uiris nostra hac ætate præferen-  
dum. Nec parum me mouent ad hanc affectionem  
Illustrissimi patris tui uerba in illa ultima ægritudi-  
ne, qua ab his mundi curis exemptus, ad sydera eue-  
ctus est, quibus tãto amore, tanta charitate, tãque  
ardenti pietate te nobis non semel cōmendauit. Imò  
etiam iure optimo tibi debetur hic libellus, cum so-  
ror tua Illustrissima Eleonora natu grandior libel-

A ij lum



lum de Syrupis nacta sit, quem hic proximus labor  
consecutus est, hoc tu natu minor iure ipso potiaris,  
ac tibi inscribatur par est. Accipe igitur hilari fron-  
te munusculum hoc illustriss. Alphonse. Sic enim  
nos allicies ut in tuum decus alia multo maiora com-  
paremus, & eos qui studia literarum sectantur, ut  
cœpisti, ama. Vale.


# Antonii Musæ Bra-

SAVOLI MEDICI FERRARIEN-  
sis Examen catapotiorum, seu pilularum quo-  
rum usus est apud Pharmacopolas.

## Interlocutores

BRASAVOLVS. SENEX.

BRASA.



**N**ON aduenis inexpectate o Veneran-  
de senex, nam diu est quod hic te ex-  
pecto, Ambigebámque: & mecum ipse  
cogitabam an sinistri quicquam tibi  
contigisset, hora etenim dudum tran-  
sacta est, qua ad nos te uenturum dixeras, iamiam man-  
cipium hoc ad te mittere curabam, nisi prestò adfuisses,  
qui tam longæ moræ causam disceret, & ad nos quan-  
tò ocius fieri posset, reuerteretur. **SE.** Imò nō pauca  
fuere impedimenta, quæ nos hætenus à tam dulci col-  
loquio, & à nobis immodice optato impediere, sed unū  
præ omnibus mire me uexauit & adhuc uexare non  
desinit. **BR A.** Quidnā hoc est mi senex? ut ego te-  
cū uel prouidere, uel cōdolere possim. **SE.** Vir qui-  
dam, imo potius rabula & maledica cornix de me ob-  
loquutus est, cum mihi iam diu instituerim esse uirum

**A** iij probum



ANT. MVSÆ BRA.

probum, neminem ledere, de nemine uel ioco obloqui,  
 hic autem ut uir est procacissimus, & uulua ut aiunt  
 linguacior, in res meas ueluti Rhinoceros obringit, me  
 traducit, de me passim obloquitur, per Herculem mo-  
 riar, nisi id efficiam, ut suis dentibus sibi linguā mor-  
 dicet, & citra dentes sub palato coerceat. BRA. Non  
 decet senem uirum: & christianum hæc facere, nedum  
 cogitare. SE. Imò maximè decet, ne hæc mala bestia  
 de bonis, & probis uiris iterū obloqui audeat. BRA.  
 Quid dixit tandē? quæ atra fulmina hæc fuere? SE.  
 Ea quæ nec ferre possum, nec feram, quoad dignam de  
 ipso pro tāto scelere uindictam sumam. BRA. Igi-  
 tur Iesum Christum patrem nostrum: & præceptorem  
 non imitaberis, qui pro nobis tot contumelias passus  
 est, tot iurgia, tot uerbera, & tu minimum uerbum fer-  
 re non potes? SE. Nō sum ego Christus, quem etiam  
 nec petrus, nec multi alij discipuli in omnibus imitari  
 potuere, si uerba illa in te dicta fuissent, & tu quoque  
 irascereris, & uehemēti ira excādesceres. BRA. Dic  
 ( ni piget ) ea quæ de te obloquutus est, sunt ne uera,  
 an falsa? SE. Vera? Imò falsissima. BRA. Is igitur  
 uir falsus est, qui de te falsissima obloquebatur. SE.  
 Et falsissimus si dici possit. BRA. Propter quid fal-  
 sissimus? SE. Quia de me suis cōspurcatis uerbis fal-  
 sissima in publicū effundebat. BRA. O bonæ senex,  
 quis fecit hūc esse uirum falsissimum? SE. Aliud co-  
 gitare non possum, præter quàm à suo malo genio in  
 hanc miseriā ductū esse. BRA. Tu ipse uera causas,  
 cur hic



cur hic falsissimus sit. S E. Ego, quid inquis? B R A. Dic, nonne ob id falsus est, quia de te falsa obloqui uoluit? S E. Profectò. B R A. Tu igitur causa es cur sit homo falsus, cū de te falsa loquutus sit, unde uindictam sumpsiſti, nec opus est amplius sumas, quia hunc hominem falsum fecisti, & ipsemet sibi iniuriam fecit, ut pote abs te conuictus mendacij: atque ita cum te ledere uoluerit: seipsum læsit imprudens: quia se falsum fecit, nunc non tibi. Adde hunc hominem illa de te non dixisse, quæ de te falsa dixit, nempe si falsa sunt: tu is non es de quo obloquebatur. S E. De meipso obloquebatur. B R A. Quomodo de te si nō erat uerū? S E. Ea omnia sub meo nomine protulit. B R A. Verūta-  
men hoc tuo nomine, uel simili quam plures uocantur. S E. Addebat cognomē. B R A. Imò & si te digito ostendisset, & falsa dixisset, de te nullo pacto loquebatur. Dic si te Regem Gallie, aut Christianorum imperatorem uocaret atq; saluaret ægre ferresne? S E. Non ægre ferrem: sed hunc ueluti fatuum deriderem. B R A. Quamobrē? S E. Quia nec Rex Gallie sum: nec Christianorū impera. & lōge abest ut sim. B R A. Si igitur uocent te falsarium, si sceneratorem, cur non derides, cū in hoc deperdito hominum genere nō sis? S E. Fortē alijs hominibus suadebit me his uitijs esse cōspersum. B R A. Quomodo suadebit si hæc in te nullus inuenire poterit, imò ipse scelestus: & apud omnes homines infamis euadet, cum te esse probum uirum: atque integrum absque labe, absque uitio, absque macula, ex-

A iiij perientur



perientur: & comprobabunt, & hi qui audient inter  
 se musitabunt, quàm hæc pessima lingua: & uipera de  
 hoc probo uiro maledicit, quamobrem ipse sibi ipsi, &  
 non tibi iniuriam facit, nam infamē se reddit, & à Deo  
 ac probis hominibus odio habetur. Nescis quid supe=  
 rioribus annis mihi cōtigerit? S E. De illo qui totis  
 uiribus in publicis scholis tuum nomen temerare ausus  
 est? B R A. De illo inquā, is cœpit priuatim, & publi=  
 cè de me obloqui, quem tum paulo prius officijs, & nō  
 mediocribus promerueram, sed ego uice uersa de eo be=  
 ne dicere, non quidem cœpi, sed perseueraui, ut de=  
 nique ex suis maledictis, ac nostris benedictis, ac be=  
 nefactis iam cœperit per totam urbem digito monstra=  
 ri infami, & a quibusdam (in hoc tamen improbis) ex=  
 crementis pollui: atque inquinari. Si hic igitur de te  
 male loquutus est, tu de illo benedicas, ne simul & ip=  
 se maledicendo malus efficiaris, scis cur ille de te male  
 locutus est? S E. Nec possum mēte cōcipere. B R A.  
 Quia malus, & ( ut inquit Seneca ) benedicere nescit.  
 S E. Tamen nō possum nō ægreferre. B R A. Quia  
 uir es pinguioris Minervæ, tuâque opinione falleris,  
 Verè enim dictum est. Neminem nisi ex se ipso lædi  
 posse. & id tibi illatum esse putas quod sibi intulit.  
 Non enim in sapientis animum cadit iniuria, ut Plato,  
 & Plutarchus ille cheroneus longa quadam oratione  
 ostendit. Quid curas latrantium canum uoces, modo  
 dētibus obesse nō possint? S E. Nihil. B R A. Acquē  
 nihil cures maledicentium uoces, quos philosophi o=  
 mnes



omnes non ab re canes uocāt, obgariant igitur insidio=  
se uulpes, crocitant, latrent de bonis uiris per plateas,  
per templa, per uicus, per angiportus, nihil aliud fa=  
ciunt, quā ut se pessimos uiros esse ostendant. Tu ue=  
ro tetragonum Aristotelis corpus imiteris, quod in  
quancunque iueris parte recto labore sessile est. No  
li à recta uia, à recto tramite declinare, si quis alter  
improbus esse uelit, imò pro hoc maledico, pro hoc sce  
lestissimo uiro, qui maledicendo sua labia contaminat,  
immortalem Deum exora, ut illi ignoscat, illi rectam et  
integram mentem condonet, ut suos errores noscens ad  
Deum conuertatur, & benedicere simul, ac bene uiuere  
discat, tūque simul improborū maledicta, ac calumnias  
contemnere discas. Ac etiam id dicas quod Augustus  
ad Tyberium satis est si hoc habemus ne quis nobis ma  
ledicendo malefacere possit, hoc autē assequutus iam es  
si probus uir fueris. S E. Hæc facilius dici possunt  
quā fieri. B R A. Imò fieri æque facile est. S E.  
Nescio si tā constāter ipso opere ageres, ut uerbis agē  
dum suades. B R A. Imò expertus es (absit iactantia)  
nos idem opere effecisse. An præterijt memoria con=  
iuratorum illorum contra nos pugnatium, qui cū ab  
Illustriss. Principe ex albo illorum qui publicè profi=  
tentur expuncti forent, hoc in me referebant, conuene  
re simul, nōsque & maledictis, & malefactis irritare  
cœperunt. At semper constanti animo omnia tulimus,  
multos ex ipsis officijs & non modicis affecimus, de  
alijs benedicere non desijimus, maledicant ipsi quantum  
libet



lubet, & quantum possint. Cumque amicorum coniun=  
ctiões nostræ sint multò maiores, multoque amplio=  
res, quàm illorum omnia quæ dicebant, omnia quæ age=  
bant ad minima nobis referebantur, illa ( ut decet ) in=  
bonam partem accipiebamus, Deumque pro illis exora=  
bamus, ut ad bonam frugem redirent: & resipiscerent.  
SE. Omnia noui: & scio, si obesse potuissent, etiam suo  
maximo incommodo obesse non destitissent, tamen non  
possum mente concipere aliquem esse cui placeat ut de  
se maledicat quispiam. BRA. Puto & te nunquam  
uidisse, uel expertum esse uerè integrum uirum, & uerè  
humanum. Dic quid aliud est iniuria quàm aliquem  
uirū bono priuare? SE. Quæ dicis ( nisi apertius lo=  
quaris ) nō accipio. BRA. Vt accipias curabo, si ali=  
quis tibi iniuriam facit, quid hic facit? SE. Vel de  
me obloquitur uel mea bona suratur, uel filiam cor=  
rumpit, hæc & huius generis alia iniurias esse & insa=  
nū uulgus indicat. BRA. Hoc est quod petebā in il=  
la sententia citata, qua dicebamus iniuriā esse hominem  
aliquo bono priuare, si quis ergo tua bona surripiat ti=  
bi iniuriam facit, quia his bonis te priuat, si tuā filiam  
corrumpit, tibi iniuriam facit, quia priuat te pudica fi=  
lia, & uirgine, quod bonum est, & ideo iniuriam face=  
re, est hominem aliquo bono priuare. SE. Iam accepi  
& ita esse constat, imò & pati iniuriam, est aliquo bo=  
no priuari in quocunq; genere sit. BRA. Dic autem  
quid est uerum bonum nisi uirtus, nam diuitiæ labiles  
sunt, & caducæ, pulchritudo fluida est, & tanquam flos  
breui



breui euanescit, robur diuturno tempore languescit.  
Vnde non ab re à stellato Poeta dictum est.

Præter uirtutem non est durabile quicquam,  
Diuitiæ pereunt, species quoque, robur, honores,  
Cuncta cadunt, uirtus æterna in tempora durat,  
Quam fortuna nequit, nec tollere longa uetustas.

S E. Hæc ita esse cõstat, & nullus uel ignarus inficias  
it. B R A. At uirtus ab eo auferri nõ potest, qui illã  
habet. S E. Et hoc asserũt omnes. B R A. Igitur uir  
probus iniuria affici non potest, quoniam eius probitas  
ab eo auferri non ualet, nec unquam hoc bono priuari  
contingit. hoc serè argento, aut simili usus est maxi=  
mus Tyrius, cùm probare contendebat probum uirum  
iniuriam non pati, nam uirtute priuari nequit, & im=  
probus est, qui iniuriam patitur, ac subit. Imò eodem  
loco probare contendit improbum uirum non posse pa=  
ti iniuriam, quia uirtutem non habet qua possit priua=  
ri, & longissimis uerbis non esse referendam iniuriam  
suadere nititur. Dic num is qui te iniuria affecit, & de  
te maledixit, aut de alio à te ipso, & ab alijs uituperio  
afficitur: & uir improbus existimatur? S E. Equidem  
uituperio afficitur. B R A. At si iniuriã referre uo=  
lueris, nonne & tu uituperio dignus eris? S E. Si re=  
cta mētis acie contēplor, ita esse constat. B R A. Pro  
pterea & tu ipse noli hunc uirum in improbitate imi=  
tari, ne & tu uituperij particeps euadas. S E. A nobis  
dictum est superius facilius esse hæc dicere, quàm face=  
re. B R A. Et a nobis responsum facilius esse facere,  
quàm



quàm dicere . Nam facere nihil aliud est, quàm à refe-  
renda iniuria abstinere, quod facillimum est, cum infer-  
re iniuriam sit difficillimum, nam opus est media inue-  
nire per quæ inferatur, pericula euitare, quæ iam con-  
tingere possent . Cum igitur te accepisse iniuriam pu-  
tas, hoc est potissimum documentum , cohibe animum,  
mentem tuam statim reprime , noli uel minimum tem-  
poris supra hanc rem cogitare, quippe (ut maximi exē-  
plo utar) sicut inter corporis morbos qui serpunt con-  
tumaciter sanitati resistunt , ac propterea oportet fir-  
mum curationis genus adhibere , ut quod superest ta-  
bi saluum fiat, ita in iniuria referenda, quæ optime ser-  
penti morbo comparatur , nam quandoque per urbes,  
quandoque per prouincias adeo serpit ut infinitorum  
malorum causa sit , nisi firmum remedium exhibeatur.  
Est autem firmum remedium cohibere , patique quod  
aliquis putabit esse in iniuriam, sed iniuria uerè nō est,  
si quid sit iniuria ad unguem consideremus . Nostris  
his temporibus calamitatibus plenis uidemus ob iniu-  
rias Carolum Imperatorem quintum copioso exercitu  
in Galliam ingressum esse, & Franciscum Gallorum Re-  
gem non minori exercitu econtrario oppugnare , po-  
terat autē uel uno minimo uerbulo pax inter hos com-  
poni, sed uterque putat se iniuria affectum , quis uero  
eorum rectè bellet , aut quis inrectè nouit gloriosus  
Deus, qui illi opem ferat qui studet eius sanctam fidem  
erigere, confirmare, & ampliare, & qui Italiā in tran-  
quilla pace seruare debeat. In reliquis prouideat Deus  
faxitque



faxitque ut summi pastores, qui in Petri cathedra sedent, & Christi clauces habere profitentur, potius bella sedent, quàm ea mouere conentur. S E. Tu igitur neq; Gallorū, neq; Imperatoris factiones sequeris? B R A. Et impense fatuos existimo qui sequuntur, cum Paulo dicam, quæ supra me nihil ad me, quantū in me sit, Deū optimum oro, ut integra pace fruantur, quod si fieri non possit, is superet qui Deo placebit, & qui Christianam religionem augere debet: & Illustrissimum Ducem nostrum in pace relicturus est, sit quicumque, is superet, uincat, fiat totius Christianæ religionis Dux: & Antesignanus. At ad rem nostram redeunt, sola iniuria, uel credita iniuria tantarum litium causa est: & alicuius ingētis facinoris erit. S E. Si hi qui summi sunt in Christiana fide procures iniuriam referunt, cur ego hominatio referre non debeo? De his tam magnis uiris loqui nostrum non est, in genere tamen dicemus illos neque esse Christianos, neque Christi imitatores, qui iniurias patiēter non ferunt. S E. Si hæc a principibus despicerentur, & placidè ferrent iniurias, omnes de illis temerè maledicerēt. B R A. Maledicāt quantum lubet, si ipsi Christiani sunt negligere debent, & prauorum maledicentias contēnere. Quippe Principis officium est, illos punire qui in alios iniuriam inferunt, eis uerò sponte: & libēter parcere, qui in ipsosmet Principes inferre conantur. S E. Illuc duci non possum ut credā te libēter iniurias pati. B R A. Hoc ad rem nihil facit, si tibi cordi est meam naturam cognoscere,



ANT. MVSAB BRA.

gnoscere, eam à cunis usq; explicabo. SE. Hoc mihi gratissimum erit, nam forte commonitus iniurias ferre adiscam. Sicuti uxorem meam abs te frenare didici: Et iā domi trāquilla pace fruor. BRA: Ego meo=pte ingenio in uindictam inclinor, & nisi Deus optimus mentem meam direxisset, de omni etiam exili iniuria uindictam referre optarem, nec quicquā minimum ferre possem. Tamē à Deo mihi datum est ut hanc naturalem inclinationem cognoscerem, & cognitam superare, ac profligare. SE. Optima uictoria hæc est quam suprā omnes alias collaudat salomon, sed quomodo te ipsum uincere potuisti, & à quo præceptore hanc artem didicisti? ut naturam propriam tibi à materno utero insitā superare possis? BRA. Omnia tibi explanare tentabo si aures porrexeris. Vt dixi meapte natura iniurias ferre nō poterā, tamē à pueritia Deus quandam bonam mentem mihi concessit, & in bonum propensam. SE. Quomodo in bonum propensa erat, si uindictam inferre cupiebas? BRA. Hoc audias, in alijs quibusque actibus, nam satis recta erat de se, modò non afficeretur iniuria, nec unquam inferre iniuriā optabat, licet quandoque referre cogitaret. Itaque hac recta mente( à Deo ut arbitror) ductus, omnes actiones meas in Deum dirigebam, illum frequēter exorās, ut dirigeret gressus meos in semitas suas. Imò in puerili illa ætate quæ propè infantiam est, ante pubertatem orationes quasdam, & præces ad Deum mihi fingebam, quibus maiestatem eius orabam ut bonum me redderet



redderet, & ad discendum aptum, & talem me effingeret, ut continuo mandata eius seruarem, nonnullaque addebam ut nostræ uires suppetere poterant, forte benignus Deus: & misericors hunc animum respiciens in melius direxit: & perseverare fecit, imò nihil tunc agebam, quin ad uota succederet, progrediente ætate humanioribus literis incumbere cœpi, diuinũ auxilium non defuit, etenim nullus erat qui me ad bonas literas hortaretur, & excitaret, quin mater mea uiro orbata ut erat circa filios tenella cum nocte surgebam ut literis incumberem, conquerebatur, mihi conuitia dicebat, timebat enim ne in illa tam tenera ætate aliquã seuam ægritudinem inciderem, & ante diem morte præuenirer. Interim clericus effectus sum, templum frequenta bā linea ueste indutus, ad matutinas horas singulo mane surgebam, musicæ incumbere cœpi, sed gloriosissimo Deo non placuit me per hunc modum illi inservire, cœpi iuri ciuili incumbere, & canonico, nec ista fuit mea illa uocatio, qua à Deo uocandus eram, cœpi liberalibus artibus incumbere, & duce Deo in trium annorum curriculo ita profeci, ut diebus festis ad dialecticam interpretandam cum adhuc puer essem & scolasticus uocarer, sequenti anno artium: & medicinæ (ut inquit) insignia adeptus sum, & anno. 1525. Illustriss. Herculi Alphonsi Ducis Ferrariæ primogenito inservire cœpi, qui me in Galliam duxit. 1528. SE. Nescio quorsum per hæc discurras. BRA. Statim intelliges, cum è Gallia in Italiã redij protinus uxorem duxi anno ætatis



no ætatis nostræ. 28. tunc per uniuersum transactæ  
uitæ cursum discurrere cœpi, & manifestè cognoui  
me ad hanc usque ætatem per conuenientia media, hone  
sta, & laude digna peruenisse, idque non esse factum ex  
meis uiribus, ex mea industria, uel ex meo ingenio, sed  
tantum ex nutu Dei, ex uirtute diuina, Deo optimo du  
ctore, qui me huc perduxit, quasi ita illi ex sua infinita  
bonitate placuit, & licet à pueritia omnia quæ agerem  
omnia quæ cogitarẽ, in Deum semper referrem, id erat  
uniuersali quodam modo factum, non ita statute ut in  
hoc particulari discursu. 1528. quo tẽpore intra me  
disposui, iuravi, ac statui, si non eram futurus probus,  
saltem studere probos imitari, cœpiq; eo tempore mul  
tos Dauidis Psalmos legere, ac relegere, nō paucas ora  
tiones obmurmurare, multis sacris, quæ missæ uocan  
tur interessẽ, officia cum virginis, tum magnum (ut di  
cunt) indies repetere, sed in his tanta temporis copia  
conterebatur, ut uix pro negotijs sufficerem, imò re ue  
ra non sufficebam, propterea coegerunt me rei medicæ  
praxis, & publica lectionũ interpretatio tot Psalmos  
derelinquere, & tot diuina officia, & hoc factum est,  
( me iudice ) Deo ipso gubernãte, atque dirigente, nam  
& hoc non minus benefacere est, quàm Psalmos canti  
lare. 5. lectionibus incumbere, publicè docere, rem me  
dicam exercere, negotijs familiaribus, & illis quidem  
multiplicibus providere, propterea ut probi uiri offi  
cio fungeremur, iterum considerare cœpimus, & men  
tis acie discurrendo probare, illum non esse probum ui  
rum



rum, qui multos Psalmos congerat, qui assiduus in sacris interfuit, si in reliquis uitæ operibus malus sit, quamuis illa bona opera sint, an uero meritoria, uel non meritoria, his disputandum relinquo, quibus otium est de his rebus differere: nam mihi satis est, in his omnibus patrem meum imitari, auum, attauum, atque abauum, qui semper probissimi uiri ab uniuerso populo crediti sunt. Cœpimus igitur uias alias tentare, ut probi uiri officio fungeremur, & nunquam à recto tramite, uel minimum discederemus. Illud occurrit si nunquam ingeniolo nostro otium daremus, sed in cōtinuis negotijs esset occupatum, non dari illi commodum, uel occasionem aliquam cuiuspiam mali perpetrandi. Itaque & diurnas, & nocturnas horas partiri cœpimus, ut essemus semper in negotio. Verum cum his etiam perpetuis occupationibus: quibus aliquod uitæ spaciū transegimus, si quid mihi interim dicebatur aduersum, si quis retulisset ( ut sæpe contingebat ) aliquem de me obloquutum esse, aestuabat animus, irascebar, cruciabar, de uindicta cogitabam: & quomodo iniuriam referre possem, quamuis circa alia mirè occupatus essem, nempe malignus hostis diabolus iniuriæ speciem suggererat. Tunc nouimus, & hanc non esse perfectam uiam ad probitatem, & ad ferendas iniurias, denique multis uijs consideratis, in illam peruenimus, atque descendimus, & in illa assuescere cœpimus, perseueramus: & perseueraturos statuimus, quæ est in omni re, in omni cogitatione, in omni negotio, quātum possibile sit chri

B sti uesti=



sti uestigia imitari. Cœpi igitur cū aliquis mihi dicebat in tali uirorum confesso omnes de te honestè locuti sunt, præter magnum illum satrapam & publicum maledicum, qui mirè obloquebatur, tūc intra me ipsum cogitare incipiebam ( quamuis arderet animus in uindictam ) quid fecit in hoc casu cristus noster? quomodo se gessit in illos, qui eum blasphemijs, atque conuictijs incitabant? Noscebamus, legebamurque pro illis Deum patrem exorasse, ut illis parceret, qui nesciebant quid facerent, cœpi & ego Christum imitari pro his Deum orans, qui de me obloquebantur, qui ledere cupiebant, & tentabant. Sed primis illis uicibus cū hanc artem exercere cœpi ( & enim ars quædam est hæc christi imitatio ) in primo illo uestibulo sensus mirè pugnabant, & imaginatio ipsa ferè refugiebat, distorquebatur animus, ut pedem ferè ab hac bona imitatione retraherent, & pro his orandum esse nolent. Veruntamen ratio ipsa, quæ id sibi agendum statuerat, repugnabat, reprimebatque sensus. Et hæc erat non mediocris pugna, quia meapte natura in uindictam pronus eram, tamen cū ratio bis, ter, & quater sensum uicisset, deinde facilius, & cum minori labore superabat, & facilius cedebat sensus. Mirumq; audias, cum iam ratio sensuum domina esset, ac præses, in meipso tamen expertus sum rationem ipsam quandoq; facilius, quandoque difficilior uictoriam assequi, id ego corporis humoribus attribuebam, qui indies regeneratur, & soluitur. Cum enim biliosi essent, tunc sensuum appetentia magis



tia magis uigebat, uerum denique rationi submittebatur sensus. Cœpimúsque non solum uerè, & ex tota mente, & ex tota anima nostra illis parcere, & Deum pro eisdem orare, sed etiam ore aliquibus audientibus cūm mihi simile quid referebatur, dicebam, hi fortè qui de me obloquuntur, magis me cognoscunt, quam uos facitis. Et certè (in hoc enim non te decipiam) primis illis uicibus, quādo hæc dicere cœpi ore loquebar, non corde, postea paulatim assuescere cœpi, prius autē natura sepius repugnante, imò diabolus (ut arbitror) hominum hostis acerrimus in memoriam meam plurimum tum philophorum, tum poetarum, tum historicorum diſteria reuocabat, quibus iubent inimicis non esse parcendum, sed cōuenire illis se terribilem reddere, quæ cum fidei nostræ opposita esse cognoscere, statim ad christi imitationem me uertebam, cuius dicta, & gesta, his penitus, & ex diametro opponebantur, & eum pro summo philospho, pro summo poeta, & pro summo historico habebam, in hacque dæmonis suggestione, & rationis pugna, mens non sine magno labore superabat, & paulatim uictoriæ in hac pugna assuebat. S E. Non possum nō putare hunc debere esse magnum laborem. B R A. Et hoc unum non prætermittam in illis primordijs huius imitationis non esse satis uerba christi legere, atque gesta, nisi aliquem probum uirum adeas, qui iam huic pugne assuetus sit, & quem actu ita se gerere uideas, & ex animo hoc faciat, non autem ex inani quadam gloriola: nam multi sunt,

B ij qui ex



qui ex inani gloria Christum imitari student, ut uideatur ab hominibus, & probi iudicentur, qui ex hoc sua mercedem habent. S E. Quem imitatus es in hoc opere? B R A. Elegi præ omnibus patruum meum Iohannem Brasauolum, qui habebatur tanquam probitatis specimen, & exemplar in hac urbe, cui animum meum explicauit, & totam mentem aperui. Ille intentionem meam summe laudauit, & simul documenta quedam ad hunc finem assequendum tradidit, quæ supra modum prodesse reperi. S E. Quæ nam fuere hæc tam salubria documenta? B R A. Vnum fuit hominem non moueri aliquo intrinseco affectu: sed omnes superare. S E. Quomodo hoc intelligis, nam ad bonos affectus moueri oportet? B R A. Loquebatur de affectibus animæ concupiscibilis. scilicet non irasci re etiam quæ ad iram prouocet imminente, hoc est non multum irasci, & si possibile est nihil irasci, non gaudere re quæ ad gaudium faciat irritare, non tristari aduersis, & prosperis non letari. S E. Volebat ergo te esse stupidum hominem, & lapideum. B R A. Scito charissime senex hoc unum esse ex potissimis documentis, quæ in probitate dari possint, nam qui affectu aliquo non mouetur, hic necessario probus est. S E. Quomodo potuisti tu non irasci in aduersis, non gaudere in prosperis, atque letari? B R A. Ingenue fateor, me nondum illuc peruenisse: & ad illam perfectionem accessisse: sed indies accedo magis, atque magis, breuique futurum spero (Deo fauente) me illam affecuturum: non tamen absque magno labore cum  
sensus



sensus omnes ex diametro oppugnent. S E. In principio quonam modo perfectionem istam acquirere coepisti? B R A. Posteaquam in hac harenam descendimus omnia ingenuè tibi aperiā: statui intra me omnia siue bona, siue mala essent in Deum referre, & de omnibus etiam uel bonis, uel malis illi gratias agere, coepique illud sapientis promulgatum uerbum considerare, si bona accepimus de manu Dei, mala autem quare non? & coepi constanti animo credere Deum curare mortalia: itaque cum aliquid mali contingebat, uel referebatur, omnipotenti Deo gratias agebam, sed primis illis uicibus ore dicebam, & animus erat anceps, atque egreferebat. Si aliquid prosperum contingebat, iterū laudabam Deum: sed corde gestiebam, postea paulatim effici, ut uix doleam in aduersis, uix in prosperis later & breui futurum spero quod his affectibus non commouebor, sum enim huic perfectioni satis propinquus, ut his affectibus non mouear, ab amicis plerunque refertur nonnullos de me oblocutos esse: eos negligo, & nisi esset primus quidam sensuum impetus, quem nescio an unquam extinguere potero (nam primi impetus in nostra potestate non sunt) iam finem operis effecutus essem. Nūc autem in hoc totis uiribus incumbo, ut primos hos motus comprimam, si quispiam de me bene loquatur, has laudes paruidento, uideoque, & tota mente percipio hæc ad integram sanitatem, & uitæ longitudinem multum cōferre. Si filius mihi in lucem prodeat, aut filia bene uenerit, inquit, nihil malū est, quod

B iij      à Deo



à Deo mittitur si moriatur, Deus dedit, Deus abstulit, si lucror bona sua dat mihi Deus, si aliqua auferuntur fortè ille indigebat, his uerbis & constanti animo omnes affectus comprimere studeo, frequenter expertus sum patrum meum Iohannem Brasauolum hoc animo affectum esse, & certè hoc documentum pulcherrimū fuit, & supra omnia quæ dari possunt, & in quo opus est frequentes exerceri si integre assequi debeamus. Exercitium uerò ita incipit si omnia in Deum primò uerbis, deinde corde referamus, nam frequenter ex exteriori quodam habitu interiorem prouocamus, & excitamus. Multa uerò sunt, quæ ad hoc nos adiuuant: unum est, si frequenter imbecillitatem nostram consyderemus, quòd ex terra conflatī sumus, & stercore pleni cito corruptibiles, foetidi. Aliud est, ut humiles esse studeamus, & in ipsa nos exerceamus. S E. Quomodo fieri poterit hoc humilitatis exercitiū? B R A. Quinque à Diuo Bernardo referuntur, quæ ad humilitatis exercitiū, faciūt: primū est amor uilitatis, ut ea quæ rat homo in quibus & locus quidā uideatur iniuriæ: secundo assiduitas subiectionis, ut semper cum aliquo esse uelit, quem reuereatur, & timeat, ut discat refringere suam uoluntatem: tertio comparare se melioribus, ut semper inueniat hominem, cui comparatus ipsi multa desint: quarto assidue propriam conditionem consyderare, ut ad omnem elationis motum occurrat, quid superbis lutum, quid superbis cinis? quarto consyderare occultum inspectorem, cui etiā aperta sunt arcana cordis



cordis. S E. Hæc potius ad cucullatum spectare uidentur, & ad illud nouum genus franciscanorum, quod uulgus à cucullo scapucinos uocauit. B R A. Imò ad Christianum spectant. S E. Habuistine alia præcepta à patruo? B R A. Et complura, ut id, quod Christi uerba, mores, & gesta semper in promptu haberem, & totus scaterem euangelio, ac Pauli & aliorum apostolorum sententijs. S E. Optimum quidem præceptum hoc est, sed ut arbitror nunquā illud assequer. B R A. Ne diffidas o senex, nam in illa es ætate, in qua & facile præceptum assequi poteris, & facilius in opus committere, hoc enim in mea ætate difficilius est, quæ uigens est, & in qua feruet bilis, & omnia ad motum prompta sunt. Verum & illud non mediocre documentum fuit, mortem non esse timendam, nam hic timor multorum malorū causa est, tu enim aperta fronte ueritatem profiteri debes, etiam si ob ueritatem immineat mors, nec illud prætermittam intactum, sed ulò conscientiam suam examinandam esse, & sacerdoti præsentandam, hoc enim facit ut seipsum cognoscat homo, imò antiqui nihil præclarius, nihil excellentius in tota humana uita existimarunt, quàm seipsum cognoscere, propterea ab oraculo Apollinis e cælo aurea illa sententia decidit γνῶθι σε αὐτόν cognosce teipsum, quod summus poetarum Virgilius probū uirum edocere studens inuuit ita canens.

Vir bonus, & sapiens, qualem uix repperit ullum

Millibus è cunctis hominum consultus Apollo

B iiij Iudex



ANT. MVSABRA.

Iudex ipse sui totum se explorat ad unguem  
 Quid procures, uanique leuis sit opinio uulgi  
 Securus, mundi instar habes, teres, atque rotundus,  
 Externæ, ne quid labis per leuia fidat.  
 Ille diem quam longus erit, sub sydere cancri  
 Quantaq; nox tropico se porrigit in capricorno.  
 Cogitat & iusto trutinæ se examine pensat.  
 Ne quid hiet, ne quis perturbet, ac angulus æquis  
 Partibus ut coeat, nil ut declinet amussis,  
 Sit solidum quodcunque subest, nec inania subtus  
 Iudicet admotus digitis pellentibus ictus,  
 Non prius in dulcem declinat lumina somnum  
 Omnia quam longi reputauerit acta diei.  
 Quis prætergressus, quid gestū in tēpore, quid non  
 Cur ipsi facto decus abfuit, aut ratio illi,  
 Quid mihi præteritum, cur hæc sententia sedat.  
 Quam melius mutare fuit, miseratus egestem  
 Cur aliquem fracta persensi mente dolorem  
 Quid uolui: quid nolle bonum foret, utile honesto  
 Cur malus antetulit, non dicto, aut denique uultu  
 Perstrictus quisquam: cur me natura magis quam  
 Disciplina trahit, sic dicta & facta per omnis  
 Ingrediens, ortoque a uespere cuncta reuoluens  
 Offensus prauis dat palmam, & præmia rectis.  
 Vides hic charissime senex, quam sanctè, quā piè, quā  
 religiosè, quā christianè virgilius, uel quisquis fuit  
 poeta ethnicus, & ab aliquibus ( falsò ut puto ) impu  
 diciſſimus, cecinerit. S E. In sola sui ipsius ferè con  
 syderatione



syderatione, & cognitione, & suorum actuum pensculatione uirum probum statuit. B R A. Ita est, & nihil inueniri potest, quod hominem aut meliorē, aut magis probum reddere possit confessione ( ut nunc utar hoc uocabulo ) hac enim homo se ipsum explorat ad unguem quid fecerit, quid facit, quid se facturum parauerit. S E. Hoc equidem non mediocre documentum est, ut homo probus euadat. B R A. Imò optimum, nam ita se gerere ut frequenter ab auditore peccatorū eius mala gesta audiatur, est seipsum consyderare, & se totum ad unguem contemplari, quod ad perfectionem multū facit. S E. Cū adeò utile sit, nostra cōmissa audiri, de nonnullis miror, qui nostro hoc tempore, confessionem ( ut uocant ) ē medio auferre tentant. B R A. Id auferre tentant, quo in nostra religione nihil perfectius, nihil exquisitius, & nihil ad salutem cōmodius. Nos non solum uidemus apud Theologos confessionem istam ad salutem animarum esse utilissimam, & necessariam, sed apud Ethnicos, etiam & Gentiles quidam eius effectus summē laudatur. S E. Quinam est hic effectus? B R A. Omitto in præsentiārum omnium delictorum remissionem, si ex toto corde fiat, sed sui ipsius cognitionem intelligo, quam ex confessione si pura sit perfectissimē acquirimus. Nullus enim pura mente auditori peccatorum sua commissa refert, qui se ipsum, id est hominem suum interiorem nō examinauerit, atque diligenter excusserit, & non uiderit quibus, & quot maculis sit aspersus. Fuit ergo optimum consilium



lium eius male commissi probo cuidam uiro referre,  
 S E. Deditne alia documenta pratrius? BRA. Et  
 multa, in quibus illud erat, quod leonino carmine refe-  
 rebat, quod tibi tu nō uis, alijs fecisse caueto. Hæc enim  
 est naturæ lex, ne id alteri feceris, quod si tibi fieret  
 ægreferres. Nec illud prætermisit, nihil ex improui-  
 so faciendum, aut dicendum, quin prius considerarem,  
 quid contingere possit. S E. Nec istud fuit uanum do-  
 cumentum. BRA. Imò & quod Alexāder Magnus à  
 Diogene illo cynico accepit, & eo quandoque a morte  
 liberatus est, cum eius tonsor ante Alexandri ædes sen-  
 tentiam istam præscriptam inuenisset, & hoc potissi-  
 mū facit illa consideratio, quia si ira percitus es in-  
 terim remittitur, aut cessat si nimio gaudio afficeris, in-  
 terim dum finem consideras remittitur gaudium: & di-  
 cta quedam uana effugis, quæ illi dicere solent, qui ni-  
 mio gaudio affecti sunt. Nos quamplures uidimus, qui  
 bus melius, & salubrius fuisset, ita repente non respon-  
 disse: nempe irrevocabile uerbum. Augustus impera-  
 tor puto ab Athenodoro consilium ferēs in ira, in quā  
 præter modum accendebatur, respondit. Nunquam in-  
 uindictam progredi debere, quin prius uiginti qua-  
 tuor Græcorum literas recenjuerit. & Platonis senten-  
 tia refertur, qui à famulo prouocatus noluit illum uer-  
 berare, imò dixit: te uerberassem nisi essem ira perci-  
 tus, ac si innueret nihil agendum cum affectus est ani-  
 mus, sed tunc agendum est, cum affectio, quæ animum  
 occupat remissa fuerit. S E. Obseruastine tu hæc o-  
 mnia



omnia documenta? BRA. Obseruare tentauī, & obseruo, sed nondum illuc accessi, ut perfectionē habeam, spero tamen Deo duce, me breui illam assecuturum, uolebat præterea omnia in Deum referenda esse, ne in cuius rei gloriolam doceremur, vnde quicquid occurrebat, id omne ex Dei uoluntate factum esse censerī oportet. Cum cœpi me in hoc documento exercere, solis uerbis, & non corde proferebam, deinde paulatim exercitatus in id deueni, ut omnia tum bona, tum malanutu Dei fieri putem, & omnia in illum referem, non quidem summis labijs: sed ex tota mente mea, & quæcunq; à me fiunt, à Deo fieri proculdubio censeo. Hæc sunt documenta, quæ senex ille uenerandus Ioannes Brasauolus probitatis specimen mihi referebat, quibus semper Christi uerba, mores, & gesta coniungebam, & nunc coniungo: sed utinam illum imitari possē, ut cupio. Ad rem igitur redeuntēs, pro qua in hanc harenam descendimus, si quis de te malè loquatur, negligito hæc uerba, cogita quid fecerit Christus in maledicos. Iudica illa uera esse, quæ à scelesto illo dicuntur, uel time ne uera sint, & tuum animum tūc corrige: ac perfice, pro hoc maledico uiro Deum orare ne cesses, ut benedictus fiat, ut integra mente donetur, ut resipiscat & errores suos cognoscat. S E. Deo uindictam committam, & ipse retribuet. BRA. Imò Deum orare debes ne de hoc uiro uindictam sumat. S E. Ita in sacris literis scriptum inueni Deo uindictam relinquendam: mihi uindictam, & ego retribuam. BRA. Id certe in sacris li-



cris literis scriptum est, tamen non arbitror ex hoc intelligi Deum orādum esse, ut uindictam sumat, imò nec optandum, nec cogitandum: Deum potius orare debemus, ut persecutibus nos, parcat. Est uerò huius sententiæ sensus, nullus uir probus uindictam sumere debet, sed Deo derelinquere, qui, id agat, quod lubet: & tibi cordi non sit, quòd uindictam sumat. S E. Amo à Deo exerceri iustitiam. B R A. Bonus est amor, & laude dignus, si iustitiæ amore mouearis, & non amore uindictæ. Cum uerò hoc potius ames propter uindictam, ob hoc ora, ut uindictam non sumat, sed illi misello parcat, túque paruipendas loquaces, & maledicos, qui non de te uiro probo, sed de se ipsis male loquuntur. Quòd si feceris, Deo placebis, uir probus euades tuæ uitæ diuturna tempora adiunges: & hi uiri maledici denique inuidia rumpentur, Deusque diriget gressus tuos in semitas suas. S E. Hic tuus discursus mihi summè placuit, túque documēta aggredi incipiam, modo assequi possim. B R A. Si sedule, ac frequenter in ipsis te exercitaueris, uidebis te paulatim probum uirum euasurum. S E. Experiri decreui, si probus uir fieri possim. B R A. Fies omnino si prædictas regulas sequaris: quàmuis multæ aliæ sint apud Bernardum quas data opera prætermisi, ut breuius quàm fieri possit ad institutum nostrum descenderemus. S E. Institutum erat de catapotijs sermonem habere, sed præscriptæ regulæ sint animæ catapotie, quibus, & ipsa expurgatur, & à prauo in bonum alterari potest. B R A.

Hanc



Hanc igitur lucem in catapotijs cōteremus. S E. Nī si refugias. B R A. Ad te potius accedo. S E. Vnde initium sumat oratio? B R A. A nominis interpretatione & ab expositione unde originem duxerit, si tibi uidebitur. S E. Imò maximè uidetur.

B R A. Hoc igitur modo exordiamur, pilulas recentes uocant, quasi paruas pilas, sunt enim in paruarum pilarum modum pilulæ, hoc est in rotundum, nempe compositiones sunt, ex re una simplici, uel pluribus in rotundum conformatæ: hanc figuram præ alijs elegere medici, ut facilius per stomachū, & gulam in uentriculum descendat: nam rotundū corpus nullam eminentiam habet, qua impediri possit ne descendat: præterea plura in rotundo corpore cōtinentur, quàm in alia qualibet corporis figura: est enim capacissimum rotundum corpus. Adde, ut undique æqualiter liquecant pilulæ: cum in uentriculo sunt rotundæ fiunt, hæ sunt ferè causæ cur pilulæ rotundam formā nactæ sint. S E. Audiui, & illam formam habere ut diutius in uentriculo morarentur. B R A. Non est causa cur diu in uentriculo commorentur, sed illa, quia præduræ, non liquidæ, quia prædensæ, non fluidæ, qualia sunt liquidæ medicamenta, quæ facile discurrunt, antequam in uapores soluta sint. At pilulæ, à uentriculo non abeunt prius, quæ liquefactæ sint, & iecur petierint, & uapores per uniuersum corpus transmiserint, & caput potissimum impleuerint: unde passim receptum est medicamenta in hanc solidam formam redacta facilius à capite educere quàm



quàm si liquida, & in rei potabilis formam accepta,  
imò non solum à capite, sed & à quibuscunque remo=  
tioribus partibus. Nec illud prætereundum, cum illa,  
quæ pilulas ingrediuntur simplicia, ut plurimum ama=  
ra sint, & quæ nauseam inferant sumentibus, hæc rotun=  
da forma inuenta est, ut medicamentum citò descendat,  
& uix, uel nihil degustetur: orbiculi, & globuli à lati=  
nis nuncupari possunt à Græcis *καταπότια* & *καταπότιον*  
dicuntur. S E. Est ne apud Græcos proprium pilu=  
larum uocabulum *καταπότιον*? B R A. Græci non  
uocant solas pilulas catapotia, sed omnia, quæ integra  
deuorantur digitis ori admotis, & integra deglutiu=  
tur, ut à medico fiunt catapotia nuncupant: nempe uer=  
bum habent *καταπίειν* quod est deuorare, à quo *κατα*  
*πότιον* dicitur quicquid integrum deuoratur. quam=  
cunque habuerit formam, uel quia laringa dicitur *κα*  
*ταπότις* per quam hæc transeunt, fortè catapotia di=  
cta sunt. S E. Quicquid igitur insumitur, & deglu=  
titur, etiam si rotundum non sit, catapotium dici cōme=  
rebitur? B R A. Equidem, tamen & ipsi in usu habe=  
bant catapotia. S E. Et in forma rotunda? B R A.  
In rotūda. S E. Potēsne hoc facile probari? B R A.  
Facillimè, si duo aut tria Græcorum authorū loca ad=  
ducemus, quibus sua catapotia in rotundum uergere o=  
stendimus. S E. Adducas quæso. B R A. Ab hoc  
incipiam, qui statim menti subiit. Alexander Trallia=  
nus libro. 2. cap. 4. ubi de tussi ex materia agit bechica  
catapotia formare docet, quæ in globulos conformari  
debere



debere inquit erui quantitate, certum uerò est globulū  
in modum erui in rotundum uergere: & lib. 3. cap. 21.  
de dyssenteria agens docet conformari catapotia quæ  
singula erui magnitudinem impleant. S E. Fortè in=  
telligit quo ad pondus. B R A. De pondere non in=  
telligit, quia dat bina, aut terna, sed de magnitudine, &  
forma: nam in alijs locis expresse præcepit redigenda  
esse in globulos, ut lib. 4. cap. 4. Aëtius, & ipse libro  
10. cap. 36. de aromatico crunio agens docet aloen re=  
duci debere in catapotia magnitudine ciceris, & duo,  
aut tria esse danda. Et in fine noni libri ponit catapo=  
tium dysentericum, quod dicit aderui magnitudinem  
conformari, & quinque, aut sex danda: & in ual=  
rijs alijs locis, cum de catapotijs agit, in globulos for=  
mari docet: & Paulus Aegineta cap. 5. septimi lib. ca=  
tapotia confici ostendit in modum ciceris, quorum dat  
undecim una uice: habes igitur in rotundum uergere  
antiquorum catapotia, quamuis non sit necessaria illa  
forma, ut apud Cornelium Celsum uidere est lib. 5. cap.  
25. qui de catapotijs agit: & quandoq; aderui magni=  
tudinem conficit, quandoque ad nostræ fabæ magnitu=  
dinem, quandoque ad fabæ ægyptiacæ. Tamen in eo ge=  
nere catapotij quo ad plures dolores per somnum le=  
niendos facit, manifestè ostendit esse etiam catapotium  
& si illam formam non habeat: nam uult compositio=  
nem illam reducendum esse ad crassitudinem sordium,  
postea ex ea aut paulum deuoretur, aut aqua diluatur,  
& potus detur. Idemque facit in sequenti compositio=  
ne. S E.



ne. SE. Nostri igitur boli, & electuaria, catapotia essent. BRA. Electuaria in ore tenentur, & ideo suū nomen habent eclegmata, boli uerò quos deuorandos facimus uel ex cassia, uel ex alia re, omnino sunt catapotia si uorentur, & integra transglutiantur, ut nomē ipsum ostendit. SE. Erit ergo inconstans uocabulū catapotium, & non solum pilulas nostras significabit. BRA. Est equidem, propterea utor potius latinis uocabulis, aut globulos, aut pilulas nominans. Sed his quæ in genere dicta sunt omiſſis, ad singularia catapotia descendamus, nam infinita propemodum Græcorum authorum loca inueniemus, quibus probari posset catapotiorum formā talem esse, ut deglutiri possit: dic modo quo ordine catapotia scripsisti? SE. Ut loculi, et pixides offerebantur. BRA. Igitur genus primum legas quod in tua scheda scriptum est, nam ab eo incipiemus.

Alefangine

SE. Pilulæ Alefanginæ nuncupatæ illæ sunt, quarum pixis mihi scribēti occurrit. BRA. Nec ab re, nam, & apud Mesuem primæ sunt, quæ in suo libro offeruntur. Aliās uerò tibi dictum est apud Mauritanos Alefangin pulueres odoratos significare, & grati saporis, quibus in obsonijs utimur, & uulgò simplici nomine species uocantur, sunt autem aromata, propterea hæ pilulæ de aromatibus interpretantur, non ob id solum, quia aromata tantum recipiant, sed quia multa capiunt aromata. Aliqui ab aloe Alefanginas nuncupant. Mesue inquit ad uentriculi dolorem conuenire, quando



quando ob pituitam doluerit, & ipsum roborant co=  
 ctionem accelerantes, cerebrumque, & sensus omnes,  
 ac uentericulum à crassis humoribus liberant: tamē ego  
 in hoc casu simplici hiera potius utor, quàm his Ale=  
 fanginis dictis: nunc autem eius compositionem addu=  
 cito. S E. hæc est quæ sequitur.

℞ Cinamoni

Cubebe

Ligni aloes

Calami aromatici

Macis

Nucis muscatæ

Cardamoni

Cariophilorum

Azari

Masticis

Schœni

Spicæ

Carpobalsami

Absynthij sicci

Rosarum

ana ʒ i

} ana ʒ v.

Terantur cōtritione crassa, & fundantur ea aquæ lib.  
 duodecim: & coquantur usque ad consumptionem dua=  
 rum partium, deinde fricentur manibus, & colentur, et  
 eius aquositas exprimatur, & ℞ aloes succotrini bo=  
 ni libram unā, quæ lauetur in lapidea patera uitriata,  
 aqua pluuiali, deinde exsiccet, & fundatur super ip=  
 sam expresionis prædictæ circiter libras duas, & te=  
 rantur

C



ANT. MVSABRA.

rantur in sole. Deinde cum aloë ea, quæ sequuntur mis-  
ceri debent.

℞	Myrrhæ	}	ana	℥	v
	Masticis				
	Croci			℥	iiij

Tere contritione bona, deinde prædictæ expressionis  
residuum super ea fundetur, & conterantur usque dum  
exsiccentur, & fiant ex eis pilulæ in modum ciceris, &  
da ex eis à drachmis duabus usque ad aur. ij. & quan-  
doque affectio exigit, ut ex eis minuatur uirtus aloës,  
& ponimus ex eo ℥ iiij. & quandoque exigit disposi-  
tio, ut lauetur aloë prius cum aqua myrobalanorum, et  
tunc accipe ex eis ab ℥. iiij. usque ad ℥. viij. & coque  
in aqua, & postquam coxeris cum hac aqua exsicca il-  
lam, & laua ultimo cum aqua de speciebus, sicut dixi-  
mus: sunt enim incolumes, hæc est integra apud Me-  
suem Alefanginarum compositio. BRA. Fuere diu  
apud recētes medicos probatæ, ac laudatæ hæ pilulæ,  
& re uera non uidemus cur, & nunc laudari non de-  
beāt, nisi à Græcis authoribus, alia potiora haberētur,  
ab ortu ferè mundi experta, & comprobata, & in quæ  
eadem ferè simplicia ingrediuntur. SE. Quæ nam  
hæc sunt? BRA. Earūdem ferè uirium sunt, hæ pilu-  
læ, quas de simplici hiera apud Galenū in septimo Me-  
thodi medendi libro inuenies: nam & si tot simplicia  
Galenī compositio non complectatur, ea saltem capit,  
quæ ad affectiones uentriculi, & capitis, in materia  
præsertim frigida, potissimū ualent: propterea Ale-  
fanginis



fanginis pilulis simplicem Galeni hierā nunquā post=  
ponimus: imò Galenum potius sequimur. S E. Quid  
est AZari, quod hāc compositionē ingreditur? B R A.  
Codex mēdosus est: nam pro azari, assari legendū est,  
et re uera ita constat in pluribus antiquioribus codi=  
cibus, quamuis et apud Damascenos hoc uocabulum  
azarum, assarū significet. S E. Non possum nō ual=  
de mirari de Mesue, qui sibi ipsi in hac cōpositione op=  
poni uideatur: nempe inquit decoctionem fieri ad con=  
sumptionem duarum partium, uerū ubi superius de de=  
coctionibus agebat, in ipsis semper ordinem facit, ut il=  
la quæ maiorem decoctionē in ebulliendo patiuntur præ=  
cedāt, quæ uerò minorem sequatur, in his autem pilu=  
lis absynthium ponitur, quod mediocrem patitur deco=  
ctionem. Et rosæ adhuc minorem. Multæque ingre=  
diuntur aromata substantiam raram habentia, et faci=  
le solubilem, ut ipse Mesue in hac compositione sua do=  
cumenta seruare non uideatur. B R A. Duo annotan=  
da occurrunt, unum est Mesuem ea semper non repete=  
re, quæ ab ipso in alijs locis dicta sunt: unde cū hīc de=  
coctionem fieri iubet, eam fieri intelligit secundum ge=  
nerales decoctionum regulas, quas prius ueluti funda=  
menta iecerat, ut primò illa ebulliant, quæ decoctionem  
maiorem patiuntur, deinde quæ mediocrem, deniq; quæ  
modicam. Vel cum hac in præsentī decoctione posita  
crasso modo conterēda docuerit, in hisque pilulis uis,  
quæ in centro est simplicium exigatur, et non illa, quæ  
in superficie: nam quæ in centro est roborat, et quo=  
c ij dam modo



dam modo slyptica est, propterea tãtã decoctione, tãm= que longa usus est. S E. Tamen non mediocre dubiũ apud authores est, de pulueribus, quos ipsi uocant spe= cies, an tenuissimẽ, uel crasso modo in puluerem reduci debeant. BRA. Hanc ambiguitatem non rarò au= diui, sed illam potissimum faciunt in colocynthide ob di= uersitatem authorum in ipsa, & oppugnantia : & de qua suo loco dicemus. Vt autem in presentiarum tibi satisfiat, dicimus cum decoctio fit ( ut in hac Mesue cõ positione ) non exigitur extrema contritio, & in mi= nutissimum puluerem solutio. Cũ uerò simplicia in pilulas conformare uolueris, tunc in puluerem tenuis= simum contere. Dic autem bone senex lauãsne aloen? S E. Quid nam petis? lauo & pluries. BRA. Ne admiratione afficiaris, si de aloes lotionẽ interrogauẽ rim, cũ & multi sint, qui non lauent, & sortẽ qui la uant uno quodam errore inter lauandũ ducuntur. S E. Quõnam errore duci possunt? BRA. Tuum lauandi modum referas, sortẽ tunc errorem interim ostende= mus. S E. Aloen accipio, & in puluerẽ redigo, mox aptam inijcio, & baculo circumduco, deinde hoc com= mixtum relinquo quoad aloẽ in uasis fundum descen= dat, & tunc aquam proijcio, aliãque inijcio, & uehe= menter circumduco, & iterum descendere sino, idemq; tertio facio. BRA. Quoties hoc facis? S E. Cer= tũ numerũ non seruo, sed nõ minus facio, quã septies uel octies. BRA. Cũ lauas, & quoties lauas nõn= ne aqua illa, qua lauas inficitur? S E. Inficitur qui= dem, sed



dem, sed sorde aloes. BRA. Imò tenuiori aloes parte, quam proijcis simul cum aqua, unde nonnulli extitere, qui aquam nunquam mutassent, sed in eadem aqua perpetuò lauabant, dicentes lauare quandoque est alii cui rei aquam miscere, ut cum dicimus diluere uinum, hoc non. i. lauare uinum, sed aquam uino miscere. SE. Qui ita dicunt ( me iudice ) Mesue non intelligunt: nā hoc non diluere una solū fit uice. Mesue autem iubet aloen pluribus uicibus esse lauandā. BRA. Nec ego hos laudo, sed ueram lotionem intelligo. SE. Tamen albucasis ubi de modis abluendi aloen agit, abluit imbibendo simul decoctionem quandam, quam parat. BRA. Quæ nam est albucasis decoctio? SE. Hæc quæ sequitur.

℞	Cassie lignee	}	ana	3	ij
	Spice nardi				
	Affari				
	Squinanti				
	Carpobalsami				
	Xilobalsami				
	Cinamomi				
	Ligni aloes				
	Croci				
	Masticis				
	Laccæ				

Cōtūde & coque in libris sex aquæ, donec huius aquæ medietas consumpta sit: cola, & exprime, & pone in uitreum uas, accipitque optimæ aloes libram unam, &

c ij in pul=



in puluerem redigit, ac triturat: Deinde prædictâ decoctionem ipsam irrorat, donec tota in aloen imbibatur, ponitq; super uas marmoreum, aut uitreum, & in sole continuo torret: Deinde in mundam pateram ponit, & crassiori pâno tegit quoad exsiccetur, cum exsiccata fuerit iterum in puluerem cõterit, & alia decoctionis portione irrorat, & iterũ exsiccare permittit: quòd toties facit, quoties ad plenum imbibita sit decoctio, & exsiccata, & deniq; in uase uitreo seruat. Vides hunc esse modum quendã ablutionis, & tamen nõ proijci aquam? BRA. Sed nunc te ostendere incipiã hũc modum non posse intelligi a Mesue, quia, inquit, sæpius abluatur aqua pluuiali secundum ablutionem à te nuper relatam, opus esset pluuiam aquam imbibi in aloë: at hæc aqua frigida est, & humida, quæ qualitates, & ab intentione pilularum alefanginarum diuersæ sunt, et affectibus oppugnant, quibus hæc pilulæ succurrere debent: quare ille Albucasis abluendi modus à Mesue intelligi non potest, præsertim quia cum decoctione suorum simplicium hanc imbibitionem non facit Mesue. SE. Antiqui docuerunt ne lauandi modum, quo aloen lauare possimus? Affer tu, aut tuum, aut antiquum modum. BRA. Antiquos lota aloë usos esse maximè cõstat. Nam Galenus in septimo de arte curandi libro, & in his, quæ scribit de compositione medicamentorum secundum locos hieram fieri docet, et ex aloë lota, et ex non elota, et sæpius dicit sumendam esse aloen elotam, aliàs non elotam. Quo autem lauandi modo uteretur, non satis



non satis cōstat, tamē aqua lauassē arbitramur, & hinc  
argumentum accipimus, quod Dioscorides lib. tertio,  
ubi de aloe agit, dicit medicaminibus oculorum ualere  
tosta, uel lota, additq; lauatur autem, ut quod areno=  
sissimum sit subsidat, abijciaturq;: pinguißimū uerò, &  
lene tollatur: uides igitur ad quem finem lotio tendat  
secundum Dioscoridem, ut. s. si quid terreū mixtum sit,  
id omne abeat, unde aloen lauandam esse iudicamus, ut  
crassas partes atque terreæ abeant, hōcque aqua fonta=  
na fiat, & prima uice totum terreum subsistat. S E.  
Nōne & tu aquam illam eiiciendam iudicas, in qua  
ablutio facta sit? B R A. Eiiciendam. S E. Num &  
quod tenuē est eycis? B R A. Eiiciam quod tenuissi=  
mum est, quia lotionem unam solum faciam, neq; aloen  
in puluerem redigam, ut lauem: sed optimam aloen ac=  
cipiam, quæ ( ut inquit Dioscorides, & Galenus) fa=  
cile diluitur, & liquefcit, per unam uerò, & solam ablu=  
tionem: partes solum quædam leues, & extrinsecæ abij=  
ciuntur: uerum ex hac ablutione id solum acqui=  
rit, quod minus educit, & adhuc minus per ablutiones  
duas, & per tres minus per plures uel parū, uel nihil  
educet: hoc Galenus innuit in septimo de arte curādi li=  
bro, ubi, inquit, hieram fieri posse ex aloe lota, & non  
elota: additque, hæc itaque non elota ualentius uacuat,  
elota uacuat quidem minus, sed roborat uētreū magis:  
id igitur facit lotio, quod aloe minus euacuat, sed ma=  
gis roborat paulo, & Aetio idem sentientibus. Galenus  
etiam in tertio de simplicium medicamentorum facul=  
C iiij tatibus



tatibus lib. cap. 14. cum docet in brassica esse duas contrarias facultates, & illasmet posse esse in pluribus, de aloe hic agens dicit ab aliquo posse remoueri partes, quæ purgāt, unde inquit: nam si aloe accurate lauetur aut debiliter, aut planè nihil uentrē subducet, lotio igitur partes illas in aloe aufert quæ subducūt, & quāto lotiones magis multiplicātur, tanto minus subducens efficitur, ut apud Galenum exquisitissima lotio subductionē penitus auferat. S E. Quenā est huius rei causa? B R A. Quoniā in omni ablutione tenuiores partes auferuntur, & eijciuntur: unde quanto plures fient ablutiones, tanto plures tenues partes abeunt, quæ sunt basis, & fundamentum eiectionis. S E. Tamen uentriculum uehementius roborabit? B R A. Equidem, & ideo cum intetio harum pilularum alexandrinarum sit, & pituitam educere, ac humores crassos à uentriculo, cerebro, & instrumentis sensuum, & roborare uentriculum, ex multis aloes lotionibus nihil educunt, & Me sue intentum non habetitur, quòd est educere pituitosas materias, & crassas. S E. Quid igitur à pharmacopolis agendum est? B R A. Quantum in me sit Galenum imitarer in decimo Methodi medendi libro, ubi docet parandam esse hieram ex aloe lota, & non elota: nempe si lota sit hiera magis roborat, minus educit: si non elota minus roborat, magis educit: & ut in quarto de simplicium medicamentorum facultatibus lib. cap. 14. edocuit, si egregiè lauetur, aut parum, aut nihil educet, propterea suaderem, ut compositiones duas serua-

res, unam



res, uiam ex aloe non elota, qua uteremur, quoties materialium crassarum euacuatione indigeremus: nam aloe à Græcis inter medicamenta illa computatur, quæ à fecum educatione, ἐκκοπτοῖν idest stercoris eductiua nuncupantur: quando autem sola uentriculi, & capitis roboratione indigemus, has pilulas paratas uoluerim ex aloe egregie elota. S E. Si utroque indigeamus & roborare, & educere, quid tunc agendum est? B R A. Aloen habebimus medio quodam modo lotam .i. quæ nec egregie sit elota, neq; penitus illota. S E. Quomodo hoc fiet? B R A. Si semel tantum abluatur hoc habebis: non enim erit egregie lota, neque illota: etenim una sola lotio talis non est, ut eductiuam uim ab aloe auferre possit, & magis roborare potest, quam si esset non elota. De Mesue miror, qui toties lauari censuerit forte non est intelligendus Mesue, quod hæ pilulæ crassas materias educant, quoniam, etsi dicat mundificare stomachum à pituita, hoc fortassis intelligit mundificando, & non euacuando: & ita egregie lotam esse oportebit. Dicamus igitur cum harum pilularum usus sit, materias crassas resolvere, & roborare: propterea aloe pluribus lotionibus lauari debet, ut magis roboret, de euacuatione autem nihil refert, quia hoc non queritur: at si contingat uel semel uel bis, cum qui acceperit euacuari, tanto melius erit: nam ablutio partes illas remouet, quæ uim habent educendi: sunt uero hæ tenuiores, quæ semper cum abluatur eijciuntur. S E. Quot igitur uicibus lauari debet? B R A. Tertia lotio egregie aloen lauat,



lauat, quæ non in puluerem teratur, sed aquæ misceatur, quippe si bona sit aloë diluitur facili, et eliquatur. S E. Nō dabuntur igitur, ut euacuemus. B R A. Nō equidē, sed, ut resoluamus, ac roboremus, nūc huius cōpositionis reliquum examinemus, inquit aloen sumendam, quæ prius sit exsiccata: deinde superponendas esse duas libras illius decoctionis, & in sole ponendas miscentes quousque sit exsiccata, & hæc commixtio à recentibus nuncupatur ablutio aloes, per uiam nutritionis, quia decoctio illa imbibitur aloë, & ea ferè nutri ri uidetur, huius nutritionis fortè meminit Galenus. S. de compositione medicamentorum secundum locos in simplici hiera, cū dicit aloen ali, ea autē exsiccata mirram commiscet, Masticen, & Crocum: additque Mesue reliquum decoctionis superponi debere aloë, & agitari, quoad exsiccetur, postea utaris: sed peto, quot dies exigantur ad exsiccationem duarum librarum huius decoctionis. S E. Pro ratione temporis sub æstuate cane, quatuor aut quinque dies satis sunt. B R A. De reliquis duabus libris decoctionis, quid interim facis? S E. Omnes pulueres una uice non coquo, sed didium solum: postea reliquum iterum coquo, & ad duas libras resoluo: Aliter & corrumperetur decoctio illa, quæ remanet, in tali dierū spacio, & ad aliquā portionē saltē resolveretur. B R A. Istud nec probo, nec mihi placet: Malo etenim, ut una uice fiat tota decoctio, quoniā diuersum compositum est, si totā pulueris summā in. 12. aquæ libras ebullieris, quousq; adeo exsiccetur,



*siccetur, ut quatuor solū supersint, ab eo si dimidiū pulueris acceperis, & usq; ad duas partes ebullias. S E. Mihi uidetur esse eadē compositio, in utraq; enim duæ tertiæ partes resoluūtur? B R A. Quantū ad cōpositionis proportionē omnino est proportio, sed nō quantum ad resolutionis tēpus, quia pulueri tēpore indigemus ad resolutionē. 8. librarū, quā ad resolutionē quatuor, in hac autem mora puluerū uires decoctionē magis ingrediūtur, præsertim quia crasso modo pulueri zati sunt: adde quod magis imprimit tota puluerū coaceruatio in totū: præsertim tanto tempore ebulliendo, quā pars in partem. S E. Quomodo igitur agendum, ne corrumpatur aut resoluatur, antequam prima decoctionis pars aloes mixta euanescat? B R A. Audias, ille duæ decoctionis libræ, quæ aloë prima die miscentur, si dies sit canicularis, & feruētissima, eadēmet die exsiccabuntur. S E. Quomodo hoc fieri poterit? B R A. Arte. S E. Hanc artem libenter addiscerem. B R A. Edocebo si quid persolues. S E. Persoluam. B R A. En sponte edoceo, si octo aquæ libras acceperis, & in arctum uas posueris, deinde alias octo libras in latius uas eijcias, & alias octo in adhuc latius, & alias octo in latissimum, & hæc omnia uasa feruentissimo soli exposueris, deprehendes latissimi uasis aquam citius resolui, deinde latioris, deinde minus lati, denique arcti: nam quanto aqua est altior, tanto tardius resoluitur, ex his inferimus, secūdum uasis capacitatem aloen, & decoctionem recipientis tardius, & citius*



citius exsiccare, lotionem igitur uasē accepto uitreo, in quo hæc ponas, & per ipsum decoctio ad semi digiti crassitudinem extrahatur, aut etiam minorem, eadem die resoluetur, itaque poteris secunda die reliquum decoctionis commiscere, & eadem secunda die, uel tertia saltem exsiccabitur. S E. Breui quidem dissoluetur hoc modo, sed æque bene commisceri non poterit in latiori patera, sicuti in arcta. B R A. Quid impedit? imò facilius commiscebitur, & per omnes partes tractari poterit, uolui, atque reuolui. S E. Eo modo multæ partes resoluentur. B R A. Aequè resoluentur si per multos dies exsiccentur. S E. Mihi æque non uidetur: nam multæ partes ab aloë reseruantur. B R A. Imò, ut in genere fatear, hoc mihi summe displicet, quòd soli exponantur, & misceantur, quoad exsiccentur: nempe multæ partes uel solis à decoctione trahuntur, & per aerem euanescent. S E. Quod resoluitur parui, uel nullius momenti est, sed tota uis in aloë imbibitur. B R A. Nos putamus esse aliquid magni momenti: etenim tenuiores partes aeræ, igneæ, et aquæ illæ sunt, quæ euascent: terreæ solæ supersunt, crassæ, et cōfractæ, in quibus nec odor, nec uerus sapor inueniri poterunt. S E. Imò relinquitur odor. B R A. Nō est uerus decoctionis odor, is enim uaporosæ substantiæ, & tenui inmittitur, quæ à radijs solaribus ad se trahitur, & consumitur, ac exsiccat: quippe disputatio est in naturali philosophia, an accidentia de subiecto in subiectum transire possint, & qui transire censent, argumentum habent, de odore



de odore, qui accidens est. tamen ex pomo in manū trā  
sit: veri autem philosophi, qui cum Aristotele putant  
non transire, dicunt, & si odor ex pomo in manum trā  
sire uideatur: tamen de subiecto in subiectum non tran  
sit, et si id experimento comprobabis, quia accepto po  
mo, et per aliquod tempus per manum conuoluto, odor  
in manu sentitur, ad hoc experimentum duæ sunt diuer  
sæ sententiæ, quæ respondent: una dicit in manu nouum  
odorem generari, sicuti ex igne nouus calor in linteo  
fit, hæc autem sententia à magnis philosophis non pro  
batur, sed potius id probant, quod ab alia sententia, et  
uera philosophorum opinione dicitur, odorem .s. non  
esse in tota pomi substātia tanquam in subiecto, sed es  
se in tenuioribus partibus uaporosis, quæ partes cor  
pora sunt, cum uerò pomum tractamus ex manus cali  
ditate meatus insensibiles pomi aperiuntur, et uapores  
illi exeunt, qui sunt corpora, et quibus odor tanquam  
subiecto inhæret: illique uapores manui inhærentes, po  
mi odoris in manu seruant: quod autem hoc sit, ex eo  
uidere licet: quia si hyeme pomum odoraueris, in prin  
cipio nihil redolet: nam eius insensibiles meatus clau  
si sunt: cum uerò ita manu tractatur, ut caleat, uel alio  
etiam modo caleat, adeò, ut euaporatio in qua odor  
inest exire possit, tunc odor persentiri incipit: at si po  
mum diu tractaueris denique inodorus efficietur, quia  
uniuersa euaporatio, cui odor innititur, exilit, et hoc  
in omni odorata re contingit: propterea odoramenta  
clausa seruari debent, ne euaporent, alioqui simul exit  
odor



odor, experientiaque uidemus liquida odoramenta, et quæ nihil habent glutinosi, si in detecto uase fricentur, odorem amittere, quia exhalationes, quibus odor inuititur, abeunt, ut in aqua rosacea et similibus uidere nihil impedit: illa uerò quæ glutinosa sunt odoramenta, odorem quidem remittunt, sed penitus non amittunt, tamen tam diu tractari possint, et detecta seruari, et exsicari, quòd odorem amitteret, ut in zibetto, ac moscho, quæ maximè redolēt experientia ostendit: ab Aristotele igitur nō ab re dictum est odorem esse fumosam exhalationem. i. fumosæ inuiti exhalationi, quod et ante Aristotelem censet Plato: nam in calce secundi Alcibiadis odorem in uaporosa re fundari inuit, ubi socrates de Homero loquens ita dicit, Troianos cū suburbanum ædificium molirentur, dicere dijs immortalibus preciosa sacrificia, bonum nidorem uerò, ex litore suauem ad cælum usque uentis extolli, quod inditium est odorem esse in uaporibus, et fumo: hoc autem Plato ex Homero fortè accepit, primo iliados uersu. 313. cū de sacrificio agens in hunc modum cecinit.

Κνίσση δ' οὐρανον ἵεν ἐλιδόμενη περὶ καπνῷ

In cælum nidor fumo reuolutus abibat.

Idem sentit, et Auicena in libello de origine spiritus capite. 9. primi tractatus, ubi docet quid sit subiectū aromatizantis ( ut eius uerbis utar ) uerum, ne hac in re nimis immoremur, et nostro fine frustremur, dicimus fumos ab illa decoctione eleuari, quibus fumus odor inuititur, et uigor simplicium decoctionem ingredientium solūmque



solūmque terrestrem partem remanere. S E. Tibi igitur placere non uidetur, ut hanc decoctionem exsiccare sinamus: nempe sol mire trahit partes à centro usq; imo & si in umbra exsiccentur, & nimis immorentur, & fumos eleuari opus est: unde potius uoluerim, ut pulueres illi immiscerentur aloë, quàm ut illa decoctio fieret. S E. Putas igitur nihil uirium in aloë ex tali decoctione remanere? B R A. Absit ut nihil dicam, parum tamen remanet. S E. De odore ipso non modico ambigo, an in solis uaporibus sit. B R A. Nō est opus hanc philosophicam materiam nos hīc differere, sed ipsam uidere, si cupias nostra libri prædicamentorum comentaria perlegas, ubi adeò exaggeratè illa tractamus, ut nihil desit. S E. His pilulis ultimā manum imponamus. B R A. Hæc sit ultima manus, pulueres actu potius ingredi debent, quàm decoctio illa, quæ postea ui solis exsiccet. S E. Tamen recentes medici, qui pharmacopolium nostrum frequentant, ita parari uolunt. B R A. Pro ipsis para, mihi satis est habere simplicem Galeni hieram ex aloë elota, & non elota: uerum apud alios authores compositiones aliæ non desunt ab his diuersæ, quæ alefangine pilulæ uocantur. Nempe ha. in. 10. lib. suæ uocatæ practicæ, & in 7. ubi de inordinato appetitu agit, similem ferè descriptionem alefanginarum refert. Et Serapio in antidotario suo tres descriptiones ponit, quarum prima aliquā affinitatem cū hac habet. S E. Illæ solū in usu sunt, quas Mesue descripsit: unum autem scire percipio cum dicti



dicit rosarum absynthij ana 3 v. Alij contextus habēt ana 3 v. Quid intelligere oportet 3 v? BRA. Minor aliquem esse, qui in hac re dubitet, & qui statim suum codicē non emēdauit, si dicat uncias in drachmas. Verum de his alefanginis satis dictum est: quarum loco utor ego simplici hiera Galeni: propterea nō ab re esset, si secūdo loco de pilulis hierē simplicis ageremus cum quibus magnam affinitatem habent prædictæ, & in eadem intentione eis utimur.

Hiera  
simplex

SE. Pilulæ de simplici hiera Galeni in nostra scheda secundo loco scriptæ non erant, sed posteaquam tibi animo est, ut illas excutiamus, ut lubet fiat. BRA.

Quomodo illas paras? SE. Galeni modo paro. Nā in primis hieram picram constituo, ut Mesue docet distinctione tertia de medicinis solutiuīs. BRA. Illam explica. SE. Ita fit à Galeno ( ut refert Mesue. )

℞ Cinamomi  
Maſticis  
Asari  
Spicæ  
Carpobalsami  
Crocī  
Xiloloes  
Caſiæ

} an. partes æquales

Aloes ad duplum ponderis hæ sunt species hieræ Galeni, ex quibus pilulæ de hiera simplici cōficiūtur apud Mesuem. BRA. Quo liquore miscetis hos pulueres, ut in pilulas cōformētur? SE. Melle rosato. BRA.

Vidiſtine



Vidistine alios, qui hanc compositionem alio modo cōponerent? S E. Imò sunt Ferrariæ, qui ex sex rebus solūm conficiant. B R A. Simplicium pondus referre ne pigeat. S E. en.

℞ Cinnamomi  
Asari  
Xilobalsami  
Spicæ nardi  
Crocī  
Masticis

} ana partes æquales.

Aloes ad duplum ponderis. B R A. Quomodo accipis hoc duplum ponderis, an totius compositionis, an solūm unius simplicis medicamenti? S E. Vnius simplicis, ut si cinnamomum sit, uncia una, aloes sit, uncia duæ. B R A. Exquisitius fuisset ad duplum ponderis omnium, quia compositio magis propinqua fuisset cōpositioni Galeni. S E. Non est igitur Galeni descriptio. B R A. Non est quoad pondus, nec illa, quā facis, est Galeni simplex hiera, nec alia quā nonnulli parant, & Nicolaus Galeno illam attribuit, & simpliciter uocat picram. i. amaram Galeni, quam dicit ad omnem capitis frigiditatem ualere, & stomachi cōtione procurare, uomitum stringere uteri frigiditati subuenire, conceptionem adiuuare: quam dicit exhibendam esse in balneo uel eunti dormitū. Eius compositio hæc est.

℞ Aloes optimæ  
Cinnamomi  
Nardi

3 xiiij .s.

D Costi



ANT. MVSAB BRA.

Costi	}	ana 3. l. g. vij
Croci		
Schæni		
Xilobalsami		
Cassie fistulæ		
Masticis		
Asari		
Rosarum		
Amomi		
Absynthij		
Mel quod sufficit		

Hæc in hiera illa picra, qua in clysterijs nos utimur, & quam præbeo quoties simpliciter indicitur hiera picra à medicis uel hiera picra Galeni: tamen non est simplex: scimus nonnullos pharmacopolas, qui alium puluerem parant, quo pilulas istas conficiunt: sed quia picra mihi composita uidetur, & non simplex, ideo de compositione illa nullam mentionem feci. BRA. Ab re non est omnia referre, ut errores detegantur, & in ueritatem adducantur. SE. Hæc est, quæ sequitur

℞ Cinnamomi  
 croci  
 Spicæ  
 Schæni  
 Asari  
 Cassie lignæ  
 Xiloaloes  
 Carpopalsami

Violarum

Violarum

Absynthij

Epithimi

Stechados

Agarici

Rosarum

Turbith

Colocynthidis

Masticis

ana. 3. i.

Scamonij correcti 3 ij

Aloes Epatici ad pondus omnium.

Omnia tenuissimè in puluerem redigit & in pilulas conformat ex melle rosato uel re alia secundum intentionem ægritudinis. BRA. Et asserunt hanc esse hieram Galeni? SE. Asserunt. BRA. Res profectò mira & quæ apud Galenum nusquam reperitur, & Galenus de turbith, mentionem nunquam fecit, multique hac utuntur pro illa hiera qua in climatibus utimur: nam & ipsa à Nicolao describitur, & talem differentiam facit, quia primam, uocat Galeni picram, secundã hieram picram Galeni. Audias & alterum quorundam errorem qui ueram quidam Galeni appellatam hieram ex sex rebus faciunt & centum drachmis aloes, sed singulorum simplicium unam solam drachmam ponunt.

SE. A te certo scire uoluerim quomodo confici debeat hæc simplex Galeni hiera. BRA. Hoc modo te coelabo, scito Galenũ exhibuisse hieram in puluerem reductam quam ex decocto aliquo bibebant, uel iure, uel

D ij in ecleg=



in eclegmatis formam deducebant, uel catapotiorum, et globorum: sed priusquam de simplici Galeni hiera loquamur, prius inspicere oportet, an à Galeno inuenta sit & composita hæc hiera. S E. Cur in hoc dubitas cum & Serapio, & Auicenna in hac hiera Galenum adducant, ueluti huius compositionis authorem & inuentorem? B R A. Adducunt quidem, quoniam apud Galenum scriptam inueniunt: sed an Galeno authore extiterit ignorabant, imò hieram aliam scribunt, quàm illa sit, quæ apud Galenum inuenitur. S E. Quomodo fieri potest tales tantosque uiros deceptos esse? B R A. An ipsi decepti sint uel eorum interpretes, & librarij nostrum non est iudicium ferre, id tamen aperta fronte profiteri audemus infinitas esse compositiones ab antiquis confectas, quas in Auicenna, Serapione, Mesue, & Haliabate, Mutilus, imperfectas, & perperam adductas legimus. En Mesue octo simplicia ponit in hac compositione præter aloen. Idem Auicenna facit, & ponunt duplum ponderis aloes, Serapio tres hieræ descriptiones refert, quarum prima uera est Galeni simplex hiera, quamuis simplicium pondus per haur faciat quòd Galenus drachmam dicit: sed hoc ad rem nihil facit. Fortè haur apud ipsos drachmam significat, quamuis ab omnibus ferè receptum sit. signarem drachmam unā & semis. Verum ad rem nostram redeuntes dicamus hanc simplicem hieram non fuisse à Galeno inuentam: sed potius ab Andromacho. S E. Quid inquis? Receptum est apud omnes hanc hieram esse Galeni inuentum.

Mesue id



Mesue id sentit, id sentit Auicenna & omnes simul re-  
 centes. B R A. Sentiant hi authores quicquid uelint,  
 scito hanc hieram esse Andromachi hieram. Nam anti-  
 quorum mos fuit compositiones quasdam à seipsis ha-  
 bere inuentas quas ipsi suas sacras compositiones nun-  
 cupabant, quoniam eas magnificiebant & ægris tan-  
 quam res sacras exhibebant, unde ruffi hiera reperitur  
 satis probata: hiera Anthiochi, hiera iusti, hiera Archi-  
 genis. S E. Galenus ergo nullam hieram parauit, quā  
 ipse suomet ingenio constituisset? B R A. Hæc uoca-  
 ta simplex Galeni non est, ut ibi oculata fide ostendam:  
 sed Paulus Aegineta lib. 7. cap. 8. cū hieras refert hie-  
 ram quandam adducit, quā Galeni hieram uocat. S E.  
 Quenam est illa? B R A. hæc quæ sequitur.

℞ Frixaginis

Piperis longi

Piperis albi

Stechadis

Veratri nigri

Schamoniij

Spicæ nardi

Scylle assatæ

Epithimij (secūdū aliquos)

Mirr hæ

Croci

Guttæ amoniaci, Thymia

maticis, Euphorbij

} vniuscuiusq;  
3. XVI.

} vniuscuiusq;  
3. viij.

Quæ cuncta melle excipiuntur. S E. Hæc non in Ga-  
 D iij leni



ANT. MVSÆ BRA.

leni hiera simplex, neque eiusdem composita hiera quā  
Nicolaus refert, & tu superius adduxisti. BRA.  
Hanc etiam compositionem apud Galenum inuenire nō  
potui. Aetius præterea lib. 3. cap. 117. hieram quandā  
describit, quam Galeno attribuit: cuius compositio ab  
illa Pauli euariat ipsa: Nam, inquit.

℞ Pulpæ colocinthidis	3 viij.
Scyllæ assate	
Amoniæ Timiamathis	} singulorum 3. xvi.
Schamoniij	
Corticis ellebori nigri	
Stechadis	
Hiperici	
Epithimi	
Succi polypodij	} singulorū 5 viij in alio codice habetur 3. ij.
Bdelij	
Aloes	
Camedrios, in alio co dice habetur Eupatoriij	
Marubij	
Cassie	
Mirrhe Trogloditicæ	} singulorū 5 iiij
Sagapeni	
Croci	
Aristolochiæ	
Piperis albi	
Piperis nigri	
Piperis longi	
	Cinamomi

Cinamomi  
 Oppoponacis  
 Castorei  
 Petrofelini

}

Mellis quod sufficit, integra exhibitio .i. .iiij. media. iiij.  
 Minima. ij. cum melicrato, & minutissimi salis coclea=  
 rij semis, hæc est Galeni hiera secundum Aetium. Tu au=  
 tem uidere potes quanta sit differentia inter illam Pau=  
 li, & istam. S E. Differentia est in simplicibus, & in  
 copia, hæc autem à te nuper dicta hiera reperitur ne=  
 apud Galenum? B R A. Eam diu quæsiui, & tamen in=  
 tegre inuenire non potui. S E. Vnum est à quo mo=  
 ueor hieram simplicem esse Galeni hieram, quia Paulus  
 lib. 7. cap. 11. illam compositionem referens dicit, pi=  
 cra Galeni accipit.

Aloes  
 Ligni balsami  
 Mastiches  
 Croci  
 Spicæ nardi  
 Asari  
 Cinamomi

3

C.

}

singulorū 3 vi.

Sunt qui iunci rotundi odorati, floris, & cassiæ unius=  
 cuiusque. 7. vi. admisceat, exhibe. 3. l. in hydromelita.  
 hæc Paulus, ex quibus apparet, hanc compositionem es=  
 se Galeni existimasse. B R A. Galenus idem non scri=  
 bit, ac si sua sit, nec à Paulo refertur, ac si Galeni sit: sed  
 quia, & ab ipso Galeno refertur, uerū ut animus tuus

D iiij quietior



quietior euadat: nunc ostendamus hanc hieram non esse Galeni. Inuenio ipsam apud Galenum in quinque locis positam, in tribus locis in lib. de compositione medicamentorum κατὰ τόπους: & in septimo Methodi medendi lib. & in sexto de sanitate tuenda, compositio quam omnes passim sequuntur, & adducunt ex septimo Methodi medendi accipitur, & hic locus in medium semper affertur, cum de hac hiera mentio sit, inquit uerò præcitato loco Galenus: Expedit ergo paratam habere, quam omnes medici picram. i. amaram uocant: atq; hanc dupliciter confectam utique ex aloe elota, & nō elota, admiscetur autem huic Cinamomi.

Cinamomi	}	vniuscuiusq; 3. vi.
Xilobalsani		
Assari		
Spice nardi		
Croci		
Masticis chie	}	
Aloes		

Ex his colligere potes, si omnes medici uocant hoc medicamentum picram nō esse eius inuentum: nempe dixisset quod nos picram uocamus, propè finem intra sexti libri, de sanitate tuenda, inquit. In totum ergo ad aloes drachmas centum, reliquorū cuiusque coniunguntur 3. sex quæ ipsa quoq; sex sunt, atque hæc est picra quam Romæ omnes præparant, ex quo apparet, si omnes Romæ habebant hanc picram, quod ab ipso non fuerat inuenta: præsertim quia non tantum immoratus erat



erat Romæ, ut omnes illam parare potuissent, cum multos habuerit æmulos, qui Galeni compositionem non parassent, in secundo etiam lib. de componendis pharmacis secundum locos, ubi de ijs, qui ex stomachi uitio capite dolent, agit, inquit, præstantissimum præsidium est medicamen ex aloe præparatum, quod nonnulli quidem uocant picram, hoc est amaram, nonnulli hiera ex aloe, ac iniiciunt quidem centum aloes drachmas, sex autem aliorum singulorum, quæ & ipsa sex sunt numero Cinamomi, spicæ nardi, Xilobalsami, Mastiches chia, Asari, croci: ex hoc loco quia aliquos uno modo uocare dixit, alios alio modo, suam compositionem non esse deprehendi, potest in octauo autem lib. de componendis pharmacis secundum locos, ubi scribit, quas Andromachus tradiderit facultates stomachicas, inquit, cum Andromachus inscripssisset stomachicæ: deinde sic incæpit, ad stomachicos hiera quatuor, deinde totam eius compositionem ordine tradidit, quæ in hunc modum habet.

Iunci odori flores	}	singulorum 3. vi
Xilobalsami		
Mastiches		
croci		
Nardi indicæ		
Asari		
Cinamomi		
Aloes elotæ	3	c.

Simul leuigata reponito, si ergo Andromachus hac hiera utebatur, qui ante Galenum scripsit, nam de eo in pluribus



ribus locis Galenus mentionē facit, qui & libros The-  
rapeuticæ scripsit : propterea hæc hiera Andromacho  
potius attribuenda esset, quàm Galeno. S E. Non ta-  
men dicit fuisse inuentum Andromachi. BRA. Non  
equidem, quia re uera est inuentum Themisonis, qui an-  
te Andromachum extitit : Fuit autem Aesclepiadis audi-  
tor, ut de eo pluribus locis mentionem facit Plinius,  
de quo Iuuenalis.

Quot Themison ægros autumnno occiderit uno.

S E. Quomodo hoc scis? BRA. Quoniam Galenus  
in eodē octauo de compositione medicamentorū secun-  
dum locos, hanc compositionē ponit, & præfixa inscri-  
ptio dicit: Antidotū hiera Themisonis ad stomachi sub-  
uersiones ualet, & astuātibus, & ad omnem inflationē,  
tardam excoctionem, & uteri affectus, est etiam ad uri-  
nā probè efficax, summam facultas admirabilis, hy-  
dropicis, iecorarijs, & nephriticis, quin & mulieribus  
menses educit, postea descriptionē ponit, quæ præcisè est  
simplex hiera appellata, ita enim post titulū sequitur.

Aloes	℥	C.
Mastiches	℥	I.
Croci	tantundem	
Nardi indicæ	}	singulorum ℥ I
Cinamomi		
Carpobalsami		
Asari		

Contundito, incernitōque cribro tenuissimo, seruatoq;  
siccum, ut perspirare possit, uides esse hieram simplicē,  
& à



à Galeno hîc nuncupari antidotum hiêra Themiso-  
nis. S E. Igitur qui indicunt, dicere debent: & hiêra  
Themisonis? B R A. Ita indicare debent, quod etiã à  
Themisone inuêta fuerit: Actius testis esse potest lib. 6.  
cap. 10. ubi curatione melancholicorũ ex Galeno ponit,  
inquiens, dandam esse hiêrã aloes, quæ præ cæteris epi-  
thymum recipit, quam conficies sicuti iubet Themison.

Aloes	3	C.
Mastiches	}	singulorũ 3 l.
Croci		
Spicæ nardi		
Cinamomi ad du- plum cassiæ		
Asari		
Carbobalsami	}	3 ij
Epithymi		

Detur in mulsa coclearis magni ad mensuram, hoc est  
satis efficax testimonium, hanc hieram non esse Galeni:  
sed Themisonis, qui multò ante Galenum scripsit, quã-  
uis Serapio in tractatu de Antidotis eam Andromacho  
attribuat, id autem fecit: quia compositionem istam ac-  
cepit ex. 8. de compositione medicamentorum secundũ  
locos, ubi Galenus refert quas Andromachus tradide-  
rit facultates stomachicas in quo loco hieram ponit,  
qua utebatur Andromachus, non tamen hieram ab An-  
dromacho inuentam. S E. Quicquid sit, hæc non est  
Galeni compositio, uel ab Andromacho, uel à Themiso-  
ne inuenta sit, eam tamen antiquiores in frequentissimo  
usu hæ-



ANT. MVSÆ BRA.

usu habuere: sed tu in præsentiarum, quomodo ex amussini fieri debeat edoceto. BRA. Id quam lubenter agam Themison ex septem rebus hieram composuit, ut Galenus in octauo lib. de compositione medicamentorum secundum locos refert. SE. Quæ sunt hæ septem res, quæ secundum Themisonem ingrediuntur? BRA. Hæ sunt.

Aloes	3	C.
Mastiches	3	I.
Croci	tantundem	
Nardi indicæ	}	singulorum 3 I
Cinamomi		
Carpobalsami		
Asari.		

SE. Hanc compositionem superius etiam adduxisti.

BRA. Adduxi: sed nunc, ut ostenderim ex quibus pararet Themison, adducere denuo non sum grauatus: tamen huius medicamenti pondus in simplicibus diuersum est apud Asclepiadem, & Andromachum: nempe Asclepiades aliorum simplicium unciam miscet, hoc est pondo drachmas argenteas octo, aut septem semissem: Andromachus autem drachmas sex, conueniunt ambo in positione drachmarum centum aloes: Andromachus ponit aloen elotam, Asclepiades non elotam. Andromachus recipit Xilobalsamum, Asclepiades Carpo balsamum: Andromachus florem iunci odorati miscet, quod non facit Asclepiades, hic uero Galeni locus me dubitare facit, An Themison fuerit, qui Asclepiadem audierit



audierit, cū Aſclepiades adducat hāc hieram tanquā Themifonis Antidotum: quod an ita fit, nunc curæ nō fit, idq; ſatis eſto. Themifonis hieram nuncupari, quā ( ut eodem oētauo lib. Galenus refert ) ſimpliciter hieram appellarunt, ſed diſtinctionis gratia appoſuerunt dia aloes, ut diceretur hiera dia aloes, ad alterius hieræ differētiā, quæ dia colocinthidos appellatur, hancque ſimplici uocabulo picrā, idēſt, amarā nūcupabant. S E. Cū nonnulli drachmas ſex ſimpliciū, nonnulli oēto ab aloe ponāt, quos imitari debeo? B R A. Licet Themifon huius cōpoſitionis inuētor unciam poſuerit, & idem fecerit Aſclepiades, tamen cū facile ſit inuentis addere, & quod iam inuēta eſt perficere, Andromachū, & Galenū poſteriores imiteris, qui rem interius conſyderantes, ſex drachmas ſolū ſimpliciū miſcuerunt, ut præcitato loco, & in ſecundo loco eiſdem uoluminis, & in ſeptimo Methodi medendi, & in ſexto de ſanitate tuenda uidere eſt. S E. Erunt igitur omnium ſimplicium præter aloen ſex drachmæ. B R A. Ab re fortē non erit, ſi omnium ſimplicium, quæ hanc cōpoſitionem ingrediuntur, ſinem conſyderemus. S E. Imò erit optimum, propter quod cinamomum recipit? B R A. quoniam, ut Galenus dicit lib. oētauo de cōpoſitione medicamentorum ſecundum locos, præter id quod tenuiſſimarum ſit partium, additur etiam, ut uētris meatus ſimul adaperiat, abſtergat, extenuētque, ſi quid glutinoſum craſſumue humoribus inhæreſcat: Etenim craſſos hos humores ob expurgantis facultatis imbecillitatem



tatem aloë non solet attrahere : quare , & biliosarum  
in uentre dispositionum præstatiſſimum eſt remedium,  
ut uno die frequenter multos curauerit, qui ſtomachi  
uitio moleſtari crediti ſunt: iuuat & hoc, & omnes alios  
affectus ex prauiffimis ſuccis contractos, Cinamo-  
mum admixtum, ut quod uim habeat qua prauas quali-  
tates in naturalem ſtatum reducit. Hic eſt igitur finis  
ob quem compositio hæc Cinamomum recipit. S E.

Cùm à te aliàs detur, ſit nos uerò Cinamomo carere,  
quomodo fiet hæc integra compositio? B R A. Gale-  
nus in ſexto de ſanitate tuenda libro de hac compositi-  
tione agens, inquit, in defectu Cinamomi accipiendum  
eſſe duplum caſſiæ optimæ, quam aliàs ea eſſe uirtute  
nonnulli putant, ut nihil ab inualido Cinamomo abſit,  
quod tamen non credit Galenus, quia à generoſo Cina-  
momo etiam talis caſſia longè ſuperatur: ſed, inquit, ſi-  
cuti in boni panis inopia, uel uiliſſimo ueſcimur, ſic in  
Cinamomi penuria exquisitiſſima utemur caſſia. S E.

Ergo quia Cinamomo caremus in hac compositione  
duodecim drachmæ caſſiæ, ideſt canellæ poni debent?  
B R A. Omnino ſi Galenum, & antiquos ſequi uolue-  
rimus, quamuis aloës uis ex hac copia in tali compo-  
ſitione parum denigrabitur: ueruntamē nunc uerum Ci-  
namomum ad nos allatum eſt, ut tibi poſt hunc ſermo-  
nem oſtendemus. S E. Non mediocri gaudio afficiar,  
ſi antequam moriar Cinamomum uidere datum ſit, dic  
uerò propter quod maſtiche hanc compositiōem in-  
greditur? B R A. Galenus octauo lib. de compositio-

ne me-



ne medicamentorum secundum locos, inquit, Mastichen hanc compositionem ingredi, quia apta stomacho gratique odoris est confringendæ in aloes medicamentosa efficax, ut autem de omnibus alijs in summa tibi dicā, aliqua sunt abstersoria, & tenuia, alia stomacho apta robore quidē longē cinamomo inferiora, genus autē idē facultatis habentia. Galenus præterea inquit melius esse loco Asari Carpesium ponere: cū uerò nobis Carpesium desit, Asarum ponere curauimus, hæc q; consyderatio est in secundo lib. de compositione medicamentorum secundum locos, ubi etiam de Croco differit, an sex drachmæ præcipi debeant, uel pauciores, quia nōnullæ ex his, quæ ei adiiciuntur, caput feriunt, quod dicit Galenus frequēter sibi accidere hæc solo Croci odore, Ideo compositionem illam optimam iudicat, quæ recipit Croci. 3. V. Aloes. 3. XC. Et cum sint aliqui, qui facile capite replentur, pro his quatuor solum croci. 3. iniicit, qua compositione in his etiam utitur, qui suffusorum imaginationes, aut accidentia ex stomachi affectu patiuntur, quibus autem uenter prohibetur, & in mulieribus, quæ non probè purgantur sex croci. 3. ponit & quadraginta aloes. S E. Ergo aloë quādoque non debet esse centum drachmæ? B R A. Minimè secundum Galenum in secundo de compositione medicamentorum secundum locos. In septimo autem Methodi medendi huius rei nihil meminit: at in sexto de sanitate tuenda, dicit, se secisse duas picras, præter illam, qua omnes utuntur, quæ habet centum drachmas aloes, & sex alia



sex alia sex rerum in una uerò suarum picrarum ponit plus eorum, quæ calefaciunt, in altera minus. Dicit autem immisceri plus calefacientium, si aloes quantitas dematur, ut si aloes sit drachmæ 80. alia sint drachmæ sex. Erunt autem illa, quæ calefaciunt minus, si aloes multiplicetur, ut si drachmæ. 21. addantur, sitq; aloes drachmæ. 121. reliqua drachmæ. 6. S E. Optarē ego compositionem unam statam & firmam. BRA. Fieri non potest, quin duæ sint. S E. Quare? BRA. Quia paratam habere oportet picram ex aloes elotā, et ex non elota: postea, si medicus quicquam addere uoluerit, id facere poterit, aut ex aloes, aut ex alijs rebus. S E. Quas uires habet aloes elota, & nō elota? BRA. Superius dictum est, & Galenus in sexto Methodi mendendi, & in secundo, & octauo de compositione medicamentorum secundum locos docet, inquit, non elotam aloes minus roborare uentriculum, sed magis euacuare, e contrario lotam magis roborare uentriculum, & minus euacuare: quia in elotione tenuiores partes, & quæ habent uim medicamentosam abeunt, & eiiciuntur. S E. Optarim, ut compositionem illam afferres, quæ Galeni mentem attingere magis uidetur. BRA. Quamuis in locis uarijs illā probet, quæ recipit aloes drachmæ centum: aliarum rerum sex, in secundo tamen de compositione medicamentorum secundum locos, & in octauo, hanc, quæ sequitur componendam minuere uidetur, & seruandam.

℞ Aloes

3 XC.

Cinamomi



Cinamomi ʒ lxi. sed pro eo cassia, idest  
canellæ. ʒ. xij

Xilobalsami

Asari

Spicæ nardi

Mastiches

Croci

} ana ʒ. vi.

ʒ v.

Omnia in puluerem redacta misceto & seruato. S E.  
Quantā huius picræ quantitātē dare oportet? B R A.  
Galenus in septimo Methodi medendi, inquit: Si ueli-  
mus exhibere maximum eius modum, dabimus duorum  
magnorum coclearium mensuram: si mediocrem mo-  
dum duorum paruorum coclearium similitum mo-  
dum unius parui coclearij mensuram exhibebimus. In  
secundo autem lib. de compositione medicamentorū se-  
cundum locos, inquit, datur autem medicamento sum-  
mum. ʒ. i. minimum dimidia inter utrunq; pondus alia  
exhibentur, dum quantitas pro ætate corporis, magni-  
tudine, & consuetudine euariat. At in octauo eiusdem  
uoluminis lib. Andromachium adducit: qui, inquit, qui-  
busdam dari coclearium unum: quibusdam duo, Galenus  
uerò exponere uolens, quod intelligendum sit per co-  
clearium exponit drachmam argenteam, quam Roma-  
ni ( inquit ) denarium appellant: hæc uerò nos uber-  
tim discussimus in eo libello, quem de ponderibus medi-  
cis fecimus. Aetius lib. 6. cap. 10. exhibet ad coclearis  
magni mensuram: sed ipse compositionem facit ex. 8. ʒ.  
aliarum rerum, & centum aloes. Paulus lib. 7. cap. 11.

E ʒ. i. dari



3. I. dari iubet, nos uerò in præsentiarum huius picræ  
usque ad duas drachmas damus magno profectu. S E.  
Quomodo antiqui hos pulueres miscebant, ut ægris  
facilius corrigerentur? B R A. Galenus, & alij anti-  
qui mixtos seruabant, & uario modo porrigebāt. Pau-  
lus præcitato loco ex Hydromelite proprinandos iu-  
bet: Andromachus ex aquæ frigida cyathis quatuor,  
aut calidæ: Asclepiades ex aqua frigida, aut ex uino.  
S E. Debebāt uinū, & aquā abhorrere per aliquot dies.  
B R A. Galenus tamen in octauo de compositione me-  
dicamentorum secundum locos, inquit, satius esse, si ex  
mulso aliquis medicamentum hoc exhibeat. Verum ipse  
iubet dari cum aquæ cyathis, non plus tribus. Idem in  
secundo lib. censet, & in septimo Methodi medendi, ubi  
etiam, inquit, aliquos excipere hoc medicamentum de-  
spumato melle. S E. Et nos hoc modo puluerem ex  
melle rosaceo excipimus, & in pilulas conformamus,  
compositionem igitur parabimus, ut superius edocui-  
sti ex nonaginta drachmis aloes. B R A. Equidem,  
& cum aloe lota, & non elota: & ex melle, uel etiam  
rosaceo in globum disposito, & in tali loco seruato, ut  
perspirare possit: nam probus medicus ea addere sciet,  
quæ ad ægrotantis intentionem conuenient: Galenus  
etenim plerumque utitur picra ex acuta potissimum in  
libris de compositione medicamentorum secundum lo-  
cos, intelligit uerò hanc picram, cui aliud acutum medi-  
camentum additum sit, ut Colocinthis aut helleborum.  
S E. Ad quos affectus ualet hæc compositio? B R A.

Ad quā-



Ad quàmplures: sed hinc inde positi sunt in uarijs locis, potissimum uerò uni affectui succurrit cum uentriculi parietes materia pituitosa pleni sunt & uentriculis imbecillioribus succurrit in his, qui literis incumbunt, & ualde studiosi sunt, præsertim ex aloë lota, & his quibus mens aliquo studio occupatur: nunc illa sigillatim annotemus, quæ ab authoribus dantur: primò igitur ( ut Galenus in septimo Methodi medendi testatur ) ualet ad uitiosos succos, qui in tunicis uentriculi habentur: Idem dicit in sexto de sanitate tuenda, & in secundo, & octauo de compositione medicamentorum secundum locos, ex secundo eiusdem uoluminis lib. ualet ad suffusionum imaginationes, & ad accidentia ex stomachi affectu, ibidem ad hos ualet, quibus uenter prohibetur.

Ibidem mulieribus cõuenit, quæ non probè purgatur. Ex octauo de compositione medicamentorum secundum locos, ubi de stomachicis Andromachi agit, inquit, his dari non debet, qui calida, & sicca intemperie afficiuntur: Nec qui sicca cum frigidityte nec absolute his, qui ex solis qualitatibus particulam aliquam habent uitiatam, iuuat omnes prauas dispositiones ex prauis humoribus ortas, & ualet ad articulos relaxatos.

Ex eodem libro, ubi incipit Anthidotum hiera Themisonis, ualet ad stomachi subuersiones.

Conuenit æstuantibus

Valet ad omnem inflationem

Ad tardam concoctionem

E ij

Conuenit



ANT. MVSABRA.

Conuenit uteri affectibus.

Ad urinam probè efficax est

Hidropicis

Iecorarijs

Nephriticis

}

succurrit

Menses educit

Succurrit his qui bilem uomunt.

Inflamationibus interioribus ex Hydromelite cōuenit.

Ad difficiles sanorum coctiones ualet,

Valet his qui habent bilem in tunicis uentriculi.

Robur particulis adhibet per quas iter moliuntur.

Auget calorem locorum per quos transit.

SE. Est ergo mirabile medicamentum? BRA. Mi-

rabile inquam, sed de illo plus satis locuti sumus. SE.

Igitur ad aliud transeamus. BRA. ut lubet.

De hiera SE. Pilulae de hiera cum agarico has sequuntur.

cum aga BRA. Quomodo has paras? SE. Hieram Galeni

rico. picram à Nicolao descriptam ex sexdecim rebus paro.

BRA. Simplicia enumera, & componendi modum.

SE. Superius iterum enumeraui, & integram hanc hieram proposui, cum de simplici Galeni hiera loque-

remur. BRA. Ne pigeat secundo, & illam referre,

ut re ipsam facilius considerare possimus. SE. Hac

est, ut tibi moram geram, compositio.

Cinamomi

Spicae

Croci

Schoeni

}

Assari

Afari	}	ana 3 ij.
Xilocaſſie		
Xilobalsami		
Carpobalsami		
Violarum		
Absynthij		
Epithymi		
Agarici		
Rosarum	}	
Turbith		
Colocinthidis		
Masticis		
Aloes	ad pondus omnium	
Mellis	quod ſufficit.	

B R A. Memorie ſubiit te ſuperius compositionem iſtam adduxiſſe, ubi de ſimplici hiera loquebamur. Illa eſt qua multi in clyſmatibus utuntur, & quoties indicitur hiera picra hanc tribuunt pharmacopole ex melle confectam faciunt, & ex melle roſato pilulas, quas de hiera picra maiores nuncupant. S E. Nos iſtas uocamus de hiera cū agarico. B R A. Cur iſtud? S E. Quoniam agaricum recipiunt. B R A. Cur non uocantur de turbith? uel de colocinthidæ? cum utrunq; in eodem, & æquali pondere recipiatur? etiam hæc uehementius ſoluant, quàm faciat agaricus. S E. Hoc ignoramus. B R A. Igitur uerò magis appellari debent de hiera cū agarico, quàm de hiera cum turbith, uel colocinthidæ, nec ſumi debent pro pilulis de hiera

E iij cum



ANT. MVSAB BRA.

cum agarico: nam ita ille nuncupantur, quia ueræ de  
hiera pilulæ, & agaricus totam compositionem ingre  
diuntur. Sed in hac compositione, quam tu paras, &  
agaricus, & alia simplicia ingrediuntur: propterea mi  
ror cur uos has pilulas de agarico nuncupaueritis, &  
eas pro illis de hiera cum agarico exhibueritis. SE.  
Ita didici à senioribus huius artis uiris. BRA. Aet  
tate fortè seniores erant, sed eos doctrina iuniores exi  
stimamus. Non desunt tamē pharmacopolæ, qui com  
positionem aliam sequantur, quam ex Petro Gallo ac  
cipiunt potius scriptore, quam pharmacopola, huic si  
mitem, in uno solo differentem, quod hæc epithymum  
non recipit, illa recipiebat: hæc uerò duas diagridij  
drachmas recipit, quas illa non recipiebat, & simpli  
cium pondus est drachma una. SE. Extende & tu  
compositionem istam, quā nonnulli sequuntur. BRA.  
Eadem est, tamen ne desyderes, ita faciunt.

℞ Cinamomi

Spicæ. Croci.

Shcœni Asari

Xilobalsami. Xilocassie.

Carpobalsami

Violarum. Absynthij.

Agarici. Rosarum.

Turbith

Colocinthidis

Masticis

Diagridij 3. ij.

an. 3. i.

Aloes



Aloes ad pōdus omnium, cum syrupo de stēchados fiat globus. S E. Paucissima est differētia inter illam Nicolai, & istam. B R A. Sit quomodocunque, non est hiera cum agarico, propterea melius recentes quidam fecerunt, qui nuncupant, hieram Galeni compositam, aut istam, aut illam, quam tu ex Nicolao retulisti. Sunt etiam, qui ita particulatim loquuntur, & omnium simplicium. ʒ. ij. aloes. ʒ. iiij. Mellis collati, & expumati ʒ. viij. At quicquid sit, hæ pilulæ de hiera cum agarico esse non possunt. S E. Quas ergo deinceps parare iubebis? B R A. Non desunt tamen qui minus errent in hac urbe, & qui compositionem affinem hieræ cum agarico parent. S E. quænam illa est? B R A. Hæc.

℞ Hieræ Galeni	}	ana ʒ. v.
Agarici trociscati		
Aloes	ʒ. i.	

Ex melle rosato collato conformantur pilulæ. S E. In quo errant hi? B R A. Quia perfectam hieram nō accipiunt. S E. Opto, ut in hac charta compositionē explices. B R A. Scito aliquos uoluisse agaricum poni ad pondus omnium simplicium simul, aloë dempta: unde erūt agarici. ʒ. xxxv. uel. ʒ. xxxvi. Si crocus sit ʒ. vi. Nos uerò putamus satis esse agaricum ad pondus unius simplicis poni, ut sit. ʒ. vi. S E. Compositionē istam denique explica. B R A. Nōne ex prædictis uerbis accipere potes? S E. Possem equidem: sed mihi facilius erit te audire. B R A. Hæc est compositio

E iiij pilularum



*pilularum de hiera cum agarico, quam iubeo te paratam habere hoc modo.*

12	Cinamomi	pro quo cassia. i. canella	3. xij.	
	Mastiches			
	Asari			
	Spicæ nardi			
	Xilobalsami			
	Agarici			
	Croci	3	V.	
	Aloes	3.	XC.	

} ana. 3. Vi.

*Terantur: & misceantur, & cum opus est, ea utaris in quacunque forma uolueris, & si in pilulas reducere placeat, id facias secundum intentionem, quam habes, uel ex syrupo de stechade, uel ex melle rosaceo, uel ex aqua absynthij, uel ex alia simili re. Hæc enim compositio capiti, thoraci, & uentriculo plurimum conuenit: laudarem tamen, ut hæc compositio parata non seruaretur, sed quoties prudens medicus ea indiget, agaricum addat secundum morbi exigentiam, nunc plus, nunc minus, ut ille recte iudicabit: si uero integram compositionem seruare cupias, pro his medicis, qui componendi artem ignorat, quorum maior est pars, illam parato, quam superius scripsimus. S E. Deinceps ita parabo. At quem agaricum accipere debeo? an trochiscatum? BRA. Antiquiores agaricum non præparabant in trochiscos reducetes: sed eo simpliciter utebantur, ut ab arbore uenit: propterea suaderem, ut simplex agaricus sumeretur nulla re correctus præsertim cum hieræ*



*hieræ misceatur. Imò ipsum in præsentiarum in puluerem redactum simpliciter exhibeo ex zucchero, & mire confert.*

S E. De his iam satis. *Pilulæ de hieralogodion* Hieralogodion.  
*se=* quantur. B R A. Ab re non est, omnes pilularum cõ= *godion.*  
*positiones* prosequi, quæ ab hiera nomẽ habet, unde ac  
 cepit nomen hæc compositio? S E. Nicolaus dicit  
 nũcupari hieralogodion memphitũ, ab hiera, quod est  
 sacra, logos sermo, & memphitũ, idest impeditio, quo=  
 niam his succurrit, qui habet impeditum sermonem, ex  
 quacunq; fuerit causa. B R A. Ha ha ha. S E. Tu  
 rides? B R A. Ecquis non rideret in tam pulcherri=  
 mis nominum ethymologijs? Primò Nicolaus ignorat  
 unde dicta sit hæc compositio. Nempe uocari debet  
 hieralogadij, quoniã Logadius medicus fuit, apud an=  
 tiquos celeberrimus, qui huius hieræ inuentor fuit, un=  
 de nuncupari debet hieralogadij, non hieralogodion:  
 superius etenim docuimus antiquiores medicos, qui in  
 aliqua æstimatione fuere, suas quasdam compositiones  
 habuisse, quæ hieras uocabant, & quibus potissimũ  
 utebantur. Sed, ut in nomine errauit Nicolaus, putamus  
 non minori errore duci in ipsa compositione: propte=  
 rea tu Nicolai compositionem hieralogadij adducito,  
 ut antiquæ cõpositioni conferre possimus. S E. His  
 uerbis Nicolaus suam hieramlogadij describit.

℞ Interioris coloquintidæ } ana ʒ. ij.  
 Polypodij }

Euforbij



ANT. MUSAE BRA.

Euforbij }  
Polij } ana 3. I. g. vi.

Cocognidij }  
Absynthij } ana 3. I. g. xij.

Myrrhæ

Centaureæ

Agarici

Amoniaci Thimiamatis

Folij

Spicæ

Squille

Diagridij

Aloes

Comarum Thymi

Cassie

Camedreos

Bdelij

Prasij

Cinamomi

Oppoponacis

Castorei

Aristolochiæ longæ

Piperis albi

Piperis nigri

Piperis longi

Croci

Serapini

Petrofelini

ana 3. I.

ana 3. I. g. xiiij.

ana 3. V.

Hellebori

Hellebori albi }  
 Hellebori nigri } ana g. vi.

Mel quod sufficit, hoc intellige pro hiera ipsa Logadij componenda. Nos enim accepto melle rosato colato catapotia conformamus. B R A. In hac Nicolai hieralogadij plura simplicia sunt quàm in uera illa antiqualogadij hiera, nec idem est in simplicibus pondus. S E. Refer tu, si me amas, uerã Logadij compositio- nem. B R A. Hæc est. S E. A quo authore illa accepisti? B R A. Ab Aetio lib. 3. cap. 116. dicente hieralogadij. Posteatulis compositio subsequitur.

℞ Pulpæ colocynthidis 3. xx.

Scillæ assat.e

Agarici

Hamoniaci thymiamatis

Scamoniij

Corticis hellebori nigri

Hiperici

Epithimi

Polypodij aridi

Bdelij

Aloes

Camedryos

Marrubij

Cassie

Myrrhæ troglodyticæ

Piperis albi

Piperis nigri

} singulorū. 3. i.

} singulorum 3. viij.

Cinamomi



ANT. MVSÆ BRA.

Cinamomi	}	singulorum 3 iiij.
Croci		
Oppoponacis		
Castorei		
Sagapeni		
Petroselini		
Aristolochiæ		

Assumito in melle, exhibitio integra. 3. iiij. media tres, minima due: ubi uerò exhibenda sit, addito salis coclearij semis. Hæc est hieralogadij, quæ recipit solum cum melle simplicia. 25. Illa uerò, quâ Nicolaus citat drachmata simplicia cum melle recipit. S E. Igitur non est illa Logadij? BRA. Nō ut uidetur, eadem ratione illa, quæ à serapione citatur non est Logadij. Nec illa quam dicit esse secundum descriptionem Philagrii, & aliam secundum Pauli descriptionem. S E. Deinceps compositionem istam hoc modo parabo. BRA. Nō errabis, nam summum uirum Aetiū imitaberis. Simplicibus igitur in puluerem reductis in catapotij formam reduci possunt, uel ex melle rosato colato, uel ex alia re, secundum exhibentis intentionem. S E. Sunt ne illæ descriptiones probandæ, quæ ab Auicenna referuntur? BRA. Neque illas probarem, nisi Aetij modo corrigantur, quem imitari studeas, quoad meliora inuenta sint, si inueniri poterunt. S E. Quibus affectionibus succurrit hæc compositio? BRA. Multis, Nam conuenit locutioni impeditæ, ex quacunque fiat causa, modo sit ab humoribus, atram bilem, & pituitā expurgat



expurgat. Epilepsia conuenit, paralyticis, tremorem membrorum habentibus, doloribus capitis cum diutinis, & totum occupantibus, tum cum hemicranicis succurrit, uertigini confert, oculorum obscuritati, & pleuritidi: ischiam patientes adiuuat, & arthritim uarias corporum maculas, & lepras emendat, mēstrua prouocat.

S E. De his satis dictum sit, ad stomachicas pilulas accedamus. B R A. Accedamus quidem, & in compositionem, quam nullus ferè pharmacopola eandem habet cum alio. Dic tu, quam compositionē paratam seruas? S E. Illam, quam Mesue in principio describit. B R A. Est igitur prima ex tribus, quas refert descriptionibus. S E. Nō ex illis tribus, quæ statim se consequuntur, sed illa, quæ in ordine omnium suarum pilularum est secunda descriptio, & quam dicit stomachū emundare, & iecur, & sensuum membra, atque iuncturarum instrumenta, & quæ tam bilem atram, quàm flauam, & pituitam educunt. B R A. Descriptionem eius affer. S E. Hæc est.

Stomachica.

℞ Hieræ picræ	3.	vij.
Trium myrobalanorum	3.	iiij.
Agarici	3.	ij.
Turbith boni	3.	x.
Epithimi recentis	}	ana 3. ij. .s.
Anisforum		
Salis indi	3.	ij.
Absynthij	}	ana 3. iiij.
Scamonij		

Fac pilulas



Fac pilulas cum penidiarum. 3. iij. & succo scariolarū,  
dosis. 3. ij. BRA. Iam noui quas stomachicas pilu-  
las in tua officina serues, suntque & alij pharmacopo-  
læ, qui easdem conficiunt, medici uerò re non perspecta  
neque considerata in omni ferè uentriculi affectione,  
& potissimum in imbecillitate stomachicas pilulas in-  
stituunt dandas, cum tamen præter euacuationē hæ uen-  
triculo mirè obsint. Sed compositionem istam præsius  
contemplemur. SE. Quomodo intelligis obesse uen-  
triculo? BRA. Quia ipsum perturbant, & imbecil-  
liorem reddunt: nam magna turbith copia hanc com-  
positionem ingreditur: nempe. 3. x. At mirè uentriculū  
peruertit turbith, ut nōnulli ignari putauerint turbith  
à turbando dictum esse: adde, & scamonium non con-  
ferre uentriculo, imò ualde obesse, & agaricum, & quā-  
uis multa ingrediantur, quæ uētriculum roborare pos-  
sint, tamen ab his, quæ illum perturbant superantur: sed  
cur tu diligentissime senex, hanc compositionem seque-  
ris cum alij pharmacopolæ descriptiones alias habeāt  
SE. Ita didici à præceptore meo antiquo seplasiario.  
BRA. Certus sum, nō esse tres seplasiarios  
Ferrariæ, qui eandem compositionem seruant. Nam, &  
tu, & alter eam, quam retulisti descriptionem ser-  
uatis: Nōnulli uerò in suis officinis descriptionem ha-  
bent, quæ à Mesue posita est, & dicit stomachum, &  
digestionem adiuuare: cerebrū, & stomachum à corru-  
ptis humoribus purgare, & appetentiam excitare.

℞ Hieræ picæ 3. x.

Trium



Trium myrobalanorū	}	ana	3.	ij.
Absynthij				
Masticis	}	ana	3.	iij. .s.
Anisi.				
Belirisci				
Emblici				
Agarici	}		3.	ij.
Gingiberis				
Caryophylorum	}	ana	3.	i.
Salis gemmæ				
Squin.anti				
Turbith			3.	xij.

Confice cum succo Absynthij, & da. 3. ij. uel. iij.  
 S E. Non uidetur esse inter nostram descriptionem,  
 & hanc magna differentia. B R A. Imò in his, quæ  
 soluunt nulla, nisi in simplicium pondere: In his uerò  
 quæ roborant, differunt: quia in ea, qua uteris compo-  
 sitione aliqua sunt, quæ in ista non habentur compo-  
 sitione: & e contrario aliqua in ista, quæ nō sunt in tua:  
 tamen ex sexdecim rebus illa, quam nuper attulimus,  
 descriptio constat: Illa uerò, qua tu uteris ex tredecim.  
 S E. Cuperem omnes pharmacopolas idem genus ser-  
 uare. B R A. Imò & hic est magnus medicorum er-  
 ror: nam instituunt stomachichas pilulas deglutiendas:  
 sed quam compositionem instituunt nesciunt. Non de-  
 sunt præterea, qui pilulas illas paratas seruent, quas  
 Mesue secundo loco descripsit, & dicit esse in intentio-  
 ne priorum, idest, illarū, quas nuper adduximus. S E.

Neque



ANT. MVSÆ BRA.

Neq; descriptionē istam prætermittamus. BRA. En

℞ Trium myrobalanorum	ana	3.	iiij.
Rosarum	}	ana	3.
Masticis			
Cardamomi	}	ana	3.
Ligni aloes			
Sandaloram citrinorum			
Cubeborum			
Garyophylorum			
Nucis muscatæ	}		
Squianti			
Raued seni		3.	v.
Turbith		3.	Vij.

Aloes ad pondus omnium, confice cum uino odorifero. S E. A prædictis nō multū differūt. BRA. Omnes idem censent, tamen simplicibus consideratis, quæ utrasque compositiones ingrediuntur, & simplicium ponderibus non parum differre uidentur, quamuis in intentione non sit magna differētia. Scito tamen maiorem pharmacopolarum numerum pilulas illas stomachicas paratas seruare, quas Mesue suas esse dicit, quæ caput, & stomachum expurgant, & omni tempore sumi possunt, earum autem descriptio hæc est.

℞ Turbith	3.	x.
Masticis	3.	iiij.
Rosarum	3.	iiij.

Aloes bonæ ad pondus omnium, confice cum succo absynthij. S E. Nō me fugit quāplures hanc compositionem



positionem paratam seruare, & quando opus est. 3. i. uel. 3. i. s. præbere, tamen ego potius descriptionem primam secutus sum, tum quia ita insuetus sum à pueritia, tum quia multa uentriculum roborantia recipit. B R A. Extat & alia apud Mesuem pilularũ stomachicarum descriptio, quæ cæteris leuior est, & à nullo paratur pharmacopola, quod sciam, ipsique caput etiam, & stomachum expurgat, quam ne desyderes referre statuimus.

℞ Aloes 3. vi.  
Masticis }  
Rosarum } ana 3. ij.

Confice cum succo solatri. S E. Ex tot, tamque uarijs compositionibus quam præcipue sequi debemus? B R A. Cum hæ pilulæ stomachicæ nuncupentur, stomacho potissimum opitulari debent: optarim ego, ut probus medicus non segniter consideraret, qua re indigeat stomachus, quaque affectione sit lacesitus, propriè autem stomachus, gulam, & deinde uentriculi os etiam signat, quamuis & nonnunquam pro fundo ipso accipiat. Nunc tam pro fundo, quam pro ore, & cū alia parte accipitur, si ergo stomachus male affectus sit, affectio ipsa consideranda est, qua afficitur, an sit sola qualitas, uel etiam sit cum materia: nā si sola qualitate afficiatur, alterare solum opus est, & non euacuare, idque fit per oppositas qualitates, tam intrinsicè, quam extrinsecè: si materia adsit genus materiæ considerare oportet, an pituita, an bilis, an atra bilis, an

F mixtæ



mixta materia: tuncque euacuandum, ut materia exi-  
git. Scito autem hinc sermonem non fieri de materia,  
quæ in cavitae sit uentriculi, sed de illa, quæ contine-  
tur in uenis, & in rugositatibus eius: nam quæ in cavi-  
tate est, facile educitur, & plerunque: nam ipsa sponte  
per uomitum illam expellit, quandoque per infernas se-  
des. Si uero materia in his uentriculi uenis, & in sensi-  
bilibus meatibus contineatur secundum materiae genus,  
eo medicamento uti debemus. Si ergo materia sit pitui-  
tosa, medicamentum propinemus pituitam educens. Si  
biliosa, bilem: si atrabilia, medicamentum atram bilem  
educente utemur. Si materia sit mixta, & medicamen-  
tum ipsum mixtum sit: Adde, si eadem materia in capi-  
te abundauerit, ea addenda esse, quæ à capite educunt.  
S E. Quid inferre tentas, per hunc tuum tam proli-  
xum sermonem? B R A. Hoc solum quod quisque no-  
tare debet, medicum primo componendi regulas addi-  
scere. Addiscat ergo, addiscat uerè medicus simplicium  
naturam, & commiscendi modum, & secundum humo-  
ris genus, & membri peccantis simul misceat simpli-  
cia, & medicamentum ad suum commodum, & ad agri  
salutem paret. S E. Non erit fermentatum tam breui  
tempore. B R A. Non indigent fermentatione huius  
generis medicamenta, quæ ad unam. 3. formam non de-  
ducuntur: sed unumquodque simplex medicamentum per  
se ipsum educere debet, imò si unum simplex post aliud  
sumeretur nihil referret. S E. Si per hunc ordinem in-  
cederent, non indigeremus compositis medicamentis.

B R A.



**BRA.** Hoc summè probo, ut in officinis sint paucissima composita medicamenta, præsertim ex catharticiis: sed medicus promptus esse debet, & doctus, statimque ex simplicibus composita parare, ut ægritudini conuenit, quam curandam suscepit. De egregijs uerò illis medicamentis, quæ tempore longiore indigent, priusquàm recocta sint, qualia Theriaca, Mytridatum, secus dicendum est: nam illa parata habere præstat. Vnde si has pilulas ad unguem contempseris, uentriculo parum conuenire uidentur, ultima descriptione dempta. Tamen in præsentiarum compositiones ipsas ad uerbum examine mus. Primò recipiunt hieræ picræ Galeni. 3. vij. est illa de qua superius in uarijs locis apud Galenum descripta. **SE.** Nōne hæc Galeni hiera uentriculo conuenit? **BRA.** Imò ( ut Galenus in septimo Methodi medendi lib. refert ) præstantissimum est hoc medicamentum ad uitiosos succos, qui in tunicis uentriculi habentur. **SE.** Hoc Galeni medicamentum leue uidetur. **BRA.** Galeni præcitato loco docet esse leue, mediocre, & fortè secundum quantitatem, quam accipimus. Nempe mediocris modus est, si eo sicco ex aqua utamur duorum coclearium mensura. Est uerò maximus modus duorum magnorum coclearium mensura, si temperetur in tribus aquæ cyathis: Minimus modus est unius parui coclearij mensura. Itaque hoc medicamentum fieri potest, & uehemens, & debile, & mediocre: notaque Galenum dicentem ualere ad succos uitiosos: sunt uerò succi uitiosi, humores prauis cuiuscunque generis.

F ij neris.



neris unde & si aloë bilem educat, tamen ē tunicis uen-  
tricoli omnes uitiosos humores reducit, fieriq; potest  
ex aloë elota, & non elota, ut superius dictū est. Ego  
igitur quantum in me sit, suaderem hanc Galeni compo-  
sitionē pro stomachicis pilulis parari. Aliæ uerò, quæ  
turbith recipiunt, dimittantur. S E. Hæc compositio  
æque nō educit, ut illæ faciūt, quæ turbith receperūt.  
B R A. Imò egregiè educit absolutissimus ille prædi-  
ctus ex Galeno modus. S E. Tamen non æque, ut Me-  
sue compositiones faciūt. B R A. Vltimā Mesue com-  
positionē prætermitto, quæ non recipit nisi aloë, ma-  
sticen, & rosas: Aliæ omnes educunt humores, etiam si  
uitiosi non sint. Compositio autem Galeni solos uitio-  
sos insequitur. Mesue igitur compositiones à capite  
contemblemur. Primo recipit hieram hanc Galeni sim-  
plicem nūcupatam, quæ omnes succos uitiosos educit:  
postea decem drachmas turbith, de qua radice in simpli-  
cium examine differuimus: uolūt authores tenuem pi-  
tuitam expurgare, quamuis experientia duce, & cras-  
sam simul expurget quod, ut exquisitius faciat, à non-  
nullis gingiber commiscetur, tamen ( ut ipsi Arabes  
turbith inuentores dicunt ) subuersionem facit, & nau-  
seam, quæ in uentriculi affectibus euitanda sunt, nisi cū  
nobis institutum sit per uomitū euacuare. Recipit præ-  
terea tria myrobalanorum genera, idest, citrinos, Lhe-  
bulos, & indos. S E. Cur potius hæc genera intelli-  
git, quàm beliricos, & emblicos? B R A. Quoniam  
sunt perfectiora genera, imò serapio ( quem & alij se-  
cuti sunt



cuti sunt ) in uno capite de his tribus uerba facit in=  
scripto de myrobalanis, in alio deinde de his duobus, ac  
si non sint inter myrobalanorum genera computanda.  
Recipit etiam agaricum, qui pituitam crassam educit,  
& bilem crassam, & uentriculum mire perturbat, sa=  
cta quacunque præparatione, experiētia obseruauimus  
simplicem substantiam agarici potui dare longè minus  
obesse, quàm si Gingibere salgemate, spica, oximelite  
uel alia qualibet re misceatur, epithimum recipit, qui  
atrabilarios humores educit, & scamonium, quod bi=  
lem purgat. Ex his intelligere potes nos hac compo=  
sitione solùm uti posse, quando omnes succi fuerint ui=  
tiosi, & non quando unus solus. S E. Nonne magis  
unum humorem educit, quàm alium? B R A. Omnino:  
nam turbith, quod pituitam educit, in maiori copia cō=  
positionem ingreditur, quàm alia, & etiam agaricus.  
Sed à te peterem senex prudentissime, quid in his pi=  
lulis faciant penidia? S E. Penidia ex saccharo fiunt  
in aqua dissoluto: propterea iudico apposita esse, ut cō=  
positio constet: nam saccharum ita dissolutum seruat,  
ne adeò festine compositiones exsiccentur. B R A.  
Conuenientius igitur fuisset dragagantum accipere,  
præsertim cum in scariolarum succo dissoluat. S E.  
Quid intelligit per scariolas? B R A. De his in sim=  
plicium examine satis dictum est: nā intubi species est,  
sed syluestris, à Græcis seri dicitur: nostri seriolā: Bar=  
bari corrumpentes scariolam uocant: hîcque recentio=  
res affirmant apponi scariolā, ut sit minus calida com=  
positio

F iij



positio, ac si tam pauca succi quantitas in tot, tamque rebus calidis aliquid possit. Dic iterum mihi præstantissime senex, quid intelligis per sal Indum? Et quid pro eo accipis? S E. Sal nigrum accipio. BRA. Et quid hoc est nigrum sal? S E. Nostrum quod in usu habemus sal, quod nigrum est, idest, minus album alijs. BRA. Hic est maximus error: nam ad quem finem huic compositioni sal addere? S E. Certè nescio, ego cōpositiones paro, ut mihi instituitur, quid ergo accipere oportet pro sale indo? BRA. Scito Indum sal esse antiquorum saccharum, quod intra canas concrescit, de quo Et Auicena tractat, ubi agit de lingue asperitate. 4. canone, fen. prima. Et inquit habere colorem salis, Et esse in dulcedine mellis, de quo in simplicium examine perplura. S E. Placētne tibi hæc compositio? BRA. Non solum non placet: sed Et illam quoque suspectam habeo: nam cum incido compositiones, quæ plura simplicia recipiunt sub uno pondere, Et alia deinde sub alio pondere, postea alia sub eodem pondere, hæ compositiones mihi sunt suspectæ, ne omnia pondera præter rationem posita sint: nunc ad secundam stomachicarum pilularum compositionem descendentes dicimus à prima non multum differre, Et ipsam æque omnes humores educere, qui sunt nō tantū in uentriculo: sed etiam in omni corporis parte. Vnde non sunt huic solo membro statutæ, imò (ut ipse refert Mesue) caput, Et iecur expurgant, quin omnia membra expurgare certum est, si in maiori copia sumātur.

De tertia



De tertia compositione idem iudicium est: quarta compositio, quam dicit esse suam, & ipsa pituitam, & bilem educit: quinta conuenit quodammodo cum simplici hiera Galeni. S E. Dic igitur quas pilulas stomachicas seruare oportet? B R A. Ego pro stomachicis pilulis simplici Galeni hiera semper utar: & (ut contingit) secundum uarias affectiones simplicia adderem, & auferrem, uel potius compositiones illas sequerer, quæ à Galeno octauo de compositione medicamentorum secundum locos scriptæ sunt, quas Andromachus, & Asclepiades sequebantur. Nunc tu aliud pilularum genus è tua schœda depromas.

S E. Mastice pilulæ accedunt. B R A. Quis Mastice fuit harum pilularum author? S E. Petrus Apponensis Cœciliator nuncupatus in cap. de indigestione stomachi, uidetur ipsarum inuentor. Est uerò capite. 19. additionum in Mesuen, ne longè requiras, ubi dicit stomachum ab omni læsione præseruare, & esse medicinã uitiosæ matricis, & uiscerum interiorum. B R A. Affer huc compositionem. S E. En.

℞ Mastice	3.	iiij.
Aloes electæ	3.	x.
Agarici boni	3.	ij.

Confice cum succo Altiliæ

Notâque in calce uigesimiprimi capitis eiusdem authoris iterum repeti, his eisdem utitur Pedemontanus, ubi de medicinis corrupti appetitus agit. B R A. Ex his, quæ hanc compositionem ingrediuntur, id, quod omnia

F iiij excedit,



ANT. MVS AE BRA.

excedit, est aloe. Vnde potius nuncupandæ essent pilule de aloe. S E. Cum aliæ extent pilulæ, quæ suo proprio nomine de aloe nuncupentur, hæc meritò denominationem sortientur à secundo simplici, quod ipsam compositionem copiosius ingreditur, id autem est mastix: propterea non ab re mastichinæ dictæ sunt. Et hæc sunt, quas in nostris officinis paramus. BRA. Nos potius loco harum pilularum de simplici hiera uteremur. Et si opus esset adderemus agaricum: tamen apud recentes medicos reperiuntur, & aliæ pilulæ mastichinæ nuncupatæ. Non defuere medici, qui iusserunt nos parare mastichinas alias à Mesue in fine capitis de caputpurgiis sodæ frigidæ positas. BRA. Compositionem adducito. S E. Hæc est.

℞ Aloes	3.	Vij.	
Masticis	}	ana	3. iij.
Rosarum			
Turbith	3.	x.	

Confice pilulas, dosis earum est à 3. ij. usque ad iiij. Mesue uocat has pilulas de mastiche, quas stomacho, & capiti cōferre dicit. BRA. Pro me nunquā sumerem. Vidimus & seplasiarios, qui pilulas Nicolai de aloe et mastice pro mastichinis parabant. S E. Quenā est earū cōpositio? BRA. Hæc subscripta.

℞ Aloes	3.	I.	
Masticis	3.	V.	
Garyophylorum	}	ana	3. I.
Ros. rub.			
			Croci



Croci }  
 Diagridij } ana ꝰ. ij.

Confice cum succo feniculi, uel absynthij. S E.

Compositio hæc uentericulum roborare debet? B R A.  
 Magis roborant illæ, quæ de simplici hiera dicuntur,  
 & pluribus affectibus conducunt, ut apud Galenum in  
 tueri licet, in octauo de compositione medicamentorum  
 secundum locos: & in septimo Methodi libro. Nos ue  
 rò, si compositiones aliquas paratas seruari uolueri  
 mus, quæ masticen reciperent, ex his unam parari iu  
 berem, quæ ex Andromacho in præcitato de composi  
 tione medicamentorum libro à Galeno referuntur, &  
 eam in pilulas reducerem: sed conducibilius est secundū  
 affectum compositionem parare, cū ea indiguerimus.  
 Ad rem uerò redeunt mastichinæ pilulæ, quas ex Ap  
 ponense paras, solum conferunt uentriculo, cum in eo  
 uitiosi sint succi, & in capite succi inquam biliosi, &  
 pituitosi.

S E. Assaiereth pilulæ mastichinas sequuntur. Assaie

B R A. Quis fuit harum pilularum inuentor? S E. reth.

Auicena in prima fen. quarti libri tractatu primo ca  
 pite decimonono de his mentionem facit. B R A. Nū  
 uidi Auicenam de his pilulis aliquam mentionem fecis  
 se: sed cōpositio est, quā assaiereth uocat: quæ fortē po  
 tui datur, uel in aliā formā redigitur. S E. Equidem  
 ab Auicena non dicitur pilulas fieri oportere, imò nec  
 addit simplicium pondus, quæ compositionem ingre  
 diantur. B R A. Quomodo igitur compositionem  
 tuam



ANT. MVSAB BRA.

tuam paras? SE. Gentilem sequor Fulginatam Auice  
næ interpretem, qui his simplicibus pondera statuit,  
idem facit in suo antidotario Montagnana. BRA.

Quónam modo conficiuntur? SE. Isto.

℞ Hieræ picræ                    ℥. i.  
Masticis                                    ʒ. ana ʒ. iiij.  
Miobalanorum citrinorum  
Aloes                                    ʒ. ij.

Fiant pilulæ cum syrupo de Stœchade.

Hierā picram aloë, & mastiche ingrediuntur, hîc solū  
myrobalani additi sunt. SE. Mastix additur, ut ma-  
ior adsit copia ad uentriculum roborandum. Aloëque  
iterum commiscetur, ut uehementius educant. Myroba-  
lani uerò, ut prohibeantur uapores acuti calidi, si in  
stomacho sunt, ne in caput ascendant. BRA. Mihi ui-  
detur hanc compositionem uentriculo potius, quàm ca-  
piti conuenire, nempe aliud nihil est, quàm picra Gale-  
ni additis myrobalanis: & mastiche, ac aloë auctis. Sy-  
rupus uerò ille, quo conficiuntur, & commiscetur, &  
si capiti conueniat, uentriculo non obest: nec in tam ma-  
gna copia ingreditur, ut multum prodesse possit, imò  
pulueres solum cōglutinat. De Auicena igitur miror,  
qui proprie pro imbecilli solutiuo capitis Assaiereth  
posuerit, quàmuis si in copia detur possit etiam caput  
purgare. Nam ( ut Galenus docet in octauo de compo-  
sitione medicamentorum secundum locos in expositio-  
ne hieræ aloes ) medicamentum est imbecille, quod eua-  
cuat à uentre, & quandoque à iecore, si in ampliori  
pondere



pondere exhibeatur. Tamen, si aliquis ex stomacho caput doleat, hæc compositio huic conuenit. Sed ideo conuenit, quia stomacho cōfert, quod facile ex Galeno colligi potest, secundo de compositione medicamentorum secundum locos, ubi de his agit, qui ex stomacho caput dolent, quod fit, cum uitiosi humores in uētris tunicis fuerint impacti: Et ita impacti, ut dilui non possint. Scitōque Galenum præcitato loco potius minuere aloes, quàm augere: propterea recentes malè faciunt Auicennæ descriptionem in ordinem referre uolentes, Et aloes quantitatem magis augentes, quàm ipse fecerit, aut facere uoluerit: imò Et præcitato loco Galenus notat crocum minui oportere, pro his, qui illum non patiuntur: non est igitur compositio, quæ simpliciter materias purget, quæ capitis affectiones faciunt, sed tales solū capitis affectiones, quæ à stomacho dependent. S E.

Vnde acceptum est hoc nomē Assaiereth? B R A. Ego à te peterem. Est enim Mauritanū nomen. S E. Vnde originē habeat coniectari nescio. B R A. Et ego minus: imò Et hoc nomen corruptum esse puto. Scito autem Galenum in principio secundi capitis secundi libri de compositione medicamentorum secundum locos in capitis dolore hieram exhibere: sed addit exacutam, ac si dicat per aliud simplex redditā acutē Et uehemētē, ut inferre liceat hierā capiti ualere, si alia addātur, et nunquā pro capite has pilulas deglutiendas iubemus, quin agaricū addamus, aut alia, quæ à capite educant, uel nisi affectio capitis à uentriculo proueniat.

S E.



De Reu= S E. Pilulæ de Reubarbaro accedūt. BRA. Quid  
barbaro. aliud sunt hæ pilulæ, quàm Rhabarbarum ipsum in pul  
uerem redactum, & in pilulas conformatū? S E. Imò  
est alia compositio, quam paratam seruamus. BRA.  
Quenam est? S E. Hæc.

℞ Raued sceni 3. iij.  
Succi liquiritiæ }  
Absynthij } ana 3. i.  
Masticis }  
Myrobalanorum citrinorum 3. iij. .s.  
Seminum foeniculi }  
Apij } ana 3. .s.  
Trociscorum diarhodon 3. iij. .s.  
Specierum hieræ picræ Galeni 3. x.

Confice cum aqua foeniculi, & da. 3. ij. cum aqua  
cafei calida, in sero. BRA. Raued sceni Rhabarbarū  
est. S E. Equidem, & etiam Raued simpliciter Rha  
barbarum est, tantum differt Raued sceni à Rhabarba  
ro in solo, & patria, quia hoc in Barbaria nascitur,  
quæ pars Aphricæ est, illud in sceni, quæ est alia pars.  
BRA. Ita arbitror, tamē apud Mesuen alia cōpositio  
est de Raued: & cū Raued sit Rhabarbarum, erit alia  
cōpositio de Rhabarbaro. S E. Videamus hanc com  
positionem. BRA. En Mesuæ liber, uerte folium, ad=  
huc aliud, lege hanc compositionem, quæ in tergo est.  
S E. Ecce iam lego.

℞ Raued sceni 3. vij.  
Armoniaci



Armoniaci		
Serapini	}	ana 3. x.
Bdelij		
Laccæ	3.	vij.
Oppoponacis	3.	iiij.
Mezereon	}	ana 3. iiij.
Gummi		
Turbith.	3.	x.
Spicæ	}	ana 3. v.
Polij		
Aloes		
Masticis	3.	ij.
Myrobalanorum citrinorum	3.	x.

Gummi in uino dissolue, & fac pilulas, dentur. ij. 3. cū aqua casei. S E. Nos hac compositione non utimur. Sed cū à medicis pilulæ de Rhabarbaro indicuntur, illas damus, & paratas seruamus, quas ex ipsomet Mesue superius retulimus. BRA. Hæ secundo loco adductæ sunt uehementiores, & efficaciores, ualentque ad obstructions splenis, atque iecoris, & ad hydropem. Tamen, & illæ, quas superius adduxisti, ad idem ualere certum est, & ad febres diutinas ex diuersis humoribus genitas, glutinosas, & putridas. S E. Ad easdē igitur affectiones adhiberi possunt? BRA. Ad easdē, sed secundæ uehementiores sunt, & efficaciores primis. Verum compositio hæc à me nunquam probabitur, sequeris igitur tuam illam compositionem, quæ apud me suam in ordine prima est. Reperitur & hæc eadem com=



compositio apud serapionem in suo antidotario sub hoc nomine pilulæ de Raueo in eo solum differunt, quod Mesue. vii. Raueo drachmas recipit, serapio. viii. Et ubi Mesue legit polium, serapio habet polypodium, utrumque tamen in hac compositione recipi potest. Mesue dat. 3. ij. cum aqua casei, serapio cum uino : tamen et cum uino, et cum aqua casei dari possunt ? Videre autem nescimus, cur magis de Raueo nuncupentur, quam de turbith, quod compositionem æquale ingreditur, et quam de serapione, uel Bdelio, uel Amoniaco, et quam de myrobalanis citrinis : tamen his authoribus ita denominare placuit, cum aliæ pilulæ ex alijs simplicibus, quæ hanc compositionem ingrediuntur, suum nomē sortitæ sunt : sed unum hinc notandum est, serapionem his pilulis addere quatuor sextaria salis, quod non facit Mesue : et quamuis sal crassas materias dissolvere possit : tamen tanta quantitas in hac compositione non conuenit. S E. Sextarium forte apud serapionem est parua mensura. BRA. Imò est nomē ponderis apud Arabes. S E. Quomodo hoc probabis, si quis inficias iret ? BRA. Facillimè, si pondera in quinti canonis fine apud Auicenam adduxero, quæ etiam ex serapione accepta sunt. S E. Proba igitur, ni laborem effugias. BRA. En Auicena dicit mina Romana est. 3. xx. et mina est sextaria. 40. Igitur si mina est. 3. xx. et sextaria. 40. sextarium erit semiuncia, itaque in hac compositione ingrederentur duæ uncie salis, quod absurdum est, imò quia Auicena post hæc dicit sextarium esse. 3. vi. essent



vi. essent tres unciae: propterea arbitramur Serapionis compositionem non esse probandam, sed illā Mesuæ potius esse recipiendam: possem & hoc uarijs alijs modis ex horum authorum compositionibus probare: sed id faciemus in ponderum examine, in quo Græca Arabibus commiscebimus, & exponemus. Nunc materiam hanc prætermittamus, ne ex medicamentorum compositionibus ad pondera & mensuras transire uideamur: Vnum tamen animaduersione dignum est, quod hîc à Mesuæ dicitur, dissoluendum esse in uino gūmi, quod in pilulis de Rhabarbaro non dicitur, id uerò factum est, quia mastiche sola compositionem illā ingreditur, hæc uerò sit regula, quæ non fallit, in omni compositione, in qua gūmi genera aliquot ingrediuntur, consyderare oportet, an gūmi in puluerem reduci possit, absq; alia uehementiore exsiccatione: an non possit, si in puluerē redigi possit compositionē ingreditur, absque alia dissolutione. Si non possit, tunc dissoluendus est, uel in uino, uel in alio liquore. Cum igitur in pilulis de Raued recipiantur Serapinum, Bdelium, lacca, oppopanax, & gūmi, quorum aliqua dissolui possunt, aliqua non possunt: propterea hîc dicit in uino dissoluenda esse, in cōpositione uerò de Rhabarbaro, in qua sola mastiche recipitur: non dixit esse dissoluendam, quia mastiche facile in puluerem reducitur. Nec illud in hac compositione prætermittendū est, cum fuerit confecta post aliquod tempus, & etiam breue adeò durescit, ut in puluerem facile resoluatur, idque faciunt omnes compositiones, quæ



nes, quæ res glutinosas nō recipiunt. Vnde suaderem  
ut non solum ex aqua fœniculi: sed etiam ex melle rosa  
to conformarētur, ut diutius seruari possent. Nam uis  
simplicium facillimè exhalat, ubi glutinosa res aliqua  
non affuerit: & ideo harum pilularum uis diu per-  
durare non potest, imò si ueterascunt, in uenenū trans-  
mutantur, & uehementia tormina faciunt, quod exper-  
ta est magno suo incommodo magnifica & generosa  
uirago Hippolyta Farufina Quaina commater semper  
ueneranda, & probitatis, ac integritatis specimen: hæc  
à pharmacopola quodam à cuius nomine abstineo, ne  
quem offendam, huius generis, catapotia accepit, sed an-  
tiqua puto illa fuisse, quæ à principio confecit, cum ar-  
tem exercere cœpit. Semisrupulum tantū accepit, &  
adeò uehementibus torminibus uexabatur, ut uires ferè  
deficerent, & plusquam sexcenties egeßit. Ex hacque  
occasione ægritudinem incidit laboriosam. Verū Deo  
duce pristinae sanitati restituta est. Ad rem uerò cœ-  
ptam redeunt, si alicui rei glutinosæ misceantur, diu-  
tius perdurare possunt, quàm plures sanitati restitui-  
mus ex pituitosis febribus autumno, & hyeme unam  
ex his pilulis pondere unius scrupuli alternis diebus  
uorandam iubentes. S E. Tibi ergo placet, ut pilulæ  
de Rhabarbaro quas ex Mesue retulimus cōficiantur.  
B R A. Illæ fieri debent. Verum exquisitæ de Rhabar-  
baro pilulæ ex solo Rhabarbaro confici debent: neque  
seruandæ sunt: sed tunc Rhabarbarum ipsum in pilulas  
redigendum, cum eo indigemus.

S E. Cūm



*SE.* Cum his illæ ueniunt, quæ de tribus cum rha= De tri=  
barbaro uocantur. *BRA.* Cur hoc nomen sortitæ bus cum  
sunt? *SE.* Puto quia sunt pilulæ communes, quibus reub.  
rhabbarum addimus. Prius igitur communes istas  
pilulas consyderemus. *SE.* Has pro communibus cõ  
ficio, quamuis notum mihi sit, alias esse communes uo=  
catas, quas alij pharmacopolæ conficiunt.

*Rx* Aloes 3. iiij.  
Croc  
Myrrhæ } ana 3. ij.

Confice cum uino albo, claro, odorifero. Tamen *Pede=*  
*montanus* iubet confici cum aceto: ego autem uino sem  
per usus sum. *BRA.* Cur *Pedemontanum* non seque=  
ris? *SE.* Quoniam longè maioris authoritatis est  
*Rasis*, quam *Pedemontanus*. Ipse uerò in quarto ad *Al*  
*mansorem* de pestilenti morbo agens, & eius cautella  
ex uino conficit. Alij habent suam compositionem hoc  
modo.

*Rx* Aloes }  
Croc } ana 3. ij.  
Myrrhæ 3. I. .f.

Conficiantur cum uino albo. *BRA.* Differūt solūm  
in pondere. *Auicena* lib. quarto fen. prima, tractatu. 4.  
capite quinto, medicamenta ad pestilētiā enumerans,  
inquit, fieri debere ex aloe, croco, & myrrha, at sim=  
plicium pondus prætermittit, id fecisse arbitror, quia  
æquale omnium pondus esse uoluerit. *SE.* Has a uo=  
bis dictas communes pilulas consyderans, illæ esse ui=  
dentur,

G



ANT. MVSÆ BRA.

dentur, quæ ab antiquis Ruffo attributæ sunt. BRA.

Omnes ita censent. S E. Tu ergo in his dubitas?

BRA. Imò nō dubito, cū nec Ruffi sint, nec Ruffus compositionem suam in catapotia confecerit: nam potui dabat in pestilenti morbo. S E. Quæ igitur erat apud antiquos Ruffi compositio? BRA. Hæc, quā Paulus lib. secundo cap. 36. describit.

℞ Aloes partes duas

Amoniæ thymiamatis partes duas

Myrrhæ partem unam

Hæc simul contusa ex uino fragranti colluito, deinde dimidium quotidie cyathum potui dato. S E. Crocū ergo non recipit? BRA. Non equidem Ruffi compositio. S E. Compositio igitur nostra conueniens non est? BRA. Non equidem, si pro Ruffi compositione fiat: sed si alia sit compositio, quæ ita ab Arabibus nuncupetur, & à recentibus. s. pilulæ de tribus, eā ita conficere nihil refert: & cū illam conficis, si rhabbarum addideris ad pondus aloes, pilulæ de tribus cum rhabbaro dici poterunt. Veruntamen nec illæ Ruffi erunt: nec illæ, quæ passim de tribus cum rhabbaro nuncupantur. Extat in præsentiarum Ruffi liber, in quo prædicto modo compositio inuenitur, ut superius ex Paulo retulimus. S E. At Mesue, ubi de præseruatione à pestilenti morbo agit, has pilulas, ut superius dictum est, adducit: nullamque de Ruffo mentionem facit. BRA. Aut sunt alia catapotia, quæ & ipsa conueniunt, & non sunt illa Ruffi: aut errat Mesue, Ruffi propo=



propotisma adducere uolens. Nam & ipse Auicena præcitato loco non dicit catapotia confici: sed sumi talem compositionem, quam ex propotismate dabat Rufus, & cōsentit Paulus. S E. Dicam igitur meas cōmunes uocatas pilulas non esse Ruffi pilulas? B R A. Equidem: tamen & in pestilenti morbo conueniunt. B R A. Hoc nihil impedit, uerū & illis Ruffi, ut Paulus refert, nullus unquam sua potione frustra usus est, qui pestem non euaserit: sed in tuis communibus catapotijs minorem croci copiam poni laudo, atq; probo: ne caput lædatur. Dic uerò à quo authore catapotia illa de tribus cum rhabarbaro dicta accepisti? S E. A nullo authore: sed ita fieri à meo præceptore didici. Hactenus rem miram audiui, & quam medici non considerant, mihi summè placet, te tuas illas de tribus cū rhabarbaro pilulas eo modo conficere, ut retulisti, ex communi tua compositione, & rhabarbaro. At alij omnes pharmacopole, compositionem aliam parant, quam pilule de tribus cum rhabarbaro nuncuparunt. S E. Quenam est illa? B R A. Hæc subscripta.

℞ Rhabarbari  
 Agarici  
 Aloes } ana partes æquales

Misce & ex aliquo liquore pilulas cōfice. S E. Quo modo sunt de tribus, cum rhabarbaro potius nuncupari deberent de duabus scilicet rebus cū rhabarbaro? Et cur potius non sunt de tribus cum agarico, uel de tribus cum aloes? B R A. Ad differentiam fortè illarum

G ij pilularum



pilularum de tribus rebus, quas communes uocas, aut de tribus Ruffi, non dicuntur uerè de tribus cum agarico ob rhabarbari nobilitatem. S E. Agaricus maioribus dotibus insigniri uidetur, quàm rhabarbarum, & est medicina familiae. B R A. Tamen maiori præcio uenditur rhabarbarum nec uentriculum offendit: at de hac re quicquid sit, ne magnificiamus pilulae de tribus cum rhabarbaro apud omnes pharmacopolas, hæ sunt, quas nuper adduximus: tuæ uerò communes cum rhabarbaro sunt communes: quæ rhabarbarum recipiunt, hoc tantum expeterem in hac re & optarem, ut omnes medici has differentias cognoscerent, ne quandoque pro suis ægris unam compositionem pro alia reciperent, sumuntur hæ de tribus cum rhabarbaro pro capite, thorace, uentriculo, & iecore: sed his omiſſis ad alia tranſeamus.

De aloe

S E. Occurrunt poſt has conſyderandæ pilulae illæ, quæ à materia ex qua conficiuntur pilulae de aloe nuncupantur. B R A. Sunt ne compositæ an ſimplices? S E. Simpliciffimæ ſunt ex pura aloe elota confectæ. Cur in hoc dubitas? B R A. Quoniã apud antiquos compositio extat pilularum de aloe, de quibus mentionem facit Paulus libro ſeptimo cap. quinto, & Galenus lib. primo de compositiõne medicamentorum ſecundum locos cap. primo: ubi Galenus quomodo conficiantur perfecte non exprimit, ita uerò confici dicit Paulus.

℞ Interioris colocinthidis partem unam

Succi



Succi absynthij }  
 Aloes } ana partem unam

Scamonij partes duas

Cum aqua in pilulas redige, quæ ciceris quantitatem æquent, quarum pro dosi exhibendæ sunt undecim, sci-  
 to tamē apud Galenum alibi haberi αλόης μερ. β. idest  
 aloes partes duas, propterea Pauli codicem mendosum  
 esse arbitror, & eius loco legendum, ut habet Galenus  
 scilicet partes duas, uocanturque hæc catapotia à Ga-  
 leno, & Paulo. περὶ αλόης idest de aloë, & compo-  
 sitæ sunt, & non de simplici aloë. Tu uerò quomodo  
 tuas de aloë cōgerere soles? S E. Aloen bis terq; quā-  
 doq; ex aqua endiuivæ lauo, postea in pilulas cōformo.  
 B R A. Habes ne paratas ex aloë non elota pilulas?  
 S E. Cur hoc petis? quoniā non elota semper in prom-  
 ptu est. B R A. Quoniam Galenus in secundo & 8.  
 de compositione medicamentorum secundum locos &  
 in septimo Methodi medendi aloen non lotam longè ef-  
 ficaciorem esse lota edocuit: quamvis de hac re non un-  
 quam experientiam fecerimus, & tāta aloes lotæ quā-  
 titas efficacius eduxit, quanta non lotæ, sortè fuit ex  
 uirorum, qui insumpserunt diuersitate: sed nunc quæ  
 cepimus prosequentes, nōne sunt & qui aloen ex suc-  
 co caulium lauent, & ex infusione rhabarbari? S E.  
 Imò, & qui succo lactucæ utuntur, alij succo plantagi-  
 nis. B R A. Nouimus & qui ex defruto & hepsē-  
 mate lauabant. S E. Vt uariæ sunt hominum intentio-  
 nes, & uarij effectus, ita uario liquore lauant. Verum  
 G iij lotiones



ANT. MVSAB BRA.

lotiones esse non debent pauciores tribus. BRA.

Vna satis superque est: sed nunc reliqua prosequamur.

Indæ SE. Hic in nostra inordinata schœda pilulæ Indæ suam sedem habent. BRA. quibus constant, & à quo authore accipiuntur? SE. Mesue illis refert, quas et ipse ab haly accepit: Ex his uerò, quæ sequuntur, cōstāt.

Myrobalanorum nigrorū	}	ana 3. V.
Hellebori nigri		
Polypodij	}	ana 3. vi
Epithymi		
Stœcados		
Agarici	}	ana. 3. iiij.
Lapidis lazuli loti		
Colocynthidis		
Salis indi	}	ana. 3. ij.
Succi eupatorij		
Spicæ		
Garyophylorum	3.	I.
Hieræ picræ	3.	xij.

Fiant pilulæ cum succo appij, dosis est ab. 3. ij. usque ad haur duos, Et sunt sanæ & ex parte, da cū aqua casei: hæc Mesue. BRA. Hæc quantitas longè maior est apud nos quàm cōueniat, satis enim est. 3. I. exhibere, quæ etiam non mediocriter educit cum sint efficacissimæ & uehemētissimæ pilulæ, in ægritudinibus atrabilarijs: propterea mirè competunt quartanæ feбри, durtiei, ac dolori splenis, cæcro, lepræ & (ut cōprehensim dicamus) omnibus atrabilarijs morbis, idq; potissimū faciunt



faciunt, cum materia fuerit exusta. Dic autem colendis  
sine senex Lapidem lazuli quonam modo lauas? S E.  
Lapidem hūc, qui à Latinis cyaneus nuncupatur, in te-  
nuissimum puluerē redigo, postea accepto lapideo mor-  
tariolo hunc puluerem inijcio, & aquam claram ac  
lympidam superingero: mox pistillo in circulum ducto  
aquam, & puluerem simul commisceo, hocque facio ue-  
hementi agitatione: postea permitto, ut resideat, quo  
facto hanc aquam abijcio, & aliam superingero: iterū  
uehementi agitatione commisceo, & idem facio, idque  
tertio efficio, postea loco claræ aque padanæ accipio  
aquam rosaceam, & ter eodem ordine lauo, tūcque  
perfecta est huius lapidis lotio. B R A. Scito neque  
tres lotiones quandoque, neque quatuor esse satis, sed  
lotionem perfectam tunc esse deprehendes ( quotquot  
præcesserint ) quando neque color aliquis, neque sapor,  
neque odor in aqua remanet: hæcque tibi sit regula la-  
uandi hunc lapidem, & alios similes, ut his est, qui ar-  
menus nūcupatur. Abs te uerò discere cupio cur indæ  
pilulæ nuncupatæ sint. S E. Nonnulli putant, id no-  
men sortitas esse, quia earum usus potissimum est apud  
Indos, alij quia sal indum recipiunt, & putant sal in-  
dum esse nigrum: sed non haberi, longe decepti ( ut tu  
superius ostendisti ) quia antiquorum saccharum supra  
cannas concrescens sal indum est. B R A. Fortè hinc  
nomen duxere, quia humores nigros, & atros, ac me-  
lancolicos educunt, qui Indis similes uidentur, quis ho-  
minum mentes scire potest, & primorum impositorum  
G iij      proposita



proposita? Notâque confici has pilulas ex succo appij:  
quia eupatorii succus non est satis: sunt enim solium  
duæ drachmæ, hic uerò apij succus apponitur: quia ape  
riendi uim habet, & cū simpliciter apium dicitur hor  
tense apium sumi debet. Est uerò hortense apium id,  
quod à nostris petroselinum nūc uulgò dicitur: omnia  
ferè, quæ hanc compositionem ingrediuntur uim habēt  
educendi atram bilem: hiera picra addita est ad roborā  
dum, & bilem crassam ē uentriculo educendam: Garyo  
phyli ad roborandum, colocynthis ob pituitosos humo  
res, & crassos addita est. Et quia ab abditis membro  
rum partibus educit, sal indum recipit, cuius loco po  
ni debet saccharum uel etiam candum. Quamuis à re  
centibus negetur, ut aptius pilulæ compaginentur, sci  
tōque omnia in puluerem redigenda esse, & succis com  
miscenda, & pro hiera picra puluis ipse recipiendus est,  
usus sum his pilulis inflatu hypochondriacho, & mirè  
contulerunt. Nota tamen, quòd impetu primo obesse ui  
dentur, postea sequenti die profunt, inòhic est ferè cō  
tinuus mos in hoc flatu omnia medicamenta, cū apli  
centur obesse, uel uideri obesse: postea cū à medicamē  
tis abstinetur iuuamenta sentiuntur: denique pro his pi  
lulis, & alijs, quæ succos recipiunt, notandum est suc  
cos optimè depurandos esse, & excoquendos, quod nisi  
fiat, pilulæ breui mucidæ fiunt & corrumpuntur: ad  
alia te conseras.

Arabicae S B. En ille offeruntur, quas medici arabicas uo  
cant. BRA. Et de hoc nomine anceps sum, an quia  
ab Ara=



ab Arabibus inuenta, an quia in Arabia sit frequens earum usus, hoc nomē sortitæ sint: apud quem authorē inueniuntur? S E. Apud Gilbertum Anglum, ubi agit de arthritide, & apud Nicolaū in suo uocato antidotario, ex his uerò conficiuntur.

℞ Aloes ʒ. iij.

Brioniæ

Myrobalanorum citri

Belliricorum

Indorum

Chebulorum

Emblicorum

Masticis

Diagridij

Asari

Rosarum

ana ʒ. i.

Confice cum succo fœniculi, uel absynthij

Croci ʒ. i.

Castorei ʒ. iij.

Dicitque Nicolaus has pilulas per centum annos perdurare & ualere. BRA. Longè decipitur: nam catapotia illa quæ glutinosa sunt breui tempore durant, & quodammodo lapidescunt, uel in puluerem rediguntur. Itaque earum uis euanescit, & nisi succi sint bene depurati, & excocti acescunt: propterea dicimus Nicolaum decipi, & simplicium uim ab ijs pilulis breui euanescere. S E. Idem Nicolaus has pilulas mirabiles facit, inquiens, omnes humores mirifice purgare



purgare, & letitiam inducere, tristitiāque auferre, mentem acuere, amissum uisum reddere, imbecilem fortiores faciunt, auditum restaurant, memoriam inferūt, scotodinæ conueniunt, uertigini hemicranæ, oculos iuuant, dentes, gingiuas, stomachum, splenen, sonitui aurium succurrunt, omnes humores in omnibus ætatibus, in omnibus temporibus, sine molestia in uiris & mulieribus purgant. BRA. Si hæ pilulæ tot habēt uires: igitur medicamentis alijs non indigemus, uel saltem paucissimis: sed eas singulatim per simplicia perpendamus, uideamūsque an in tota cōpositione tot adsint, quæ omnia efficere possint. Aloes educit bilem, Brionia serosos humores, Citrini myrobalani bilem, chebuli pituitam, indi atram bilem educunt, & flauam præustam. Bellirici, & emblici educunt pituitam, & roborant cerebrum, ac neruos, diagridium bilem educit, asarum rose, mastichæ, crocus, & castoreum membra roborant, & uim auferunt fortibus medicamētis. SE. Ergo ad omnia illa cōueniunt, quæ à Nicolao referuntur. BRA. Certum est, quod dicis, si unumquodque secundum suam operationem agat: sed puto nullum esse hominem, qui tot indigeat simul: tamen sunt talis generis catapotia, ut absque molestia educant.

sine quibus

SE. En pilulæ sine quibus conferuntur. BRA. Nicolaus ob earum efficaciam eas sine quibus esse nolo, uocauit: nam tantæ sunt efficaciæ, ut nullus sine illis esse deberet: nunc uerò earum compositionem refero. Hec est, quæ sequitur.

℞ Aloes



℞ Aloes hepatici abluti, & odoriferi. ʒ. xiiij.  
 Myrobalanorum citrinorum  
 Belliricorum  
 Chebulorum  
 Indorum  
 Emblicorum  
 Rhabarbari  
 Mastlicis  
 Absynthij  
 Rosarum  
 Violarum  
 Senæ  
 Agarici  
 Cuscutæ

ana ʒ. i.

Temperentur cum succo fœniculi

Scamonij bene triti, & puluerizati. ʒ. 6. & s.

Ita uerò admisceantur, ut puluis scamoniij per pannum cum ipso succo sit expressus, & sit tanta succi quantitas, quæ ad confectionem pilularum satis sit: postea inunge manus oleo uiolaceo, uel communi abluto, & refovementur pilulæ in modum ciceris. B R A. Nos in ciceris modum non paramus: sed tres, uel quinque pro singula drachma conficimus: purgat humores qui sunt in superioribus corporis partibus, & proprie conueniunt suffusionibus, obscuritatibus, & caliginibus oculorum, purgântque mirè caput à pituita, bile, & atrabile, uisumque custodiunt ab omnibus prauis humoribus. Quamuis medicus quidam noster Ferrariensis apprimè



apprimè excretur has pilulas. Nam ( ut inquit ) cum  
 lipitudinem nonnunquam pateretur, his pilulis uoratis  
 plurimum creuit: sed non animaduertit ipse non præ=  
 cessisse totius corporis purgationem, nō uenæ sectionē,  
 neque humoris præparationē, morbusque in augmen=  
 to uniuersali erat, addēque tantam copiam non insum=  
 psisse, quæ materias in capite existentes ad infernas  
 partes deducere potuisset, sed à capite solū ad oculos  
 his etiam conferunt, qui iliacum dolorem patiuntur, et  
 aurium dolorem sanare solent, si drachma insumatur  
 non cum ouo, ut Nicolaus dicit, uel farinata, sed simpli=  
 citer deglutita. S E. Igitur omnes humores educūt?  
 BRA. Educunt, omnes prauos. S E. Si aliquis non  
 indigeret nisi unius humoris euacuatione, quid tunc  
 agendum esset? BRA. Illa addere oportet, uel auge=  
 re, quæ hunc humorem euacuant: sed posteaquam huc  
 inter loquendum uenimus non erit ab re, quibus addi=  
 tis id fiet ostendere, si bilem per hæc catapotia euacua=  
 re sit opus, aloen augere oportet & citrinos myroba=  
 lanos ac rhabarbarum, præsertim si sit crassa bilis: si  
 uerò pituita euacuatione indiguerit, agaricum augea=  
 mus, & chebulos myrobalanos, si atra bilis sit pur=  
 ganda, senam auge, & indos myrobalanos. S E. Nō=  
 ne perfectius esset his simplicibus uti absque composi=  
 tione, quæ peccantes humores educunt? BRA. Hoc  
 est, hoc inquam de quo conqueror, de quo continuo ex=  
 clamo, ut medici simplicium cognitionem habeant, &  
 componendi artem addiscant, & nunquam compositis  
 utantur:



utantur: sed statim simplicia miscere iubeant cum illis indigent. S E. Hæ igitur pilulæ ex tua regula diu perdurare uō possunt. B R A. In hoc dubitas, tu qui iam antiquulus es in arte? omnino cito pereunt, quia nihil glutinosi recipiunt, quod uim puluerū seruet. Nā omnia in puluerem redigenda sunt, & commiscenda succo, & cum succus per stamineum, ut uocant, uel pannū purior redditur, simul exprimatur scamonium. S E. Dubium est apud pharmacopolas an scamonium pilulas ingredi debeat in tenuissimum puluerem, uel in crasum redactum. B R A. Cur in hoc ambigunt? S E. Quia scamonium uenenosum est, & stomacho nocuum si in puluerem redigatur, stomachi rugositates, & insensibiles meatus ingredi possēt, & dein in his locis permanens grauiā symptomata inducere. B R A. Si quis scamonium acciperet in puluerem redactum, & alicui compositioni nō mixtū: sed uel ex uino, uel ex iure insumeret, hæc fortē symptomata cōtingere possent. At cū in pilulas conformatur, multa habet simul commixta, & in tota cōpositione non est puluis: sed gassius quoddam corpus, & cum à uentriculi calorem eliquatur in puluerem non reducitur: sed in substantiam quandam liquidam. S E. Tamen recentes pharmacopolæ in suis compositionibus nunquam scamonium ponunt: sed eius loco præparato scamonio utuntur, quod diagridium uocant, præparant uerò in cotoneo pomo. B R A. Optarim ego ubi uel ab Arabibus in suis compositionibus, uel à Nicolao, uel à Græcis scamonium simpliciter dicitur



ter dicitur scamonium non præparatum recipiendum  
esse: nam cum Arabes & Barbari de præparato loquū-  
tur, semper diagridion dicunt, & Græci σαμμόνιον  
τὸ παρὰ σκευζόμενον ἐν κυδονίῳ scamonium præpara-  
tum dicunt in cydonio, quo tamen in suis compositioni-  
bus rarò utuntur. S E. Putabam præparationem istā  
esse nouum inuentum. BRA. Quomodo nouum si  
Galenus lib. primo de alimentorum facultatibus in Co-  
toneo pomo parare docet, unumque mirum uidetur,  
quòd ipse præbet comedendum Cotoneum. S E. A no-  
bis tamen uenenosum putatur. BRA. Imò Galenus  
eodem loco dicere uidetur absque stomachi subuersione  
educere. Adest & alter præparandi modus in sanguine  
ex oleo amigdalorum dulcium. S E. Necessarium ne  
est pro his pilulis conficiendis manus ex oleo, uel uio-  
laceo, uel communi abluto inungere? BRA. Ad uim  
pilularum nihil facit: sed tantum conuenit, ut facilius  
in perfectiorem rotunditatem redigantur: nunc ad alia  
transcamus quoniam ostendere ad quid singula ualeāt  
simplicia superfluum uidetur.

De fumo S E. Igitur ad pilulas de fumo terræ accedamus.

terræ BRA. Quenam de fumo terræ? S E. Illæ, quæ ab  
Auicena lib. 4. fen. 7. in curatione scabiei, atque pruri-  
tus in hunc modum describuntur.

℞	Myrobalanorum citrinorum	} ana 3. v.
	Chebulatorum	
	Nigrorum	
	Aloes	3. vij.

Scamonij



Scamonij 3. V.

Confice absque cessatione cum aqua fumi terræ, et fiant pilulæ. B R A. Neque istæ diu perdurare possunt, quoniam nihil recipiunt glutinosi: scito tamen facta miscela ex pulueribus, & succo, relinquenda esse, ut exsiccentur in umbra: postea iterum in puluerem redigantur, & exsiccentur in umbra, idque ter fiat: nam hoc modo diutius perdurare possunt, sunt pilulæ imbecilles dari non possunt in minori copia, quàm quatuor scrupuli, educunt humores biliosos mordicantes, acutos, pituitam salsam, & omnes humores adustos qui pruritum faciunt, & scabiem: tamen non est tanta perfectio in his pilulis, quin aliæ sint potentiores, etiam in hac intentione, quas ingredientur sena, epithimum, polypodium, helleborus niger: præter illa, quæ superius in pilulis de fumo terræ ingrediuntur.

S E. Cum de his satis dictum putes, ad pilulas de De agarico descendamus. B R A. Sunt ne ex puro agarico? S E. Non, quoniam opus est ex his saltem temperent, quæ agaricum corrigunt. B R A. Antiqui nulla correctione utebantur: sed agaricum simpliciter, uel propinandum, uel deglutendum exhibebant, & nos in præsentiarum simpliciter agaricum præbemus, & mirè proficit: tamen compositionem illam tuam de agarico ediscere libet. S E. Hæc est.

℞ Agarici }  
Masticis } ana 3. iij.

Radiciis



ANT. MVSABRA.

Radiciſ lilij celeſtis	}	ana 3. I.
Prasij		
Turbith	3.	V.
Hieræ picræ	3.	iiij.
Collocynthidis	}	ana 3. ij.
Sarcacolæ		
Croci	3.	I.

Confice cum robub, nos tamē id ſeruamus, ut agarici loco ſemper agaricum trochiſcatum ponamus: quia agaricum ita conſectum habet ſuam malitiā emendatam. BRA. Non adest, tanta malitia in agarico quanta tu putas. Verum has pilulas conſyderans, non uidentur eſſe de agarico nuncupandæ: ſed potius de turbith, cum in maiori copia hanc compositionem ingrediatur, quā alia: tamen ſi uel tibi uel alij ita nuncupari placeat, digladiari nolim. Dic uerò quis ſit harum pilularum author? SE Auicena lib. 3. ſen. decima tractatu primo cap. xl. & Meſue in cap. de aſthmate.

BRA. Auicena uidetur quodammodo à tua compositione uariuſ. Nam hoc modo deſcribit.

℞ Agarici partes tres

Radiciſ lilij	}	ana partem unam
Prasij		
Turbith		partes quinque
Hieræ picræ		partes quatuor
Pulpæ colocynthidis	}	ana 3. I.
Sarcacolæ		

Conficiantur cum rob. unum eſt quo hanc deſcriptionem



ptionem uanam esse ostēdere possum s E. Quodnam:  
 B R A. Omnino simplicium pondera indistinctē po=  
 nit per partes, colocynthida uerò & sarcocolam de=  
 terminat, quia drachmam unam ponit, possent autem il=  
 lae partes tres uel quatuor esse maiores uel minores,  
 colocynthis uerò & sarcocola semper habebunt idem  
 pondus quod absurdum uidetur. s E. In his Auicena  
 solum deest mastix & colocynthis atque sarcocola, in  
 tua descriptione sunt drachmæ. 2. in hac autem Auice=  
 nae est drachma una. Illa præterea compositio, quæ à  
 Mesue scripta est, cum his non conuenit nisi in aliqui=  
 bus, est uerò in illa parte, in qua loquitur de asthmate,  
 & hæc est compositio eius pilularum de agarico, qua=  
 rum ipse ( ut dicit ) inuentor fuit, quæ pectus, & pul=  
 monem mundificant, & asthmatis, ac tussi antiquæ con=  
 ueniunt, ita uerò dicit.

℞ Agarici	3.	vi.
Ireos }		
Præsiij } ana	3.	i.
Turbith }		
Hieræ picræ } ana	3.	vij.
Colocynthidis }		
Sarcocolæ } ana	3.	iiij.
Myrrhæ	3.	ij.

Confice cum rob. & dosis earum sit drachmæ  
 duæ: tamen drachma una satis est, uel saltem quatuor  
 scrupuli. s E. Video magnam esse in puluere differen=  
 tiam. B R A. Imò & hic additur myrrha, quæ in illis  
 non est,

H

non est,



ANT. MVSABRA.

nō est, quæ sunt apud Auicena. S E. Et in nostris ad-  
detur mastix. In uno autē dubitamus, quia Auicena ac-  
cipit lilij radices, Mesue uerò radices Ireos: nos uerò  
in nostra compositione habemus radices lilij cœlestis,  
Et accipimus radices Ireos. B R A. Scito uulgare  
liliū, Et Irin pectori conferre, Et asthmatis: tamē quia  
in his pilulis eductio expetitur, Et lilium non educit,  
Iris uerò educit: propterea laudo, ut Iridis radices hāc  
compositionem ingrediātur, Et ubi lilium dicit Irin in-  
telligas: sed tuam descriptionem ( ut uideo ) à Mesue  
accepisti, ubi de pilulis agit. S E. Accepi. B R A.  
Cur non dicebas? S E. Te hoc scire supponebam.  
B R A. Non est opus supponere: sed mens sua aperien-  
da est, ut decernere possimus an alij pharmacopolæ  
eandem compositionem sequātur, Et re uera omnes istā  
paratam seruant, quæ materias crassas à capite mirē  
trahit, Et à pectore: uerum Et serapio unam quādam  
descriptionem habet pilularum de agarico, quæ ab his  
non longē differt. S E. Quenam est? B R A. Illa,  
quā uocat pilulæ quæ abstergunt pectus ita confectæ.

Agarici	}	ana	3.	ij
Turbith				
Myrrhæ				
Radici lilij cœlestis	}	ana	3.	I.
Prælij				
Hieræ			3.	iiij.
Colocynthidis	}	ana	3.	ij.
Sarcocolæ				

Terantur



Terantur, & cribellentur, & conficiantur cum rob. uel iuleb. S E. Mihi eadem esse ferè uidentur, in solo pondere differunt. Sed ubi sunt apud hunc authorem?

B R A. In suo antidotario: tamen non uocat illas pilulas de agarico: sed pilulas abstergètes pectus, imò post hanc compositionem quandam habet, quam pilulas de agarico uocat, quæ ab hac prædicta multum differt.

S E. Ne quicquã prætermittamus refer pilulas istas serapionis de agarico nuncupatas. B R A. Libenter id faciam, in primis uerò te scire uelim, ad obstructions aperiendas à serapione dari ex camelarum lacte, & hydropen soluere, ac iecori ualde conferre.

℞ Epithymi	}	ana 3. vi
Aloes		
Agarici		3. iiij.
Scamonij	}	ana 3. ij.
Petroselini		
Anisi		
Sesileos		
Seminis apij		
Dauci		

Non exprimit deinde serapio, ex quo liquore cōficienda sint. S E. Nihil habent cum nostris de agarico pilulis. B R A. Saltem parum habet, modo ad illas, quæ in communi usu sint redeamus, quæ ratione simplicium ingredientium omnes humores educere aptæ sunt: patissimum uerò biliosos, & pituitosos, omnia in puluerem redigenda sunt, deinde in mortariolo sæpe miscen-

H ij da, & adeò



ANT. MVSAB BRA.

da, & adeò commiscenda, ut corpus unum fiat, neque molle, neque durum, ratione sapæ, quæ non nihil habet glutinosi, diutius perdurare possunt, quàm illæ, quæ uel ex uino, uel aqua, uel succo aliquo conformantur.

Aureæ

SE. Hic aureæ pilulæ sedem suam naetæ sunt.

BRA. In omni pilularum genere nullæ sunt, quæ tormenta minus inducāt, & naturam minus lacescant istis, quàmuis sint in educendo uehementes, imò alijs multis uehementiores. Earū uerò compositio in mediū afferatur. SE. Hæc est, quæ sequitur, ex Nicolao accepta.

R Aloes	}	ana 3. v.
Diagridij		
Rosarum	}	ana 3. ij. .s.
Seminis apij		
Anisorum	}	ana 3. I. .s.
Seminis fœniculi		
Croci	}	ana 3. I.
Interioris colocynthidis		
Mastiches		

Informentur in modum ciceris cū aqua infusionis dragaganti: dentur in sero nouem, uel undecim cum mulsa, aut cum uino: nos autem hoc pondus non sequimur: sed drachmam unam damus, uel scrupulos duos, & tres pilulas conficimus, uel quinque uel unam, uel duas, ut summentibus placet: etenim numerum parem uel imparem negligimus, res ipsa ex integro pondere sumatur.

BRA. Et quæ cura adhibenda est numero? cū nec lupus numerum curet, tamen quāto pauciores sunt tanto diutius



to diutius commorantur in uentriculo, quia plures ex una drachma facilius liqueſcūt, quā una ſola, ſunt ad unguem moderata catapotia, quibus lubentiſſimè utor, cū à capite materiæ craſſas, & etiam tenues bilioſas atque pituitoſas educere uolo, omnibus conueniunt ſenſibus, & potiſſimū uisui, & iecori conſerunt: uentriculo, & flatus mirè expellunt: nulla eſt apud reſpondentes ( ex magnis ) tutior compoſitio iſta: nam & ſi diagridion reperiant & interiorem colocynthidis partē, ab alijs tamen ſex rebus moderantur, & aloë ipſa uentriculo conducit, & uim medicamentorum fortium reſprimit. Venetijs nonnulli has pilulas ſeruant Nicolai more factas, nec totius compoſitionis globū conficiūt, quod fortè malum non eſt, quia dragaganthum etiam in tam parua maſſa totius compoſitionis uim ſeruare poteſt. S E. Quid intelligis per interiorem colocynthidis partem? B R A. Miror cur in hoc dubites.

S E. Non eſt mirandum, quoniam nonnulli, & ſemina, & interiorem pulpam intelligunt. B R A. Sola pulpa, & caro huius ſylueſtris cucurbitæ accipienda eſt: quāuis, & ſemina ipſa educant: apud antiquos enim cū de interiori colocynthidis parte ſermo fit, pulpam ſemper intelligunt: Imò & ipſe Meſue in trochiſcis alandaal colocynthim à ſeminibus purgandam eſſe iubet.

S E. Et ego eram huius ſententiæ, neque unquam in tali compoſitione recepi ſemina. B R A. Rectè ſeciſti.

S E. Hoc etiam ſilentio prætereundum non eſt, nōnullos pharmacopolas pro aurcis nuncupatis pilulis, eas

H iij      quas de



ANT: MVS AE BRA.

quas de turbith uocat Mesue, paratas habere, & quas recentes turbitatas nuncupant, & aureæ Mesuæ dicuntur. BRA. Errāt mirè: uerum ne compositionem istā prætereamus, eam referas. SE. Hæc est.

℞ Turbith boni	3.	vi.
Aloes	3.	i. & .f.
Masticis	}	ana 3. vij.
Rosarum		
Myrobalanorum citri	3.	x.
Croci	3.	ij.

Confice cum succo absynthij. BRA. Et hæc quæque pilulæ uehementes sunt, & minus correctæ ueris Nicolai aureis: nam tormina inducunt, quæ ob turbith solum contingere putamus, cum reliqua simplicia potentiam habeant reprimendi uim fortium medicamentorum. SE. Ad aureas Nicolai redeunt, in ipsis unū addo, quod, & à multis additur pharmacopolis. Quāuis a Nicolao dictum non sit. BRA. Quid hoc est? SE. Addo duplum scamonij. BRA. Cur id facis? SE. Vt uehementius educant: Alioqui sunt imbecillioris potentie. BRA. Hoc absurdum uidetur, & à nemine sani capitis faciendum: nam potius augendum est pondus totius compositionis, & si non es contentus integra drachma scrupulos quatuor exhibe, aut quinque si opus est: puto etiam omnes pharmacopolas non augere scamonium, ut tu facis. SE. Maior pars auget. BRA. Hæc est causa, cur quandoque uehementer educant, quandoque ineptius, ut à diuersis pharmacopolis accipiuntur.



accipiuntur. Suaderem uerò omnes pharmacopolas Nicolai compositionem præcise parare: & nihil augere: nam drachma ex illis egregie educit. Notaque has pilulas diu perdurare, & eandem uirtutem seruare, quia ex decoctione, uel infusione dragaganti conficitur, quæ glutinosa est, & apta uim simplicium eas ingredientium diu seruare. Ita uerò fieri debent, omnia in puluerem redigantur, & optime misceantur: deinde ex decoctione dragaganti iterum commisceantur, & in unum globum coaceruentur. S E. Tamen ratione dragaganti durissimæ efficiuntur, & ferè lapideæ. B R A. Id uerum est: sed cum statim humiditatem sentiunt liqueſcunt, Idemque in uentriculo faciunt, & ob dragaganti lentorem simplicium uis seruatur, quod aquæ facere non possunt, uel succi. Tamen à pharmacopolis in præsentiarum maior pars pilularum ex melle rosato conficitur, quod, ut in omnibus non probo, ita non improbo: hæc compositio ratione aloes bilem educit, & pituitā, ratione diagridij bilem, & hoc facit à remotis partibus: unde & à capite educunt, atque iuncturis. S E.

Ab alijs igitur mēbris, quàm à capite educere possunt? B R A. Quis ambigit? uentriculum purgant, & bilem ab omni corporis parte tam superna, quàm inferna educunt, renes, & iecur expurgant, ac obstructos aperiunt, & si qui frigidi humores in uentriculo scotoadimiam fecerint, eos educunt, & hominem à tali affectione liberant, coctionem adiuvant, frigidos humores expellentes, qui illam impediabant, & uentriculum unà calefa-

H iij ciunt



ciunt, colocynthis pituitam educit, & glutinosos humores, quos à remotis partibus trahit: rosæ etiam humores aquosos educunt, & reprimunt uim fortium medicamentorum. Anisum, fœniculi, crocus, mastiche corporis membra roborant, uimque demūt fortioribus medicamentis, & anisum, ac fœniculi flatu exoluunt, atque expellunt. Nihil in ipsis adest, quod propriè atrabilem reprimat, uel educat. S E. Cur dicunt has pilulas potius à capite educere, quàm ab alijs partibus?

BRA. Imò & ab alijs partibus educunt ratione colocynthis & diagridij: tamē facilius est à capite educere, quàm ab alijs partibus, à iecore, & uentriculo remotioribus, & hoc est ob situm: nam materiæ facilius descendunt, & medicamentorum uapores facilius ascendant. S E. Cur hæ potius uesperis dantur cum mulsa, aut cū uino? BRA. Supponit hic author, quòd propriè purgant caput, illa uerò medicamenta, quæ caput purgant, solent post cenam à recentibus exhiberi, ut medicamentorum uis à uaporibus ciborum in caput deferatur: nihil uerò est, quod magis petat caput uino, uel rara sunt: propterea cum uino exhibetur, uel cum mulsa: quia & ipsa aliquo modo uaporosa est: tamen & illa, quæ pro capite dantur, ieiuno, atq; uacuo stomacho dari possunt. Nobis enim magis placet, ut summo mane accipiantur, & is, qui accepit unius horæ spacio dormiat, adeò, ut in actum redigantur. Nos his pilulis utimur pro medicamento, quandoque in materia turgida, & mirè conferunt, nihilque refert, uel ex uino accipiatur, uel



tur, uel ex mulsa, uel simpliciter transglutiantur: hoc autem tertio modo diutius in uentriculo moratur, quā si liquidæ rei mixtæ sint, cum ex liquore facilius, & breuius à uentriculo auferatur. In summa uerò hæc catapotia sunt ualde utilia, & excellentia, quibus si non nihil addatur, quod uim habeat educendi atram bilem, ad omnes humores, & ad omnia corporis mēbra erūt & aptissima, & facillima.

S E. Pilulæ Cochleæ huc ueniunt consyderandæ.

B R A. In his pilulis obseruauī longè diuersos esse pharmacopolas. S E. Propter quid diuersos? & in qua re? B R A. Et in pondere, & in ipsis simplicibus. S E. Ego semper compositionem illam parauī, quæ apud rasū est in septimo ad Almanforem, ubi de emicranca agit, atque cephalea. B R A. Quenam est hæc compositio? S E. Nunc referam.

℞ Pulueris picræ ʒ. x.  
Colocynthidis ʒ. iij. & tertiam.  
Scammonij ʒ. ij. .s.  
Turbit ʒ. ana ʒ. v.  
Stœchados ʒ. ana ʒ. v.

Misce & fiant pilulæ ex his, & sint doses decem.

B R A. Ex his nō habetur ex quo liquore, uel ex quo eclegmate conficiantur. S E. Quia hoc non magnificat. B R A. Id etiam ualde obscurum mihi uidetur, & sunt doses decem. S E. Hoc ita intelligo conficienda esse catapotia in modum ciceris, & dosim esse decem.

B R A. Puto decem in pondere esse drachmam unam, uel etiam

Cochleæ



ANT. MVSAB BRA.

uel etiam excedere, de his uerò catapotijs, nūquam excedere drachmam. Tamen scito, & hoc catapotiorum genus esse ualde incorrectum, & tormina in toto uentre inferiori progignere: propterea eo raro, uel nunquam utor: sed omnes Ferrariæ hanc compositionem non sequuntur: nam multi Nicolai compositionem conficiunt. S E. Nos semper hanc paratam seruauimus: illa uerò Nicolai quæ nam est? BRA. Hæc, quam dicit esse Galeni compositionem, & probatam ad emioraneam, dolorem stomachi, & Ilij.

℞ Aloes	}	æquale pōdus.
Absynthij		
Pulpæ colocynthidis		
Scamonij		

Masticis dimidium unius prædictorum

Confice cum succo sceniculi, uel absynthij, uel solatri, & fac pilulas, dentur secundum quantitatem uirtutis, hoc mirum uidetur dicere sceniculi, absynthij, uel solatri: nam hoc est, ac si dictum sit, conficere cum calida re, uel cum frigida: sed simpliciter uel frigidam accipere debuisset, ut calida simplicia quodammodo temperaret, uel sola calida numerare debuisset, ut uentriculus ex ipsis roboraretur, hæc est illa cochiarum compositio, quam multi parant ex Nicolao, quamuis alij Nicolaum referant: tamen diuersam compositionem in pondere sequuntur. S E. Quam? BRA. Hanc, quæ sequitur.

℞ Aloes

Scamonij



Scamonij præparati } ana ʒ. ij.  
 Absynthij }  
 Masticeis }  
 Colocynthidis ʒ. v.

Conficiuntur cum succo absynthij. S E. Videntur etiā differre in simplicibus, & non in solo pondere: nempe hieram non accipiunt, neque turbith. B R A. Mesue ipse in eo capite, in quo agit de soda frigida, descriptio nem quandam habere uidetur pilularum, quas ipse cochias uocari dicit à Mahumeth filio Zachariæ: sed à Mesue eodem loco unum dicitur, quod non parum absurdum uidetur, scilicet ipsas esse in uirtute hieræ & hieræ nobilitatem habere. Verum illis consyderatis neque uirtutem hieræ, neque nobilitatem habent (intelligo semper cū simpliciter ab his authoribus hiera dicitur, illam simplicem uulgatam Galeni hieram) equidem dici posset habere uirtutem hieræ, idest sacri medicamenti ad euacuandas materias, quæ in capite sunt, constat uerò esse uehementissimas pilulas, & parum correctas, quæ tormina pariunt. S E. In quo differt hæc compositio ab illa rasis, quā nos paratam seruamus? B R A. In pondere, ut percipio, & enim hæc est Mesuæ compositio.

℞ Pulueris hieræ ʒ. xx.  
 Interioris colocynthidis ʒ. vi. .s.  
 In alio codice habetur.  
 Trochiscorum alandaal ʒ. viij.  
 Scamonij cocti in citonio ʒ. v.  
 Stæchados



ANT. MVSÆ BRA.

Stœchados }  
Turbith } ana 3. x.

Fiant pilulæ, quarū dos̄is sit à 3. ij. usque ad 3. duas. f.  
S B. Hæc dos̄is est nimis ampla. BRA. Imò & quæ  
præter tormina alui profluuiū inducere posset drach=  
ma sola satis est, hæ pilulæ sunt nimis uehementes, &  
non correctæ: nā sola hiera, & stœchas tanta nō sunt,  
ut colocynthidis scāmōnij, & turbith uim confringere  
possint: nec refert quòd trochisci alandaal colocynthi=  
dis loco accipiantur, & scāmōnium in citonio decoctū  
sit, quoniam adhuc uis quædam uenenosa in ipsis serua  
tur, & nihil adest, quod turbith medicamentosam uim  
reprimat. In illis idem intelligo, quas ex nono rasis ad  
Almansorem adduxisti: nam & illæ tormina faciunt,  
atque peruersionem. Non deest apud eundem Mesue  
alia compositio, cū agit de soda frigida ex aggrega  
tione cholæræ, & phlegmatis, quam Galeno attribuit,  
& eadem est cum illa Nicolai, in mastiches pondere so  
lum differens, quia Nicolaus ponit dimidium, Mesue  
æquale pondus. Ita enim dicit Mesue: Galeni confectio  
pilularum cochiarum conferentium sodæ permixtæ, et  
mundificantium stomachū, et caput, & instrumēta uisus.

℞ Aloes  
Scāmōnij cocti in cydonio  
Interioris colocynthidis  
Masticis  
Absynthij

} ana partes  
æquales

Confice cum expressione solatri, uel endiuia, dos̄is earum est



rum est a. 3. I. usque ad. 3. I. f. S E. Cum apud te correctæ nō sint, possunt ne corrigi? B R A. Ecquis ambigit? S E. Quomodo? B R A. Gummi genera ad-dentes, gingiber, rosas, & illa, quæ reprimunt uim fortium medicamentorum. S E. Nisi graue tibi sit, hanc cōpositionē, ut tibi uidetur, moderatam in ordinem dis-spone. B R A. Hunc laborem non recuso, cum uerò maior pharmacopolarum pars rasis cochias paratas seruent, illas in ordinem disponemus, atque emendabi-mus. Illas igitur in hunc modum cōficiendas uoluerim.

℞ Pulueris hieræ picræ	3.	x.
Colocynthidis	3.	iiij. f.
Scammonij	3.	ij. f.
Turbith	3.	.f.
Bdelij	}	ana 3. I.
Stœchados		
Mastiches		
Dauci		
Galangæ		
Seminis fœniculi		
Gingiberis	}	
Gummi arabici		

Misce, & ex melle rosato conformetur globus, ex quo deinde conficiantur pilulæ, quarū dosis est ab. 3. I. usq; ad. 3. iiij. S E. Putas ne a capite educere, si ita confectæ sint? B R A. Quidni? nam à longinquiorebus corporis partibus trahunt colocynthidis, scāmonium, & turbith. S E. Vbi reperiuntur compositiones istæ, & Nicolai



ANT. MVSABRA.

¶ Nicolai, ¶ Mesuæ apud Galenum? Adde ¶ serapio  
nem pilulas quasdam cochias referre ex Galeno. S E.  
Quales nam? BRA. Illas Mesuæ, ut uideo: Nā dicit  
pilulæ Galeni, quæ nominantur cochia.

Colocynthidis	} partes æquales
Mastiches	
Aloes	
Absynthij, uel eius succi	
Scamonij	

Confice cum aqua solatri, dosis est. ʒ. i. S E. Neces-  
sarium est igitur, ut ex aliquo Galeni lib. acceptæ sint.  
BRA. Nunquam apud Galenum de his pilulis factā  
mentionem inuenire potuimus, fortè hi authores librū  
aliquem Galeno adscriptum habuere, è quo hæc cōpo-  
positio accepta est, sicuti in præsentiarum libellus qui-  
dam circumfertur inscriptus Galeni receptarium, cum  
tamen Galeni non sit, imò quāmplures uanissimas com-  
positiones continet. S E. Vnde nomen sortitæ sunt  
hæ pilulæ? BRA. Recentiores inquirunt à coccos di-  
ci, quod græce significat caput, quoniam caput mirifi-  
cè expurgant: sed unde hoc acceperint, ignoramus. Nā  
coccos apud Græcos, ¶ coccum significat, ¶ granū.  
Ita fortè dictæ sunt, quia in granorum ciceris modum  
conformari debent, uel per excellentiam dicuntur co-  
chia, quasi pilulæ, quia Græci uocant pilulas κατὰ πό-  
τιον ¶ κόκκους. Tunc uerò per duplex cc scribendæ  
sunt, ¶ absque aspiratione. Scito autem hanc compo-  
sitionem hieram picram recipere, quæ pituitam, ¶ bi-  
lem educit,



lem educit: sed à propinquis partibus, colocynthidem uerò recipit, quæ & pituitam, & crassos humores, ac glutinosos à remotis partibus conuehit, & scamoniũ bilem flauam. Turbith uerò à remotis partibus crassos etiam humores ducit, atque pituitosos, stæchas tantũ inodo agitur ex his, quæ uim habent fortioribus medicamentis frena imponere. Tamen & atram bilem, ac pituitam commouere, atque educere creditur. Nos rarissimè his catapotijs utimur: & deinceps nunquam utar, nisi præscripto modo paratas seruaueris. S E. Audiui nonnullos, qui palam profitebantur hanc rasis compositionem à Galeni fonte emanasse. B R A. Longè decipiuntur, cum quia apud Galenum nusquam reperitur, tum quia Galenus non nouit turbith, saltem solo hoc ipso nomine. De his uerò satis dicta sint.

S E. Aggregatiuæ pilulæ amplius differre nõ possunt: sed huc cito pede currunt. B R A. Cum plures sint aggregatiuarum pilularum compositiones id primò abs te petere decreuimus, ut illam dicas, quam sequeris, & paratam seruas. S E. Tres sunt apud Mesuen sub hoc nomine aggregatiuũ compositiones, quarum una dicitur pilulæ aggregatiuæ ex inuentione nostra, hanc seruo paratã. Maiores uerò, & minores nuncupatæ aggregatiuæ in usu nõ sunt. B R A. Imò non pauci pharmacopole & Ferrariæ, & Venetijs, & Romæ, & Neapoli maioribus aggregatiuis utuntur, & paratas seruant. S E. Tu uerò quas ceteris præfers? B R A. Maiores non despicio: sed ipsis illas præfero, quæ

Aggre=  
gatiuæ



ANT. MVSÆ BRA.

quæ ex inuentione Mesuæ dicuntur, & quas tu parare consueuisti. Nam humores omnes prauos educunt, & antiquis febribus conferunt, & his quæ ex diuersis humoribus progignuntur, omnibus capitis ægreditudinibus, uentriculi, iecoris, & in summa omnium membrorum conducunt, ut hinc meritò aggregatiuarum nomen sortitæ sint: tum quia uniuscuiusque generis prauos humores educunt, tum quia ab omnibus membris, tum quia omni ægreditudini conferunt, plerunque ad nos rustici accedunt, pro suis ægris medicamenta purgantia expectantes: tamen adeò ignari sunt, ut nec morbum, nec symptoma unum referre sciant, ut opus sit medicum uaticinari. In hoc casu plerunque indico, ut has pilulas accipiant: nempe omni ægreditudini conueniunt, ab omni membro educunt, & cuiusuis generis prauos humores. Tu uerò earum compositionem in ordinem referas. S E. Id lubenter efficiam.

℞ Myrobalanorū citrinorū	}	ana. 3. iiij.
Raued sceni		
Succi eupatorii	}	ana 3. ij.
Succi absynthij		
Scammonij cocti in cydonio		3. v.
Chebulatorum	}	ana. 3. ij.
Indorum		
Agarici		
Colocynthidis		
Polypodij		

Turbith



Turbith	}	ana. 3. vi.
Aloes		
Mastiches	}	ana 3. I.
Rosarum		
Salis gemæ		
Epithymi		
Anisforum		
Gingiberis		

Electuarij rosarum quantum sufficit ad aggregationē  
 fiant pilulæ crassæ, dosi. 3. I. uel. 3. I. s. B R A. Hæc  
 catapotia multis nobilitate præferuntur, & optimè  
 emendatæ sunt: nā absque difficultate educunt, & absq;  
 torminibus, si ea cōsyderare tentes, simplicia recipiūt,  
 quæ omne genus humoris educere possunt, & ab omni  
 corporis parte, tam lōginqua, quàm proxima, nullūm=  
 que recipit simplex catharticum, cui illa, quæ suā uim  
 corrigunt, non addantur. Nota uerò succos illos,  
 qui compositionem ingrediuntur esse integrè exco=  
 quendos, & depurandos, alioqui compositione citò mu=  
 cidam redderent, imò ocysimè, nisi esset electuarium ro=  
 satum. S E. Si hyeme compositionē istam parare uo=  
 luerim, de succis quomodo efficiam? B R A. Absyn=  
 thij succus & in profunda hyeme haberi potest. Si au=  
 tem succum illum integræ absynthij ætatis habere stu=  
 deas, qui in mense Maij exprimi potest, eo tempore ab=  
 synthium tere, & in torculari exprime per linteum,  
 itaque expressum serua, aliter non depurando, seruandi  
 uerò modus est succum in uesticam condere, & soli ex=  
 I ponere



ponere: nam si depurare uolueris, ut solæ tenuēs partes, & aqueæ permaneant, à solaribus radijs aquositas illa tenuis dissolueretur, & euanesceret, quod contingere non potest, si crassum simul, & tenue mixta sint, & si tibi uestica non placuerit, serua in phiala, uel in uitreo uase: tamen & hic succus excoqui posset, & depurari, & ita seruari. At si copiam harum pilularum in mense Maij parare tentes, quæ tuæ officinæ per annum satis sit, recentes succos bene depura, ne confectus globus mucidus fiat. Ita uerò compositio deducenda est, omnia prius in puluerem redigenda sunt, quibus datū est in puluerem redigi, & in puluerem tenuissimum, idque effeceris & in colocynthide & in turbith, deinde omnia cum succis bene commisce, denique cum ex succis omnia in unum corpus redigi non possint, adde electuarium rosatum, ex quo et pulueribus, ac succis globum conficito, quē ad usus seruare oportet. S E. Nōnulli sunt, qui has pilulas conformant ex electuario de succo rosarum, alij ex melle rosato. B R A. Hi omnes errant, sed illi minus, qui ex electuario de succo rosarū conficiunt. Etenim aliās à nobis dictum est, quando in compositis Mesuæ medicamentis aliqua compositio recipitur, quæ diuerso modo ab authoribus fiat, semper illa accipi debet, quæ à Mesuæ edocetur, unde & huius generis pilulæ ex electuario rosato Mesuæ confici debent. S E. Nōne intelligis per electuarium rosatum Mesuæ, id quod ab eodem authore ita conficitur?

R. Succo rosarum rub. cōpletarum lib. .iiij.

Zucchari



Zucchari tabarzet lib. I. f.

Tereniabin puri & recentis ℥. vi.

Scammonij ℥. I. f.

Coquantur omnia cum facilitate super ignem, qui sit, sicut candelæ, quousque habeat spissitudinem mellis, deinde eijce super illud.

Trochiscorum de spodio ℥. I.

Galliæ

Croci } ana ℥. ij.

Trochiscorum de berberis ℥. iiij.

Repone in uas uitreum.

B R A. Hoc intelligo. S E. Semper in mea officina habui has pilulas ex hoc electuario confectas.

B R A. Et id conuenit, nescimusque ob quam causam alij pharmacopolæ rem aliam accipiant, quam à Mesue dictum sit. S E. Arbitror causam esse auaritiam ipsam, quando ob impensam muscatam galliam parare nolunt. B R A. Quid hoc ad eos? ægri iuste persoluant medicamenta, ipsique sint perfecte concinnata, & nihil in ipsis desit. In his igitur pilulis electuarium rosatum Mesuæ accipiatur, & non illud Nicolai, suntque talis generis, ut diu perdurare possint: nam electuarium rosatum recipiunt, quod diu perdurare potest: nam glutinosum quodam modo est, & uim simplicium in puluerem redactorum seruare potest. Ferrariæ igitur maior pharmacopolarum pars has ex Mesuæ inuentione conficit. Tamen aliqui & multo plures in alijs Italiæ urbibus maiores conficiunt, & potissimum Alexandriæ

I ij Longo=



ANT. MVSÆ BRA.

Longobardiæ, inò plures medici maiores probarunt,  
cuius descriptio est hæc apud Mesuen

℞ Bdelij	
Myrobalanorum citrinorū	} ana 3. iiij.
Emblicorum	
Turbith	3. xiiij.
Seminis apij	} ana 3. I.
Fœniculi	
Anisi	
Carni	
Ameos	
Origani	
Rosarum	
Setargi Indi	
Harmel	
Hermodactylorum	
Salis Indi	} ana 3. .s.
Masticis	
Armoniaci	
Cinamomi	
Cardamomi	
Acori	
Spicæ	
Croci	
Cassie	
Serapini	3. iiij.
Colocynthidis.	3. iiij. arbitror legendū. 3. iiij.
Penidiarum alborum	3. iiij.

Aloes



Aloes 3. xv.

Confice cum succo caulium, & unge manus tuas cum oleo sambucino. S E. Ob quid inungunt manus, ex hoc oleo sambucino? B R A. Huius rei certa ratio non habetur, ex hoc oleo fortè inungūt, quia & ipsam uim habet educendi per inferna. S E. Videtur & hæc optima esse compositio. B R A. Neque illam despiciamus: ueruntamen præscripta longè efficacior est, quam Mesue inuenit, & potius iure ipso compositio aggregatiua nuncupanda est, quàm ista: nempe plures humores euacuat, & plura simplicia exoluentia recipit, imò in ista nihil adest, quod bilem simpliciter educat, sicuti in illa Mesue scammoniū, in hac etiā maiorum compositione solum adsunt nigri myrobalani, qui atram bilem educere ualent. In illa autem Mesue compositione recipiuntur polypodium, & epithymus, nec ad omnes ægritudines conuenire possunt maiores, imò & ipse Mesue inquit hanc compositionem ad humores crassos conuenire, & glutinosos, & inflationem in myrach, et stomacho, & hemorrhoidas soluunt, & ualent ad dolorem iuncturarum, & ischiam, & choleram, & podagram ex phlegmate: unde liquido uides maiores aggregatiuas crassos humores potius educere, quàm tennes. Propterea morbis conueniunt ex crassis humoribus potius, quàm ex tenuibus, quàmuis recipiant aloem. Verum illæ, quæ sunt ex inuentione Mesue omnia humorum genera educunt. S E. Videntur multo plura simplicia ingredi has maiores, quàm illas Mesue.

I iij B R A.



ANT: MVS AE BRA.

BRA. Quid hoc ad rem facit? nam simplicium multitudo compositionem aliquam potiorē nō facit: præterea aggregatiuæ maiores recipiunt. 27. simplicia et illæ Mesuæ decem, & octo, postea recipiunt electuariū rosatum, quod ex nouem simplicibus conficitur, inter quæ adest gallia moscata, quæ & ipsa multa recipit, & trochisci de spodio, & trochisci de berberis: unde si ex simplicium numero compositiones probare uoluerimus, multo plura sunt in aggregatiuis Mesuæ simplicia, quā in maioribus. Non est simpliciū numerus, qui peiorē uel ineptiorē faciat compositionem, sed est perfecta compositio, & per componendi regulas apte disposita, & quæ cathartica recipiat bene moderata, qualis est illa Mesuæ cōpositio præscripta. SE. Pauca est electuarij rosati quantitas, quæ has pilulas ingreditur. BRA. Quomodo pauca? nunquam fiunt, quin huius compositionis quatuor uncias ferē recipiant: tamen quia medicorum opiniones, imò quorundam ceruicositates adeò in eorum animis fixæ sunt, ut etiam si edoceantur addiscere nolint: propterea quia maiores aggregatiuas absque ratione magis probāt, magis probent, eis utantur, & tali gaudeant compositione: uerū cum ex succo caulium conficiantur, diu perdurare non possunt. Nam simplicium uis non seruatur, quāuis penidia ingrediantur: nam totius compositionis respectu in modica sunt quantitate: nempe quatuor drachmæ, imò nisi caulis succus bene coquatur, & depuretur, cito mucescent. SE. In hac tamen compositione multa sunt,



sunt, quæ discussione indigere uidentur. B R A. Quæ  
nam hæc? S E. Primum est inquirere quid sit, Satara  
gi. B R A. Hoc nomen uario modo scriptum inueni=  
mus, quandoque Sataragi, aliàs Sceitaragi, nōnunquam  
Setaragi. Tamen eadē herba semper intelligitur? S E.  
Quo nomine uti debemus? B R A. In his Barbaris no  
minibus semper utor magis Barbaro, & quod uehemē=  
torem clāgorem excitare uidetur. Ad rem ipsam rede  
untes, si Dioscoridis lepidion contemplemur, constabit  
statim esse Arabum Sceitaragi. Nam Sarapio de Sceita  
ragi agens, Dioscoridem ita dicentem citat, est plan=  
ta nota, & administratur cum aqua, lacte, & sale, &  
uirtus foliorum eius est calida, ulceratiua, & propter  
hoc fit emplastrum cum eis sciaticæ, & pungit multū,  
quando teritur, & miscetur, cum radice enulæ, & di=  
mittitur super locum spatio unius horæ, & similiter  
ponitur super splenem, & linitur scabies ulcerosa cum  
ea, & aufert eam, & delet maculas unguiū, & confert  
baras, & dolori sciæ: & quidam putauerunt, quod ra  
dix sceitaragi suspēdatur in collo habentis dolorē den=  
tium, & sedat illum, hæc serapio. Dioscoridi modo au  
rem præsta, qui ita de lepidio uerba facit: lepidion  
quod nonnulli gingidium uocant, perspicua omnibus  
plantula est, coniectum in murias lactis inueteratur. fo  
liorum natura exulceratrix, & aspera est, per hoc is=  
chiadicis illinūtur mirabili effectū, trita cū radice en=  
ulæ, impositaque ita, uti post quartam horæ partem  
soluantur pariter & ad spleneticos adhibentur, lepras

I iiij emendat



emendat eadem, radix dentium dolorē adaligata collo  
compescit. Id igitur quod serapio de sceitaragi dixit,  
idem esse cum his, quæ à Dioscoride de lepidio scripta  
sunt, constat: tamen spatio quartæ horæ partis appli-  
cat Dioscorides, & serapio integræ horæ. Adducit &  
serapio Galenum de sceitaragi: tamē à Galeno illa di-  
cuntur in lepidio. En serapio dicit: inquit enim uirtus  
eius, & sapor, & odor sunt similia uirtuti, sapor, &  
odori nasturtij: nisi quia est minus desiccantium ipso,  
& calefacit in quarto gradu: Galenus uerò de lepidio  
in septimo de simplicium medicamentorum facultatibus  
libro ita differit, lepidiō ex quarto est ordine calefa-  
cientium, simile nasturtio, tum odore, tum gustu, tum  
uiribus, sed minus eo desiccatur. Ex his igitur facile su-  
mi potest Arabum sceitaragi esse lepidion Græcorum.

S E. Hoc equidem constat si Serapionem contemple-  
mur. At si Auicenam in secūdo canone legamus ubi in-  
quit, sceitaragi est frusta ligni parua, subtilia, & corti-  
ces sicuti Caryophyli, alia res apud ipsum esse uidetur  
quàm Lepidion. B R A. Auicena equidem nescio quid  
aliud in principio illius capituli uelle uidetur, mox in  
processu in Dioscoridis lepidion, atque Græcorum in-  
cidit, tu considera quibus proficiat secundum Auicena, quo tamē quàmplura corrigenda sunt: nam cum dicit,  
assimilatur enim eius sapor, & odor cordumeni, & si-  
militer uirtus eius, lege, ut facit Galenus nasturtio, &  
nō cordumeni, uel cardamo, & quod legitur apud Aui-  
cenam suspenditur eius radix super aurem eius qui ha-  
bet dolo-



bet dolorē uesticæ, lege, ut Dyoscorides, suspēditur eius radix collo eius qui habet dolorē dentiū. S E. Optarim scire quid sit hoc Lepidion re, & non nomine: nā idem est apud me audire lepidion, & sceitaragi nisi herbam ipsam ad oculum nouerim. B R A. Et ego illam tibi ostendere curabo, uerum eamus ad Diuæ Claræ religiofas, quas corporis Christi sorores uocant. S E.

Fortē lepidion religiosum est. B R A. Non quidem religiosum: sed in religiosarum uiridario nascens, multi putarunt herbam, quæ uulgò raphanus dicitur lepidion esse, & inter alios Hermolaus Barbarus: uerum, (ut arbitror) decipiuntur: nam lepidiō lauri folijs describitur, Raphanus uerò rumicis folia potius habet.

S E. Si lepidion sit Arabū sceitaragi, Auicena sceitaragi folia similia facit Nasturtio, quomodo igitur lauri folia habebit? B R A. Inconstantissimus est, & cōfususissimus in eo capite Auicena: nam de quatuor rebus simul agit. S E. Quonam modo hoc fieri potuit?

B R A. Quomodo factum sit ignoramus, ita uerò fecisse cōstat: nam primo de sceitaragi indo uerba facit, quod est (ut inquit) frusta ligni parua, subtilia, & cortices sicuti Caryophyli, & de hoc fortē ista Mesuæ cōpositio intelligit, quando dicit sceitaragi indi: secundo de fructu quodam agit, quod inquit declinare ad rubedinem, & nigredinem: tertio de duabus herbis simul loquitur, de una, quam exprimit, & describit inquit, oriri in parietibus antiquis, & ubi non mingitur, & habet folia sicuti sunt folia nasturtij. Deinde est ualde confusus



confusus: nam ipsum etiam comparat folijs cordumeni  
 uel melius cardami: denique huius herbæ uires prose=  
 quens, lepidij Dioscoridis uires affert: ut hinc uidere  
 possis quanta sit in uno capite apud Auicenam authorē  
 confusio, quam ab ipsis librarijs factam esse censi po=  
 test, qui in ordinem capituli posuerint, & illa quæ erāt  
 tanquam glossemata, & illa quæ erant in margine, ad  
 illum locum etiam non spectantia. S E. Quid igitur  
 illud est, quod habet folia nasturtij? BRA. Hiberis  
 Dioscoridis, de qua & ipse ita dicit. Hiberis siue car=  
 damantice, (quamuis nonnulli uerò καρδαμαντιν sed  
 καρδαμίν legendum censuerint, à quibus nō dissensio,  
 & si in omnibus Græcis codicibus καρδαμαντιν lega=  
 tur, de qua re aliās) foliū habet nasturtij, floret semper:  
 sed uere magis amplitudine sexquipedis, aut etiam mi=  
 nore, nascitur locis incultis, luteum florem æstate fun=  
 dit, quo tēpore efficacior quoque habetur. Confundit  
 igitur hoc loco Auicena hiberim cū lepidio, & Diosco=  
 rides sua lingua illud nō habet in hiberide, floret sem=  
 per, sed habet, ἐνβαλέστερα, ita uerò ab Hermolaouerti=  
 tur, qui ex Plinio accepit lib. 25. cap. 8. ut ferè semper  
 facit. S E. Ad lepidion redeūtes quomodo à Diosco=  
 ride pingitur? BRA. Dioscorides lepidion non pin=  
 git: sed notam herbā esse dicit. S E. Mihi uerò igno=  
 tissima est. BRA. Non erit semper ignota: nam à  
 Paulo, & Plinio describitur. S E. Nos Paulum legi=  
 mus septimo libro: tamen nec ipse describit. BRA.  
 Id incidenter facit, tertio libro cap. 77. cum de coxen  
 dicis



dicis affectibus, & curationibus loquitur, nec differentiam facere uidetur, nisi quo ad nomē inter hiberidem, lepidion, & agriocardamon: neque Galenus differentiam facere uidetur, inter lepidion, & hiberidē, nisi uelint hiberim etiā esse nomen lepidij: tamen hiberim Dioscoridis esse aliam herbam, de qua nullam mentionem fecerit Galenuus, Paulus, & Aetius. S E. Intueamur igitur lepidij effigiem. B R A. De lepidio ita differit Paulus, quæ uerò apud nos nascitur fruticosa est, folia lauri comparia, & multo maiora possidens: hæc Paulus. Plinius uerò lib. decimo nono cap. 8. prope finem, inquit, exire in cubitalem altitudinem, folijs laurinis: sed mollibus, ut accipere possis Paulum dicere maioribus, Plinium mollibus: utrumque uerum est, propterea si coniungantur, dici poterit maioribus, & mollibus: tamen nō sunt adeò molles dum ueterascunt. S E. Nō dum herbam ipsam uisu noui. B R A. En harum Religiosarum claustra ingrediar, & ad te afferam: nā ipsæ ex hac herba optimos intinctus parare solent. S E. Possum ne ego ingredi? B R A. Non licet. S E. Si tu qui uigens ætate es, ingrederis, cur ego qui senio iā sum confectus, ingredi non possum? B R A. Aetas ipsa hæc claustra ingredi non facit: sed ars ipsa, & necessitas. S E. Cito expedias. B R A. Nōne citius quàm putasses ad te redij, en hoc est antiquorum lepidion. S E. Ego putabam esse piperitim, & illam, quæ à Plinio siliquastrum uocatur. B R A. Ita à multis putatur, & ego aliquando aliās hanc sententiam sequutus sum.



tus sum. Nunc uel meliore, uel peiore demone ductus sententiam mutauī, & hanc esse puto lepidion. En cubitalem altitudinem habet, & paulo maiorem in ista, in hac minore, folia sunt in modū lauri, hæc latiora, hæc minus lata, hæc æqualia, uide mollitiē in his folijs minoribus, in his antiquioribus non est tanta. S E. Cur hæc folia sunt laurinis folijs minora. BRA. Non dum sunt adulta: sed in adolescentia adhuc crescunt, cū ad summum creuerint, erunt laurinis folijs maiora, ij etiam, qui uolunt raphanum uulgo uocatum esse lepidion dicunt, cum ē terra exit, folia lauro similia mittere: postea crescere. At mentiuntur: nam & cum raphanus ē terra erumpit, folia habet lauro dissimilia, imò rumicem semper representat, & folia exeunt ab radice, nec crescit in cubitalem altitudinem, scapus aliquis unde inferre uolumus uocatam à nobis piperitim, uel peuerella esse antiquorum lepidion, & nunc hæc religio: sæ iuxta terram præcidere: postea iterum crescet et futuro anno flores, & semina pariet. S E. Quid ergo erit uera piperitis, & siliquastrum, si ea non sit, quam in præsentiarum ostendis: & quæ uulgò à sapore, quem habet peuerella dicitur? BRA. De hac herba anceps sum, cæpique nunc primum suspicari, an hæc herba, quæ passim Ferrariæ in fictilibus supra fenestras uiret hispanum piper nominata sit, Plinij, & antiquorum piperitis, quæ siliquastrum dicta sit, quoniam semina in oblongas siliquas, & rotundas contineat: nam lauri folia habet paulo maiora, molliorâque ( & si solatrum  
etiam



etiam imitari uideatur) caulem habet rubrum cum uetere  
rascit, & longum, prius uero, quam ueterascat uiride  
est: Densos habet geniculos, & semen album, tenue, gu=  
stu piperis, imò piper excellere uidetur, si etiam experi=  
ri tentes ad eadem ualere comperies, atque piperitis:  
sed unum esset admiratione dignum, apud authores nul=  
lam de folliculo illo, in quo semina conduntur, mentio=  
nem esse factam, forte authores de folliculo illo, aut si=  
liqua mentionem non faciunt, quia ab eo nomen acqui=  
siuit, scilicet siliquastrum: unde hoc omittunt, uelut ex  
ipso nomine manifestum, cum in reliquis conueniant,  
hæc uero per suspicionem dicta sint, & potius ad rem  
herbariam ampliandam, quam ut id ceruicose sentire  
uelimus: nam in simplicium examine hydropiper esse  
susplicabamur, & uocatam persicariam esse Plinij sili=  
quastrum, & piperitim, ut dicamus Plinium idem intel=  
ligere per lepidion, siliquastrum, & piperitim: tamen  
in diuersis locis hæc posuit, ueluti ea, quæ diuersis no=  
minibus appellarentur, re uero diuersa non essent, ut  
etiam de dasypode facit, atque lepore: constat enim non  
esse aliud dasypodem à lepore, quamuis apud Aristote=  
lem inter dasypodem, & leporem differentia poni ui=  
deatur, & Theodorus uir egregius dasypodem cuni=  
culum interpretetur. S E. Cum superius de hiberide  
mentionem feceris, abs te scire optarem, quænam her=  
ba sit, & unde dicatur hyberis. B R A. Marcellus un=  
de dicatur nescire arbitratus est, uidetur ab iberia in  
qua potissimum crescit, nomen sortita esse, quod si sit,  
absque



absque aspiratione proferri debet. Iberis, hæc est illa herba, de qua tuus Auicena, simul cum lepidio confundens dicit nasci prope antiquos parietes, ubi non minigitur, & habere nasturtij folium, ac saporem, & Dioscorides dicit habere folia nasturtij, & uerè esse pulchriorem, & nasci locis incultis, haberèque æstate florem lacteum, idest album, binis rabcibus nasturtio similibus. Plinius uerò libro. 25. cap. 8. inquit, nasci maximè circa uetera monumenta, parietinisque, & inculta itinerum, floret semper folio nasturtij, caule cubitali, semine tam paruo, ut uix aspici possit, radici odor nasturtij. S E. Ego hanc picturã consydero, sed quænam herba sit concipere nescio. B R A. Quid etiam in hac herba suspicer, aperire non negabo. Noscis ne herbam illam, quæ uulgò uincitoxicum à Ferrariensibus dicitur? S E. En hic est prope hunc antiquum parietem, Religiosarũ Diui Augustini. B R A. Illa equidem est, quæ, si folia incisa in morem nasturtij haberet, ab hac sententia non dimouerer, quin hanc hyberidem esse putarem: nam in reliquis ita hyberis est, ut nullus uel cæcus nō uideat. S E. Cum herba ipsa in promptu sit, notas omnes tum Dioscoridis, tum Plinij consyderemus. B R A. Vt lubet. S E. Semper floret, inquit, de sua hyberide loquentes prædicti authores. B R A. Et hæc uincitoxicum dicta semper floret, en ab hac parte semina decidere, hîc florere incipit, & hîc sunt calices qui desinēt in flores, inter quos alij citius, alij tardius floreunt, imò & hyeme non extinguitur, licet



licet frigoris in clementia decidant folia, uere est pulchra plāta, et sua folia sunt ἐνθαλέστερα, idest, pulchriora, quā cardami folia: nam plenius uirent, & maiorem quendam lētitiā praeferunt: nascitur incultis locis prope antiquos parietes, & sepulchra, & inculta itinerum, unam radicem habet, & quandoque duas. Dioscorides duas habere censet, ut plurimum uerò unā habet, caulis inest illi cubitalis, & semē adeo paruum, ut uix cōspici possit, radixque nasturtij odorem habet: propterea nisi esset folium, quod non est simile nasturtio, statim hyberin esse dicerem. S E. Mirum uidetur unum indicium posse tot alia corrūpere. B R A. Potest quidem cū indicium ex re ipsa fuerit, quale hoc ex extrinseca figura, uerum quid prohibet dicere, habere folia similia nasturtio, non his similia, quae prope radicem sunt, & infimis: sed superioribus quae nō sunt incisae. S E. Hyberis igitur erit nostrum uincitoxicum. B R A. Hoc non assero, sed subdubito, ut alios ad hanc rem consyderandam incitem, atque prouocem: nam & pulchrum est alios in certamen uocare, & ad res naturae speculandas inuitare, etiam si is, qui inuitat nihil probi, aut boni dixerit, modo id uerisimile sit, & aliquam habeat apparentiam, quod dixit. Nam exinde lector sedulus iter apertum uidens multa alia inuenire potest. Aliam herbam hīc Ferrariā habemus, quae & in antiquis parietibus, & circa antiqua sepulchra nascitur, ac solitaria loca, quae ut nasturtiū incisuras habet, & eius radix mansa adurit. S E. Quo nomine uulgò



uulgò dicitur? BRA. An uulgus aliquo nomine eā uocet ignoro: sed en hęc est herba. SE. Huius herbę Ferrarię copia habetur, plerunque illā uidi inter Diui Francisci ruinas, post magnum huius templi altare.

BRA. Et ego illam uidi Romę inter maiores Diui Petri ruinas. SB. Si radix linguam mordicet, illam esse putarim, quę à Dioscoride hyberis uocatur. BRA.

Gusta. SE. Imò & folia quodam modo mordicant: uerum in hac una solum est radix, non duę, ut hyberis habere debet. BRA. Et si Dioscorides hyberi binas radices attribuat nasturtio similes: tamen nasturtium unam habet radicem, quāuis nonnunquam in duas fibras dissecta sit. Ego in hanc magis inclinor, quod hyberis sit, quā in uincitoxicum, propter foliorum incisuras, quę huic herbę insunt, & uincitoxico nō insunt.

SE. Neque mordicat uincitoxicū. BRA. Imò mordicat, non interim dum manditur: sed posteaquā mansum est. Ad rem uerò longius intermissam redeunt colligendum est. In hac pilularum compositione pro sceitaragi Arabes lepidion intelligere: lepidion uerò illa herba esse uidetur, quā nostri peuerellam nuncupant. Verum hanc compositionem à principio consyderans concipere nescio quid in ipsa faciat, uel facere possit lepidion, quod potius humano corpori exterius applicatum apud authores inuenitur: nec potentiā habet reprimēdi uim fortium medicamentorē: tamen sceitaragi ad hanc uim reprimendam hūc ingreditur, rursus igitur compositionē consyderans cū à Mesue dicatur, sceitaragi



taragi Indi, suspicari cœpi id in præsentiarum debere  
intelligi, quod Auicena dicit esse frusta ligni exilia, &  
cortices sicuti Caryophyli, arbitramurque hæc tenuia  
ligna esse Galeni carpesium: nam ut ipse docet lib. pri-  
mo de antidotis, carpesium est tenues festuæ ramuscu-  
li cinamomi similes, quæ sunt similes secundum genus,  
uocat phu, & eius gustum habet, & quintus pro cinamo-  
mo carpesium sumebat, ut Galenus testatur: nam ab opti-  
ma cassia uiribus non dissidet. Arbitramur in hac cõpo-  
sitione sceitaragi Indi esse carpesium, cuius uis est for-  
tia medicamenta temperare, & non lepidij, & nisi addita  
esset illa particula Indi, lectionem corruptam esse putare,  
& ubi legitur sceitaragi legendum esse sceitarai, id est,  
fumiterræ, quoniam in hac compositione non adsunt ni-  
si Indi myrobalani, qui atræ bili aduersentur, & adu-  
stos humores expurgent. S E. Deinceps in hac compo-  
sitione fumariam herbam recipiam. B R A. Illam re-  
cipiendam suaderem: posteaquam carpesium abesse cer-  
tum sit. S E. Aliud etiam non mediocrem scrupum in  
hac compositione commouit. B R A. Quid hoc est?  
S E. Harmel. Nam multi pharmacopola pro har Harmel:  
mel cicutæ semina accipiunt. B R A. O uiri nephan-  
di, & execrabiles, uenenum præsentissimum recipiunt,  
pro re, quæ potius medicamenta frenare deberet. S E.  
Quid ergo sumendum est? B R A. Nomina corru-  
pta sunt, & ubi legitur harmel, uel absque aspiratione  
armel, legi debet armal, cum, a, & non cum, e, in ultima  
syllaba: est uero harmal rutæ genus syluestre, ita à sy-  
K ris nun-



ris nuncupatum, quàmuis Dioscorides dicat rutā montanam à Syris nominari armalaleu: sed ubi loquitur de tertio rutæ genere, quod uocat rutam Galaticam, dicit ab aliquibus uocari harmal., & syri nūcupant Bessafa, & hæc propriè illa est, de qua Arabes scripsere. SE. Quomodo hoc nosti? B R A. Ex ipsismet authoribus: nam serapionis uerba contemplatus capite. 285. ubi de harmel agit, eadem sunt cum his Dioscoridis in hoc tertio genere rutæ. Dicit enim serapio secundum Dioscoridem, harmel nominatur molij, & nominant eam multi rutam syluestrem, & est planta, quæ egreditur ab una radice cum multis ramulis, & habet folia longiora folijs rutæ alterius, & molliora habentia grauiorem odorem, & habet florem album, & capitella maiora satis, quàm capitella rutæ domesticæ, diuisa tribus diuisionibus, in quibus est semen, cuius color est ad rubedinem decliuus, habens tres angulos, amarum est, id quod de ipsa planta uenit in usum medicinæ, & ipsum maturatur & colligitur in autumnio. Audias modo Dioscoridē de Galatica ruta per hæc uerba diferentē: Quidam nomine syluestris rutæ, & eam quæ in capadocia nascitur, & Galaticā nuncupatam molij intelligunt. Frutex est ab radice una complures uirgas fundens folijs multo longioribus, & tenuioribus, quàm rutæ, graui odore, flos cādidus, in cacumine capitella paulo ampliora quam satiuæ diuise tripliciter parte plurima. In quibus semen triquetrum subruffum, & amarissimum sapore, cuius in medicina est usus, autūno maturefcit



turefcit ſemen, hinc igitur manifeſtè apparet tertiũ ru-  
tæ genus apud Dioſcoridem, quod ipſe uocat ſecundum  
aliquos harmala à ſerapione nuncupari harmel, quod  
autem ita ſit magis conformari poteſt ex his, quæ de  
remedijs ſecundum Dioſcoridem adducit ſerapio. Se-  
quitur enim quando conficitur cum melle, & uino, &  
felle galli, & croco, & ſucco fœniculi, confert debili-  
tati uiſus, ſpecies iſta rutæ uocatur à quibuſdā molij,  
& in ſyria nominatur uafach, & ortus eius eſt, ut plu-  
rimum in terra pingui bona, & culta, & humidis lo-  
cis: hæc ſerapio. In quibus uerbis ſunt aliqua corrupta  
nomina, in reliquis idem præciſè dicit, quod Dioſcori-  
rides, cum, inquit: conuenit quibus hebetes oculi ſubi-  
gendum cum melle, uino, felle gallinacei, ſucco fœniculi,  
atque croci, hoc genus herbæ aliqui haranla uocau-  
re, ſyrij beſſaſa: quod ſerapio corrupte dicit uafach,  
Cappadoces molij, quãdoquidem à uerò molij omnino  
non diſcrepat facies, radice uidelicet pulla & flore al-  
bo ( hoc à ſerapione poſitum non eſt ) colles amat, et  
pinguia, idem præterea ſuaderi poteſt, per illa, quæ ſe-  
rapio ex Galeno adducit: nam Galenum referens, in-  
quit, uirtus eius primo eſt calida in tertio gradu, ſe-  
cundo incidit, & tertio incidit humores groſſos, & ex-  
pellit eos per urinam. Galenus uerò ubi agit de mo-  
lij in ſeptimo de ſimplicium medicamentorum faculta-  
tibus lib. inquit: uis eius tenuium eſt partium, & cali-  
da in tertio ordine: unde & craſſos humores deficcet,  
ac digerit, & urinam mouet, ſcitóque apud Galenum

K ij non eſſe



non esse aliud molij, quàm istud, quàmuis Dioscorides aliud quoddam molij describat. Galenus de hac harma la duobus in locis mentionem facit, in libro de compositione medicamentorum secundum locos, primò in libro. 8. in stomatica illitione ex bessasa, idest semine rutæ syluestris secundum Andromachum, secūdò in libro 9. in secundo pharmaco ab Asclepiade conscripto in hydropse: dicitque syros uernacula lingua uocare harma rutam syluestrem. S E. Hæc omnia uerba sunt, & nugamenta, ostende mihi rutam hanc uocatam, harma, & harmel à serapione, & quam Auicena nō describit, sed dicit esse notam: cum tamen mihi ignotissima sit. B R A. Non possum hanc rutam in præsentiarum tibi ostendere: uiret tamen in Apenino prope Mutinam, & Regium lepidi. S E. A me igitur uel ab his qui hanc compositionem parant quid agendum? B R A. Rutæ syluestris semina accipienda sunt, & nō hortensis, & si hæc desint, satiuæ rutæ semina recipienda, quæ parum differunt à syluestris rutæ seminibus. S E. In hac tota compositione nihil aliud uideo quod ambiguitatem facere possit. B R A. Ut igitur receptui canamus, pro aggregatiuis pilulis illas Mesuæ semper parandas uoluerim, quas dicit esse ex inuentione sua, & iuberem ut electuarium rosatum Mesuæ acciperent, cuius magna quantitas compositionem ingreditur. S E. Quanta ingredi potest? B R A. Si succi sint aridi, quales uos seruare soletis, quatuor fere uncie huius electuarij ingrediuntur. Si uerò succi sint re  
centes



centes, ut semper optarim, duæ uncie satis sunt, & id electuarium ex gallia quæ muscata dicitur confectum sit, & quam Mesue & non Nicolaus parare docuit.

S E. Ab re fortè non erit, pilulas de serapino in De sera concionem uocare. B R A. Multas legi, & uarias pino. apud diuersos authores compositiones, quæ de serapino pilulæ nomē fortiebantur, & quæ longè differūt, uariòsque inueni pharmacopolas non solum diuersarū Italiæ urbium: sed unius Ferrariæ: nam aliqui primam Mesuæ compositionem de serapino ad usum seruāt, alij secundam: Tu quam seruas? S E. Secundam apud Mesuem. B R A. Hūc illam afferas. S E. Hæc est, quæ dicit ad iuncturarum dolorem ualere, atque ischiam, et podagram, & dolori matricis conferre, ac menstrua prorritare.

Rx Serapini

Amoniaci

Oppoponacis

Bdelij

Seminis apij

Anicos

Harmel

Anisforum

Acori

Sceitaragi Indi

Calamenti

Folij

Centaureæ

ana. 3. ij. .s.

ana 3. i.

ana 3. v.

K iij Polij



ANT. MVSAB BRA.

Polij		
Costi		
Salis gemmæ		
Aloes	3.	vi.
Colocynthidis	3.	V.


Fiant pilulæ, & administrentur. BRA. Nisi superius de sceitaragi, & harmel disputauissemus, nunc idē facere necessarium esset. Tu hanc secundam compositionem facis, sed multi primam potius approbant, & conficiunt. SE. A te peterem, quænam magis conueniēs sit? BRA. Hanc secundam probare nō desinam, quæ magis correctæ est, & moderata, quàm prima, nec est adeò uehemens: sed ex quo liquore eam conficis? SE. Ex melle rosaceo. BRA. Nec illud contemnere auisim, quoniam hæc compositio diuturnior redditur, scitōque ratione colocynthidis crassas materias à longinquis educi, & bilem crassam, ac pituitam: aloes à propinquis partibus ducit, ratione colocynthidis iuncturarum doloribus prodest, & podagræ, præsertim cum à crassis materijs cōtingunt. Reliqua cū aperientia sint, dolori matricis occurrūt, & menstrua prorritāt: quod etiam aloë facit, uenarū ora adaperiens. SE. Morem meum igitur sequar, hanc secundam Mesuæ compositionem parans. BRA. Tum impune sequaris. Verum ne quicquam prætermittamus, quo din materiærū considerationem non uenerit: hæc est prima Mesuæ compositio.

Rx Serapini

Amoniaci



Amoniaci		
Bdelij		
Oppoponacis	} ana	3. ij.
Aloes		
Castorei		
Harmel	}	
Colocynthidis		3. iij.

Fiant pilulæ cum aqua porri, per hanc uerò aquam intellige succum: nam ex  facilius penetrant, quamuis in hac compositione mihi displiceat hic succus: propterea & mel rosaceum potius acciperem, uel marubij succum: nam ueteres sæpius confundūt πρᾶσιον, & πρᾶσιον, & marubium, & porrum. S E. Eandem ferè intentionem cum prædictis habere uidentur. B R A. Et eandem habent: nam materias crassas, glutinosas, & frigidas educant: unde à Mesue hîc dicitur ualere ad paralysis, & mollificationem, & spasmus, & dolorem iuncturarum, dorsi, & podagram frigidam, & soluunt phlegma uiscosum, & una drachma satis est. S E. Quid intelligis per armoniacum in hoc loco? B R A. Ego intelligendum puto hamoniacum thymiana, nō sal amoniacum: nam thymiana hamoniacum colocynthim mitigare potest, & corrigere. S E. Prius à te dictum est authorem alios à Mesue pilulas de serapino descripsisse, quæ à prædictis diuersæ sunt. B R A. Diuersæ quidem sunt, quo ad pondera, & aliqua simplicia: sed in intentione conueniunt: nam Auicena talem compositionem parandam instituit, quæ genuum doloribus con-

K iij uenit,



ANT. MVS AE BRA.

uenit coxendicum, & laterum inquiring.

℞ Seminis apij }  
 Harmel } ana 3. I.  
 Serapini }  
 Bdclij } ana 3. ij.  
 Hieræ 3. ij.  
 Pulpæ colocynthidis }  
 Agarici } ana 3. . .  
 Turbith. 3. vi.

Fiant pilulæ, dosi. 3. ij. cum aqua tepida: tamen nos dicimus satis superque esse. 3. I. serapio compositionem aliam facit de serapino, qua in hydrope utitur. S E. Quenam est serapionis compositio? BRA. Hæc quæ sequitur

℞ Aloes }  
 Epithymi } ana. 3. iiij.  
 Agarici 3. ij.  
 Serapini 3. vi.

Terantur, & cribellentur, & fiant pilulæ potio. 3. I. puto legendum esse portio, uel si legas potio, intellige hanc compositionem priusquam sit redacta in pilulas. Imò ipse serapio compositionem habet ad eandem intentionem, ad quam tendit secunda Mesuæ, & quæ recipit similia simplicia: sed differt in pondere, dicitque ualere ad dolorem duarum partium dorsi, & dolorem matricis, & soluere naturam, & prouocare menses S E. Hanc compositionem referre ne pigeat. BRA. Non solum non piget: sed etiam libet.

℞ Seminis



R <sup>2</sup> Seminis Apij	}	ana	3. I.
Ameos			
Anisforum			
Harmel			
Bdelij	}	ana	3. ij.
Serapini			
Hamoniaci			
Oppoponacis			
Sceitaragi	}	ana	3. .f.
Acori Polij			
Calamenti fluuiatilis			
Centaureæ Costi			
Salis gemmæ			
Aloes		3.	v.
Colocynthidis		3.	ij. .f.

Terantur, & fiant pilulæ, & dentur. S E. Omnia  
 no eandem habent intentionem cum his, quas paro, &  
 est eadem ferè compositio cum secūda Mesuæ. B R A.  
 Quomodo autem gummi genera in hac compositio-  
 ne disponis? S E. Idem facio, quod in omnibus alijs pi-  
 lulis obseruandum censuisti. Gummi in liquorem illum,  
 ex quo pilulæ conficiuntur, dissoluo, uel sit porri suc-  
 cus, uel quicquid aliud postea conformo, & si succus  
 aliquis, uel liquor non recipiatur, arida gummi in pul-  
 uerem redigo, mollia uerò in electuarium, ex quo pilu-  
 læ cōglutinantur dissoluo, uel in mel rosaceū. B R A.  
 Rectè gummi genera disponis. S E. Ex more igitur  
 pilulas de serapino conficiam, quæ à Mesuæ secundo  
 loco de-



Bechi=  
chia.

loco descriptæ sunt. BRA. Non errabis

SE. Nescio quomodo bechichiæ pilulæ hûc acces-  
serint. BRA. Non accessere: sed tu illas comporta=  
sti, quis author illas confecit: SE. A Mesue in capi-  
te de tussi sicca describuntur. BRA. Quæ simplicia  
recipiunt? SE. Hæc, quæ statim adducemus.

R <sup>2</sup> Succi liquiritiæ	} ana haur. vi.
Zucchari tabarzet. i. albi	
Amili	} ana 3. iiij.
Dragaganti	
Amigd. dulcium	

Confice cum mucilagine psilij, uel citoniorum. BRA.  
Quomodo insumuntur? SE. Efficitur pilula una ad  
lupini, uel fabæ quantitatem, & sub lingua tenetur.

BRA. Igitur non sunt catapotia. SE. Quid ais?

BRA. ἀπό τοῦ καταπίνειν, idest à deuorando, & trās  
glutiendo dicuntur catapotia. At hæc non transglutiū-  
tur: propterea catapotia non sunt. Verum à forma, quā  
habent pilulæ nuncupari possunt, quanquā referat nul-  
lius momenti si has pilulas pastillos nuncupasses, imò  
non ab re fuisset, si potius inter pastillos, quàm inter  
pilulas numerasses, cum uerò in hunc ordinē uenerint,  
& ipsæ poma natent, accipianturque ac si sint pilulæ:  
tamen non erunt catapotia, quia pilulæ uocabulum est  
amplius, quam catapotium in hoc significato: nam &  
hæ sunt pilulæ à sua forma, quæ continentur in ore, &  
non sunt catapotia, hanc eandem compositionem habet  
rasis ubi agit de tussi ad Almanforem. SE. Vnde di-  
cuntur



cuntur bechichia? B R A. Apud antiquos multa bechicha inueniuntur, idest, contra tuſſim medicamenta: nam Græci tuſſi βήχᾱ nuncupant, & βήχιδον contra tuſſim medicamentū. A Tralliano lib. 2. cap. 4. multa bechica referuntur, hoc eſt contra tuſſim medicamenta S E. Hoc, quod à Meſue deſcriptum eſt, habet ne cum illis affinitatem? B R A. In aliquibus ſimplicibus cōueniunt, in tota autē compoſitione diſtincta ſunt. S E. Vnam aut alteram antiquorum compoſitionē referas ex his, quæ bechicæ nuncupantur. B R A. Hæc eſt una Tralliani compoſitio.

℞ Styracis

Croci

Galbani

Lachrymæ papaueris

} ana denarij pōdo unius.

Nucleorum pineorum denariūm pondo. iiij.

Conformato pilulas quātitatē Aegyptiacæ fabæ æquantes, quarum unam in nocte Aegrotanti præbeto. S E. Magna quātitas uidetur, ſi Aegyptiacam fabam æquet. B R A. Imò poſſet triplum, & quadruplum illius quantitatis exhiberi: En alia compoſitio ualde efficaciſſima, & quæ etiam tenui fluori ſuccurrit, & quæ una uice ſumpta reſtituit ſanitati ægrotantes.

℞ Myrrhæ trogloditicæ denariūm pondo. vi.

Thuris denariūm pondo quinque

Lachymæ papaueris

Corticis radicis hioſciamī } denariūm pō  
Corticis radicis cynogloſſæ } do. iiij.

Cortices



ANT. MVSAB BRA.

Cortices in sole exsiccati in puluerem redigantur, & per cribrum traijciantur, postea cū alijs confundantur, papaueris uerò lachrymam aqua diluito, deinde pastillos conformato, pondere singulos denarij unius. S E. Nihil habet cum bechichijs nostris a Mesue confectis. BRA. Tamen sunt bechica, idest ad tusses ualētia medicamenta, de his uerò quæ sub lingua continētur quæ ὑπόγλωσσα medicamenta Galenus uocat, mentionem facit in septimo lib. de compositione medicamentorum secundum locos, postquam locutus est de usu confectio- nis ex papaueris capitibus hypoglossa describit, idest, ea quæ poni debent sub lingua, ex Charixeno medico, Dioscoride, & scribonio Largo. S E. Vnum ex his hypoglossis audire uehemēter opto. BRA. Vnum ex scribonio Largo referam, quod facit ad uocē interceptam.

℞ Glycyrrizæ	ʒ.	viiij.
Myrrhæ	ʒ.	xx.
Therebinthinæ	ʒ.	xxxij.
Tragaganthæ	ʒ.	xxxviiij.

Arida singula per se contundito, ac cribrato, resnam autem in pilam coniectam tundito, arida ad ipsam inspargendo: deinde ex unitis omnibus pastillos formato fabæ Aegyptiacæ magnitudine, quos in umbra siccato, atque usus tempore unum, aut duos sub lingua tenendos dato, atque liquecentes deuorandos, quo tempore igitur pastillos cogis, eodem etiam tundes: ressicantur



cantur enim citò, & ob id pastillos ex eo formantem ad manum simul tundere oportet. S E. Cum ergo liquefcunt, transglutiendi sunt? B R A. Imò paulatim transglutiendi, sicuti & paulatim liquefcunt. Sunt multa alia bechica à Paulo, Aetio, Scribonio, & alijs antiquioribus, ac probis authoribus descripta, quæ hûc afferre non licet, ne supra modum ex compositionibus, quæ in usu non sunt, sermo noster percrescat. Imò & apud Arabes infinita ferè bechica medicamenta scripta inueniuntur, ut apud Serapionem, Auicenam, Rasim. Interim omitto recentes medicos ne de una compositione agentes omnes alias eiusdem generis in medium reuocare uideamur. S E. In hac igitur compositione Mesuen sequar. B R A. Sequaris quoad antiquorum bechica in usum uenerint, speramus etenim omnes antiquorum compositiones, uel maiorem partem in communẽ usum reuocare, quanquam semper adsint inuidi, qui benefactis, sua maledicentia, suæque maleficientia adueruari conentur.

S E. Cum hæc satis sint, quæ de bechica compositione numerare studuisti, foetidas pilulas hûc adducam, ut recto examine perpensæ abeant. B R A. Non minus hæ pilule medicorum ignauiam, & oscitantẽ negligentiam ostendunt, quàm prædictæ. S E. Cur hoc? B R A. Quoniam rari sunt pharmacopolæ, qui compositionem ab alijs diuersam non seruent. Nonnulli etenim maiores foetidas parant, quidam minores, alij  
composi-



ANT. MVSAB BRA.

compositionem quandam ex rasi in. 9. ad Almanforem acceptum seruant. Tu uerò quam compositionem sequeris? SE. Illam maiorum. BRA. Ab hac exordium incipiamus, & prima omnium sub iudicium ueniat, quibus constat? SE. His omnibus.

R <sup>2</sup> Serapini	}	ana. 3. v.
Amoniaci		
Oppoponacis		
Bdelij		
Colocynthidis		
Harmel		
Aloes	}	ana 3. ij.
Epithymi		
Hermodaetilorum	}	ana 3. ij.
Alscebran		
Scammonij	3. iij.	
Cinamomi	}	ana 3. I.
Spicæ		
Croci		
Castorei		
Turbith	3. iij.	
Gingiberis	3. I. .s.	
Euphorbij	tertiæ unius partes duæ	

Dissoluantur gummi in aqua porri, & fiant pilulæ, da 3. ij. BRA. Vna drachma satis est, & in imbecillioribus fortè nimis, hanc compositionem considerans omnes humores educit, & tenues, & crassos, & à partibus propinquis, & à remotis. A Mesue uerò scriptum est, ex



est, ex hac humores crassos expelli, & doloribus iun-  
cturarum conferre, & podagræ, & dorsi, & genuum,  
& omnem dolorem ex crudo humore auferre, & do-  
lorem stomachi, & cholicæ, & à leuce liberat, & mor-  
phea, atque lepra. B R A. Duo animaduersione di-  
gna sunt: unum est ualere potissimum in his morbis cū  
inclinant, ut in podagra, chiragra & articulari mor-  
bo, & ratione aloes biliosos humores etiam educit, ra-  
tione scāmonij biliosissimos, & tenues: unde omnes hu-  
mores educuntur, si compositio rectè consyderetur, &  
tam à remotis, quā à propinquis partibus. S E. Quid  
intelligis in hoc loco per alscebram? B R A. Tu ue-  
rò quid eius loco hactenus accepisti? S E. Esulam, &  
nisi quid melius inuenerim, esula semper utar. B R A.  
Consyderemus in præsentiarum quid sit apud Arabes  
alscebram, uel scebram: nam illa particula, al, articulus  
est, quem suis nominibus Arabes præponunt, ut faciunt  
Hebrei, qui à Græcis, & nostra uulgari lingua eo dif-  
ferunt, quòd eorum articulus in nominis compositionē  
transit: apud Græcos autem, & in nostra uulgari lin-  
gua est distinctus à nomine. Hæc igitur herba, de qua  
in præsentiarum agemus nuncupatur scebra, addita, al,  
particula, idem est, ac si diceremus alscebram. S E.  
Hæc ad rem nihil facere uidetur, cōsyderemus potius,  
quid sit hæc planta apud antiquos. B R A. Consyde-  
remus: sed non erit facile hoc intelligere, quoniam &  
Arabes de ea inter se dissident, nec cum Græcis conue-  
nire uidentur, nec Arabum descriptiones satis conue-  
niunt



niunt, quid igitur sit alscebram apud Arabes consyde-  
rare uolentes à Mesue incipiamus secundum eius uer-  
ba non est facile diuinare quid sint: nam de eius figura  
nihil penitus loquitur, solum uerò dicit esse speciem la-  
eticiniorum, & esse solutium rusticorum: postea di-  
stinguit, ex quibus nihil certi habetur, quid sit, nisi cō-  
fusa. Auicena describit quidem: sed adeò inepta descri-  
ptione, ut etiam difficile sit apud ipsum eius formam  
intueri: nam inquit, oritur in hortis habens cānam sub-  
tilem, æqualem, & habet pilos, & folia sunt sicut Tar-  
con secundum quod existimo, & habet lac, si uerò pe-  
tas quid sit Tarcon, in pagina sequente Auicena docet  
inquiens, quòd pyretrū est eius radix, pyretrum uerò  
habet folia dauci agrestis, uel marathri. Serapio descri-  
bit quidem scebram, & figuram talem illi fingit, qua-  
lem Dioscorides suæ pitiusæ. Verum cum de hac re in  
simplicium examine ubertim disseruerimus, satis est te  
ad illum librum remittere. S E. Memoria habeo: sed  
res est satis confusa. BRA. Confusissima, quoniam  
& ipsi authores confusi sunt. Ad rem uerò redeuntes  
sunt alij pharmacopolæ, qui foetidas minores seruant.  
S E. Nescio unde hoc acceperint: nam hoc solum no-  
men maius eos incitare deberet ad has pilulas conficiē-  
das, & formandas: nam quod maius est, respectu mino-  
ris excellentiam quādam habere uidetur. BRA. Imò  
minores uidentur uehementiores maioribus, & eandem  
habent intentionem, earum compositio hæc est, quæ se-  
quitur, in qua sunt paucissima, quæ uim fortium medi-  
camen-



camentorum frenare possint.

℞ Serapini	}	ana 3. v.
Amoniaci		
Oppoponacis		
Bdelij		
Myrrhæ		
Turbith	3. x.	
Colocynthidis	3. vi.	

Fiant pilulæ sicuti priores, & da. 3. ij. tamen non debemus excedere. 3. i. Imò solùm scrupuli duo recipiendi sunt, in his materiæ crassæ solùm educuntur, à remotis partibus. Vnde & si à Mesue dicatur, has esse in intentione maiorum, id simpliciter uerum non est: quoniam maiores tenues etiam humores educunt, quos hæ non educunt: sed intelligendus est in intentione maiorũ, quãtum sit de illa intentione, quam ipse retulerat: nempe nihil dixit de humoribus tenuibus, quos tamen euacuat.

S E. Quenã compositio magis probanda est? B R A. Illa maiorum, quæ magis correctæ est cõpositione minorum: tamen præcisa Mesuæ intentio, quæ est humores crassos educere in his minoribus exquisitius habetur, cum soli crassi educantur, & non tenues. Extant præterea nonnulli pharmacopolæ Ferrariæ, & non ex infimo genere, qui in eorum officinis compositionem quandam rasis seruant in nono ad Almanforem. S E. Quenam est? B R A. Hæc in curatione paralysis posita.

℞ Pulueris picæ	3. x.
	L Colocynæ



ANT. MVSÆ BRA.

Colocynthis	3.	V.	
Euphorbij	3.	ij.	.s.
Castorei,			
Piperis			
Assæ fœtidæ			
Serapini			
Oppoponacis			
Sceitaragi Indi			
Sinapis			
Centaureæ minoris			
Elaterij			

} ana 3. 1.

} ana 3. V.

Gummi in succo rutæ dissoluantur, & alia simul misceantur, & fiant pilulæ. S E. De minoribus quamplures in suis officinis eas habere non ignorabamus. De his uerò ab Rasi additis ignotum erat, an aliquis eas pararet. BRA. Imò, ut dixi, aliqui has seruant, & ne putes nos mentiri, ille qui fontem habet pro insigni unus est qui parat. S E. O magna inter unius urbis pharmacopolas diuersitas: quomodo faciunt ignari medici, qui hæc ignorant? BRA. In his pilulis parum errare possunt: quia ad eandem intentionem accommodantur. S E. Quæ cõpositio tibi magis arridet ex his tribus? BRA. Illa maiorum, quamuis (ut ingenue fatear) nulla possit ad unguem placere: Tamen si quam conficiendam iuberem, esset hæc maiorum cõpositio Mesuæ. S E. Meum igitur morem, & deinceps in his pilulis sequar. BRA. Vt lubet: nos tamen speramus pro nostris ægris illas nūquam esse indicturos.

Id uerò



Id uerò non te lateat, & serapionem, & Auicenam, et Haly multas alias & diuersas pilularum foetidarum de scriptiones in scriptis reliquisse: sed tres solum præscriptæ in usum uenere. S E. Vnde dictæ sunt foetidæ? B R A. Recentes dicunt ita nuncupari, quia foetidos humores educunt, ac si aliæ odores trahant, & non foetidos: potius dicuntur foetidæ ex malo odore quæ habet, & potissimū illæ Rasis, quas assa foetida ingreditur, uel quia foetidis morbis occurrūt, quales sunt lepra, scabies, morphea, impetigo, leuce, & alij similes.

S E. Hanc lituram uix legere potui, & nisi ultima pars nominis atramento detecta esset, pilulæ de sarco- De sarco cola unum examen effugissent. B R A. Res erat non cola.  
magnum momēti, ex quo authore accipiūtur hæc pilulæ?  
S E. Ex Mesue in antidotario, & in simplicibus, ubi de sarcocola agit: nam refert pilulas de sarcocola Haly senioris inquiring.

℞ Sarcocolæ	3.	ij.	
Turbith	3.	iiij.	
Interioris colocynthidis			} ana 3. I. .s.
Gingiberis			
Salis gemmæ	3.	I.	

Sarcocola in aqua rosacea dissolue, & confice, & fac pilulas, educit hæc compositio pituitosas materias, & pituitosis morbis succurrit, à longinquis partibus educens. B R A. Mesue inquit sarcocolam pituitam educere, nescimus tamen unde hoc inuenerit.

Nam Dioscorides & Galenus uolunt ipsam conglutina-  
L ij      nare



nare, & exsiccare citra mordicationem. Id equidē ue-  
rum est has pilulas pituitam educere: sed id faciunt ra-  
tione turbith & colocynthidis, nō ratione sarcocolæ.  
Putamus igitur sarcocolam uim reprimere fortium  
medicamentorum, ut alia gummi genera facere solent,  
& non soluere, in hācque compositione poni alia ad  
educendum pituitam, & non sarcocolam, & quāmuīs  
fecerit Haly Senex huius compositionis inuētor, illam  
non laudamus cū nimis uehemens sit, & parum cor-  
recta: nam præter sarcocolam nihil aliud adest, quod  
non roboret turbith, & colocynthim, gingiber etenim  
& sal gemmæ colocynthim, & turbith acuunt magis  
& uehementiora reddunt. S E. Igitur sarcocola non  
educit? BRA. Adstringit potius: unde Græci ο-  
mnes dicunt adstringere, exsiccare, & conglutinare:  
propterea inuenit nomē sarcocola quasi σαρκὸς κόλλα  
idest colla, & gluten carnis. Quomodo illam dissoluis  
in aquā rosaceam? S E. Ego in primis in lacte asinæ  
dissoluo, per sex dies lac quotidie mutās, denique per-  
collo, & dissoluo in aquā rosaceam. BRA. Cur lac  
asinæ accipis? S E. Quoniam ab ipso Mesue in cap. de  
sarcocola dictum est. BRA. Mesuen non intelligis,  
qui dicit per quinque dies lacte asinæ nutriri, & tunc  
esse medicamentum bonum ægritudinibus oculorum, sci-  
licet ponentes illam in oculum: tamen nō dicit ita con-  
cinnādum esse cum has pilulas ingreditur: sed immedia-  
tē dissoluenda est in aqua rosacea, & à sordibus expur-  
ganda: postea rebus alijs cōmiscenda, & in pilulas con-  
forman-



formanda: scitòque has pilulas multum perdurare, & earum uim citò non solui ob sarcocolæ miscellam.

SE. Has sequuntur in hac schœda pilulæ de mezereon, quæ à Mesue dicuntur mirificè aquam educere in hydrope, & non solùm citrinam: sed utrunq; genus, his uerò conficiuntur.

De Meze  
reon.

Rx Foliorum mezereon infusorum in aceto, & ex siccatorum. 3. V.

Myrobalanorum citrinorum 3. iiij.

Chebulorum 3. iij.

Confice cū tereniabin, & tamarindis in aqua endiuia dissolutis. BRA. De dosi nihil dicit Mesue. SE. Nihil penitus. BRA. In ascite tertiam excedere non debemus, & in his in quibus abundat aquositas per omnes uenas. SE. Putas ne tu mezereon esse laureolum? BRA. De hoc ubertim egimus in nostro simplicium examine ostendentes Arabes authores thymeleam, & chameleam sub mezereon confudisse. Nūc memoria subiit in nostro colloquio de his abundè dictum esse. Verùm cum hæc duo sub mezereon confundantur ab Arabibus, & Mesue Arabs fuerit, quid nam duorum intelligi debet cū hic dicat recipiendū mezereon? BRA. Ego thymeleam acciperem: nam à Dioscoride dicitur per aluum biles aqueas educere: cū uerò hæc pilulæ ad educendas aquas in hydrope conficiantur, & ut Mesue dicit, citrinas thymelea ad hoc ualet: nēpe Dioscorides in chamelea mentionem non facit, quòd aquas educat: sed dicit solùm educere per aluum bilem, & pi-

L iij tuitam



tuitam. S E. Deinceps igitur thymeleæ folia acci-  
piam. B R A. Scito autem nisi hæc folia per diem, et  
noctem macerentur in aceto & in umbra exsiccarētur,  
& nisi adderentur myrobalani, esset compositio uehe-  
mentissima, cuius satis esset scrupulum accipere. De te-  
reniabin uero, quod hanc compositionem ingreditur,  
in nostro simplicium examine quid sit apud Arabes di-  
sputatam habes.

De eupa-  
torio.

S E. Prædictis iunctæ sunt pilulæ de eupatorio,  
quæ ad periodicas, atque antiquas febres conferunt ad  
iecoris dolorem, & ad obstructionem. B R A. Tu er-  
go maiores conficis? S E. Maiores inquam, & in  
hunc modum paro.

℞ Myrobalanorū citrinorū	} ana 3. iij.
Succi eupatorij	
Succi absynthij	
Raued sceni	3. iij. .f.
Mastiches	3. I.
Croci	3. .f.
Aloes bonæ	3. V.

Confice cum succo endiuie, dosis eius est. 3. ij. cū aqua  
casei. B R A. Recentibus uisum est hanc compositio-  
nem materias biliosas, tenues, educere, cū tamen cras-  
sas etiam educat, & potius quàm tenues. Rari sunt me-  
dici qui his utantur. Ego illis utor in autumno in lon-  
gioribus febribus, & conferunt, & in obstructionibus  
lienis: habet & Mesue minores de eupatorio, quæ in nul-  
lum usum uenire: præsertim nostro tempore: illarum  
compo-



compositio est hæc.

℞ Myrobalanorū citrinorū  
Raued sceni  
Succi eupatorij  
Aloes

} ana partes æ=  
S quales.

Confice cum aqua apij. da. ʒ. ij. & in alio cum aqua en diuie, sunt minus uehementes prædictis, eandem uerò intentionem habent cum maioribus, mirandūque est cur harum minorum facta sit mentio, cum maiores eandem intentionem habeant, & perfectius illā assequi faciant: mirum igitur non est, si in usum non uenire, per raued sceni rhabarbarum in his compositionibus semper intellige. S E. Id intelligo. B R A. Lector uerò admiratione non afficiatur, si in his compositionibus omnia simplicia exposita non sint, quoniam de his solum mentionem facimus, de quibus in simpliciorū examine nihil actum erat: hæc pilulæ, & maiores diu perdurare non possunt, quoniam nihil glutinosi recipiunt, imò breui tempore lapidescunt. i. duræ, ut lapis euadūt.

S E. Pilulæ de hermodactilis in examen descendūt. De hermodactilis.  
B R A. Ferrariæ apud diuersos pharmacopolas diuersæ sunt de hermodactilis pilulæ. Nam nonnulli minores, alij compositionem quādam, quæ à Rasi describitur in nono ad Almanforem, conficiunt: maior tamen pars parat. Nec desunt, qui & maiores, & minores seruent: neminem uidi unquam, qui pilulis de hermodactilis ex inuentione Mesuæ uteretur. Maiores semper confeci, & seruaui, & cum medici pilulas de hermodactilis

L iiij dactilis



ANT: MVSAB BRA.

daetilis indicunt, illas praebeo. BRA. Earum compositionem referto. SE. Hæc est.

℞ Hermodactylorum

Aloes

Myrobalanorum citrinorū.

Turbith

Colocynthidis

Bdelij

Serapini

Castorei

Sarcocolæ

Euphorbij

Oppoponacis

Harmel

Apij

Croci

} ana 3. vi

} ana 3. iij.

3. I. .f.

Confice cum succo caulium, & fac pilulas. Scito tamen gummi genera potius dissoluenda esse in succo caulium & expurganda, reliqua deinde commiscenda, durefcunt mirè. Tamen uis simplicium medicamentosa gummi generibus feruatur, & facile dissoluuntur, cū aquā perfcntiant. De dosi nihil dicit Mesue. Ego tres nunquam excederem, mirè cōferunt iuncturarū doloribus, & podagræ frigidæ: nam humores crassos à remotis corporis partibus ducunt, imò & tenues, de hermodactilis disputatum habes in nostro simplicium examine: cū uerò hermodactilus mihi suspectus sit, quoniam pharmacopolæ ephemeron colchicum accipiunt: propterea harum



harum loco compositione quadam utor, pilularum ab Alexandro Tralliano confectarum, quas de nitro nuncupamus, & etiam Alexandri pilulas in hac compositione nihil est, quod expositione indigeat. Cum uero simpliciter humores crassos, & frigidos educant, composuere minores, quæ humores biliosos, tenues, & etiā crassos educerēt, & quæ ad podagram calidam conferant, sicuti præcedentes ad frigidam conueniunt. Puto autem in usum uenisse, ut sole maiore recipiantur: quia non est uerum earum solam materiam frigidam educere, imò educunt & calidam ratione aloes, & aliorum simplicium bilem educentium, minorum uero compositio hæc est.

℞ Hermodactylorum	℥. v.
Scammonij	℥. ij. .s.
Myrobalanorum citrinorum.	℥. iij.
Rosarum	℥. ij.
Aloes	℥. x.

Confice cū cathartico ros. & da. ℥. ij. tamē satis est. ℥. i. & forte nimis, cum uero à Mesue dicitur has pilulas fieri cum cathartico rosato, intellige electuarium rosatum suum solutione educens bilem, & non electuarium de succo rosarum Nicolai, quo tamen non pauci pharmacopole utuntur, cum à Mesue dicitur accipiendum esse electuarium rosatum, multique ita faciunt propter expensas, ut uideantur medicamenta uiliori pretio uendere, quam alij faciant, cum tamen hi & ægros decipiant, & integras authorum compositiones non seruent



ANT. MUSAE BRA.

uent. Est alia de hermodactilis cōpositio Mesuæ attri-  
buita, quam ipse inuenit, & qua potissimū utuntur Ale-  
xandrini, ex Alexandria Longobarbiæ. Ferrariæ uerò  
nullus unquam ea usus est, quod nouerim. Est uerò cō-  
positio talis.

℞ Hermodactilorum	}	ana 3. v.
Aloes		
Myrobalanorū citrinorū	}	ana 3. ij.
Turbith		
Gingiberis		

Fac pilulas cum electuario rosatò, da drachma. ij. Idem  
uerò intellige per electuarium rosatum, quod superius  
factum est per catharticum rosatum: nam electuarium  
rosatum est catharticum, idest purgatiuum: hæc com-  
positio tam tenues, quàm crassas materias educit, &  
tam à propinquis, quàm à remotis partibus. S E.

Compositionem illam, quæ à Rasi accipitur, nunquam  
audiui. BRA. Efficiam, ut in præsentiarum illam au-  
dias: uocat autē illam Rasis pilulas de hermodactilis  
maiores, iubetque in dolore iuncturarum exhibendas,  
quando nec calor, nec rubor in loco fuerit, & æger sit  
frigida temperaturæ, & lotus, quem tangimus ubi æ-  
gritudo est, frigidus sentitur, datq; has pilulas in prin-  
cipio curationis: quod an cōueniat, uel non conueniat,  
disputare non est opus. Compositio uerò est hæc.

℞ Hermodactilorum	}	ana 3. v.
Satyrionis		
Meisfahara		

Hieræ



Hieræ picræ	3.	x.
Colocynthidis	}	ana 3. V.
Centaureæ minoris		
Euphorbij	3.	ij.
Turbith	3.	x.
Sceitaragi Indi	}	ana 3. I.
Gingiberis		
Sinapisi		
Piperis		
Castorei		

Informentur ex his pilulæ, ex quibus à duabus drachmis .s. aut. iij. sumatur, hæ namque pilulæ ualde conferunt, quia non ualentes surgere incedere faciunt: tamen nos. 3. I. non excederemus. Arabes ampliores medicamentorum copiam ferunt, quam nos ferre possumus. S E. Nunquam uidi aliquem has Rasis pilulas parantem. B R A. Tamen aliqui parant Ferrariæ, et nō ex infimis. Tu uerò semper tuas seruato. s. maiores Mesuæ, idque pro alijs medicis facito: nam de ipsis parum curamus, imò illas nunquā indicemus. S E. Quid intelligit author in hac compositione per meisahara? B R A. Recentes dicunt esse Thitimali speciem: sed quænam sit ignoramus? imò manifestè deprehenditur non esse Thitimali speciem, quoniā Serapio de eo agēs cap. 365. sub nomine meizaragi extra Thitimali species describit, quòd autem hoc idem sit, licet non dicat meisahara ex eo apparet, quia, inquit, cōferre doloribus iuncturarum, & articularū: quid uerò sit ignoramus.

Etenim



Etenim arbuscula est in qua describenda nullam facit Græcorum mentionem serapio, quod obseruare solet, quando soli Arabes de eo simplici loquuntur: quippe adducit solum authorem quēdam Abuzerius nomine, et alium, qui dicitur Abix, fortē est arbuscula, quæ nucem uomicam producit: nam dicit folia huius arboris, si ponantur in aqua, inebriare pisces, quod facit nux uomica: credendum uerò est herbam etiam idem efficere: Tamen de nuce uomica aliās locutus est. In hac re sum ualde anceps, neque quicquam certi determino: sed hæc anceps profero.

**Lucis.** S E. Posteaquā in his de hermodactilis pilulis tanta diuersitas est, ad pilulas lucis sermonē uertamus.

B R A. Et in his non desunt suæ ineptiæ, quoniā Ferrariæ aliqui parant maiores, alij minores laborem effugere uolentes tot simpliciū, quæ maiores ingrediantur, maiorum compositionem referas. S E. En.

℞ Rosarum  
Violarum  
Absynthij  
Colocynthidis  
Turbith  
Cubebe  
Calami aromatici  
Nucis muscatæ  
Spicæ  
Epithymi  
Carpobalsami

Xilobalæ



Xilobalsami	{	ana 3. ij.
Siteris		
Seminis rutæ		
Squinanti		
Asari		
Mastiches		
Caryophylorum		
Cinamomi		
Anisforum		
Fœniculorum		
Apij		
Castiæ	{	ana 3. iiij.
Croci		
Macis		
Myrobalanorũ citrinorũ		
Chebulorum	{	ana 3. iiij.
Indorum		
Belliricorum		
Emblicorum		
Raued sceni	{	ana 3. v.
Agarici		
Scenæ	{	3. vi.
Euphragiæ		
Aloes	ad pondus omnium.	

Confice cum succo fœniculi. Dosis est ʒ. 3. ij. usque ad 3. iiij. tamen satis sunt. 3. ij. ad summum, quippe mites sunt, quoniam turbith, & colocynthis in modica quantitate ingrediuntur, reliqua quæ educunt, ut sunt myrobalani



*balani, rhabarbarum, agaricus, et aloë, imbecillia sunt.*

*Nōne tibi uidetur hæc compositio mira, atque magna?*

*BRA. Magna quidem, utpote quæ multa simplicia recipiat: sed iudicio meo inepta. Aliquem fuisse arbitror, qui absque ratione omnia in unum congesserit, cū calida, tum frigida, quæ oculis conuenire uidentur, neque intentionem consyderasse, quæ est à capite frigidos humores educere, ut inquit recentēs: nempe Me sue neque de calidis, neque de frigidis mentionem facit. Verum hæc compositio calidos etiam educere potest. Me sue uerò dicit, quòd addunt in uisum, & eum roborant, & abstergunt instrumenta sensuum, & expellunt superfluitates, & custodiunt sanitatem corporis, & præsumitur super eis absque necessitate abstinendi: hæc Me sue. Ex quibus non accipitur, quòd crassos humores, uel tenues educat. Verum huius compositionis author omnia in unum collegit tam calida, quam frigida, quæ uisui conferunt, & addit medicamenta omnes materias euacuantia, tam calida, quam frigida, tã à remotis partibus, quam à propinquis. SE. Tuo igitur palato nō sapit hæc compositio? BRA. Neque meæ menti sapit. Etenim absque ratione omnia in unū collecta sunt, quæ ad unam intentionem uniuersalem faciunt, absque ulla secretionē, an sit ob materiam tenuem, uel crassam, uel calidam, uel frigidam: uerum hæc omittamus. Dic autem quid accipis in hac compositione pro cassia? SE. Communem cassiam. Illam inquam, quam tu cherath longam, uel siliquam oblongam nuncupare soles.*

*BRA*



BRA. O crassa ignorantia, hîc pro cassia opus est simplex illud accipere uocatum canella, quæ cinamomû non est: sed antiquorum cassia. SE. Subijt. nûc memoria, te de hac re in simplicium examine mentionem fecisse. Verum cum cinamomo careamus, duplum cassiæ, idest canellæ accipere oportebit. BRA. Id deinceps facito, & lôgam uocatam cassiam in hac compositione dimittito, quæ ad rem nihil facit. Vt autem superius à nobis dictum est, multi pharmacopolæ, ut laborem euitent potius, quàm impensas, pilulas lucis minores conficiunt, cumque à medicis pilulæ lucis indicuntur, has minores quas seruant, præbent. quarû hæc est cõpositio eandem habens intentionem, ut inquit Mesue, cum præcedente.

Xilobalsami	}	ana	3.	I.
Carpobalsami				
Chelidoniæ		3.	V.	
Rosarum	}	ana.	3.	ij.
Violarum				
Absynthij				
Euphragiæ				
Senæ	}			
Epithymi				
Myrobalanorû citrinorû.				
Cebulorum				
Indorum				
Belliricorum	}	ana	3.	ij .s.
Emblicorum				
				Agarici



ANT. MVSAB BRA.

Agarici

Colorynthidis

Squinanti

Litij

Lapidis lazuli

Aloes loti ad pondus omnium

Confice cum succo foeniculi, aut chelidoniae. S E.  
 Nulla igitur est inter has, & praeecedentes quo ad intentionem differentia? BRA. Quantum ad hoc quod uisui conferunt, nulla. Verum maiores, & si omne materierum genus educant, potissimum uero pituitosas educunt, minores uero potissimum atrabilarias, cum et ipse omnes educere possint. Verum quid accipis pro Xilobalsamo, & opobalsamo? S E. Id quod alij accipiunt pharmacopolae. BRA. In primis statim huius compositionis simplicibus errare incipis, quamuis & si haec duo simplicia abessent non magnifacerent, uulgius id recepit ueluti proloquium, opobalsamum uisui mirum in modum conferre, quod tamen nec constat, nec rationabile est, nec ab aliquo fide digno authore proditum est. At in usum uenit cum uulgius profert hoc nomen balsamus, statim rem quendam mirabilem, & ueluti diuinam concipiat, ac pretiosissimam, qua aegritudines omnes expelli possint. S E. Meum igitur morem, & deinceps sequar, maiores lucis pilulas conficiens. BRA. Ut lubet facito, scitoque hanc compositionem diu perdurare non posse: quia paucissima glutinosa recipit: intellige uero glutinosa, ut mel, eclegmata, saccharum



ta, saccharum, mel rosaceum, & etiam genera gummi, quæ uim simplicium seruare possint: differunt uerò gummi genera ab alijs: quia & si gummi genera uim seruent medicamentorum: tamen compositiones præduræ efficiuntur. Mel uerò, & mel rosaceum, & electuaria compositiones molliores faciunt.

S E. Pilulæ alandaal consequuntur. BRA. Cùm Alandaal duæ sint apud Mesuen sub hoc nomine compositiones, quam sequeris? S E. Primam compositionem sequor, quam Mesue dicit esse Hermetis, & illā paro, atque seruo, quæ ualeat ad sodam antiquam, & ad difficilem emigraneam, & ad ægrotudines neruorum, & iuncturarum, hæc uerò est illarum compositio.

℞ Trochiscorum alandaal	℥. xij.
Hier. e. f. simplicis	℥. vij.
Mastiches	℥. ij.
Salis gemmæ	haur. i.
Ladani	℥. i.

Omnia præter ladanum, & mastichen terantur, & cribellentur, mastiche uerò puluerizetur cum pauco oleo nucum, & liniantur cum eo species, idest pulueres triti, deinde cum ladano conficiantur, & in mortario terendo pistillo calido fiant pilulæ crassæ. da. ℥. .f. usque ad. ℥. i. BRA. Sunt uehementissimæ pilulæ & quæ à remotis partibus impetuosè ducunt. His quâdoque usus sum in morbi gallici doloribus, cum caput, & iuncturas uexant, & mirè contulerunt: tamen quia tormina commouent, & uentericulum subuertunt, & is

M qui acci =



qui accipit per tres dies appetentiam non habet, propterea ab his ipsis abstinere coepi, & earum loco pilulis Alexandri utor, de quibus postea mentionem faciemus. Pituitam uehementer educunt à remotissimis corporis partibus. De Trochiscis alandaal nihil in presentiarum dicemus, qui ex colocynthide confecti sunt, quoniam de ipsis in libello de trochiscis agemus. Tu locum illum perlege, si colocynthidis preparationem noscere cupis. Sunt etiam nonnulli, qui secundam Mesue compositionem parant. BRA. Scio, & ad eadem ualet, ad quam primam conferre dictum est, tamen sunt minus calidae primis, hæc est earum compositio, quæ ( ut inquit Mesue ) sublimis est ad cerebri ægritudines, & neruorum pituitosas, & iuncturarum.

℞ Trochiscorum alandaal	3.	x.
Salis gemmæ	3.	i.
Ladani	5.	xij.

Olei rosarum quantum sufficit.

SE. Per gulam optime discurrere debet. BRA. Optime propter oleum, de simplicibus, quæ has compositiones ingrediuntur, in simplicium examine dictum est, ladanum prius cum oleo misceto, deinde sal gemmæ, & trochiscos.

De lapide lazuli  
De lazuli  
SE. Sua sedes pilulis de lapide lazuli in hoc loco data est. BRA. Hæ sunt in magno usu ubique, & alibi illæ de lapide Armeno parantur, tu in presentiarum compositionem pilularum de lapide lazuli in medium afferas. SE. Hæc est apud Mesuen compositio, quæ ad ægritudines melancholicas ualet, & ad bilem adustam.

℞ Lapidis



℞ Lapidis lazuli abluti ʒ. v.  
 Epithymi }  
 Polypodij } ana. ʒ. viij.  
 Scammonij }  
 Hellebori nigri } ana ʒ. ij. .s.  
 Salis indi }  
 Agarici ʒ. viij.  
 Caryophylorum }  
 Anisforum } ana ʒ. iij.  
 Hieræ picræ ʒ. xv.

Confice ex succo endiuia, & da. ʒ. ij. cum aqua casei.

B R A. Ego nunquam excederem. ʒ. nam sunt pilulæ  
 satis uehementes, ad cancrum ualent, ad quartanam, ad  
 lepram, & ad alias atrabilarias ægritudines, eandem  
 ferè inscriptionem habet Serapio in suo antidotario:  
 quomodo autem lapis lazuli abluendus sit superius di  
 ctum est: & ille modus est, ac regula abluendi omnes  
 lapides. At cum non desint pharmacopolæ, qui pilulas  
 de lapide Armeno conficiant, ab re nō erit earum com  
 positionem adducere, quæ ualent ad atram bilem eua  
 cuandam, & bilem adustam, & omnibus morbis confe  
 runt ab his humoribus factis, ita uerò conficiuntur.

℞ Lapidis Armeni loti }  
 & præparati } ana ʒ. v.  
 Hieræ picræ }  
 Epithymi }  
 Polypodij } ana ʒ. viij.  
 Scammonij cocti in cydonio ʒ. iij.  
 M ij Caryo=



ANT: MVSAB BRA:

Caryophylorum 3. ij.

Salis indi 3. i. .s.

Confice cum succo solatri. S E. Mihi uidentur uehementiores esse, quam illæ de lapide lazuli. B R A. Imò sunt uehementiores, & non solū bilem atram educunt: sed & flauam, quamuis & præcedētes bilem educant ratione scammonij. simplicia, quæ has compositiones ingrediuntur, in nostro simplicium examine sunt. diu perdurare non possunt hæ pilulæ, quia nihil recipiunt glutinosi, & ueluti lapis tempore durescunt.

S E. Nōne & inde pilulæ atræ bili conducunt?

B R A. Conducunt quidem: sed non sunt adeò uehementes, ut illæ de lapide lazuli, & adhuc minus quam illæ de lapide Armeno. Nōnulli putant non fieri pilulas de lapide Armeno, & in usu non esse, quia Armeno lapide caremus. Verū hi decipiuntur: nam & lapis Armenus habetur ex Armenia cōportatus, & ex Germania. Non enim existimandū est speciem illā lapidis nō esse in alia mūdi parte, quam in Armenia: sed quia probatissimus est in Armenia, propterea Armenus nuncupatur: habet ferè eundem colorem cum lapide lazuli, de quo in nostro simplicium examine egimus, in aurifodinis reperitur, & est ferè semper chrisocolæ mixtus. Nos & ex Armenia, & ex Germania domi habemus chrisocolæ mixtum, & experti sumus ablutū atram bilem egregiè soluere, & solūm. 3. dedimus hieræ mistum. Alexanderque Trallianus cap. 22. primi lib. Armenium lapidem ueratro præfert, utpote in quo sit minus discriminis



minis, quàm in ueratro, & dicit habere uim purgandi egregiã: tam per superna, quàm per inferna, & tam lotus, quàm nō lotus: tamē lotus nullā molestiā nullumq; angorem asserre potest, refertq; cōpositionem quādam pilularum ex lapide Armeno, hoc modo confectam.

℞ Picræ	}	singulorum obolos octo.
Epithymi		
Agarici		
Lapidis Armeni loti	℥. .s.	
Scammonij	℥. .iiij.	
Caryophylorum	obolos duos	

Qua autem re conformetur docet in alia compositione, quam statim adducit iuxta recētiore sui temporis: quæ hæc est.

℞ Picræ	}	singulo. diobolos. .iiij
Epithymi		
Agarici		
Lapidis Armeni loti		
Scammonij	℥. .ij.	
Caryophylorum granum unum.		

Contundito singula de more, & redige in pilulas cum melle rosaceo, uel succo mali medici. Dosis uerò esto ad minimum. ℥. .ij. ego usque ad. 3. exhibeo: optarim, ut hæc compositio passim haberetur: nam ut idem Trallianus dicit stomacho robur inducit, & multifarios humores euacuat: præsertim terreos, & atram bilem citra angustiam soluit, neq; est quod in huius lapidis usu quicquam periculi speres, quoniam neque strangulatū

M .iiij aliquem



ANT: MVSABRA.

aliquem, neque animi deliquia more ueratri albi inducit. Mesue in cap. de soda frigida hanc secundam Alexandri compositionem per hunc modum refert.

℞ Hieræ picræ  
Epithymi  
Agarici  
Lapidis Armeni loti & præpa.  
Scammonij præparati 3. V.  
Caryophylorum 3. I.

} ana 3. iiij.

Fac pilulas cum aqua rosacea. dosis. 3. I. S E. Parum differunt. B R A. Imò eadem esse deberent. S E. Vis ergo, ut hanc Alexandri compositionem paratam seruemus, & ex lapide Armeno ex Germania cōportato? B R A. Id summè optarem, & simul alij medici, qui pro ægris suis indicarent, præscirent.

De benedicta.

S E. Contineri nō possunt pilulæ de benedicta, quin hūc sponte sub examen uenerint. B R A. Quis est harum pilularū author? S E. Certè ignoramus, nisi ex Nicolai benedicta accipiantur. B R A. Inde initium habere certum est: nam benedicta Nicolai frigide podagræ cōfert, arthriti, renibus, quoties ex frigiditate affecta sint: est uerò eius compositio talis.

℞ Turbith  
Esulæ  
Sacchari  
Diagridij  
Hermodaetilorum  
Rosarum

} ana 3. x.

} ana 3. v.

Caryophy=



Caryophylorum

Spicæ

Gingiberis

Croci

Saxifragiæ

Macropiperis

Amomi

Cardamomi

Litospermatis

Petroselini

Salis gemmæ

Galangæ

Macis

Carui

Fœniculi

Sparagi

Brusci

Granorum solis

ana ʒ. I.

Mel quod sufficit, detur in sero ex uino calido, ad modum castaneæ. S E Hoc est eclegma de benedicta, quo utimur. B R A. Obstetrices Ferrarienses in uteri affectibus ab benedicta absque ulla affectus consyderatione utuntur, pulueres absq; melle accipiuntur, & ex succo fœniculi pilulæ fiunt, uel ut alij ex melle rosato, ut diutius perdurent: nam ex melle confectæ nō exsiccantur, ex aqua autem fœniculi ferè lapidescunt. datur harum pilularū drachma una, & etiam scrupuli. iiij. qui hanc compositionem describunt, ita inquiunt.

M iiij R: Specie=



℞ Specierum de benedicta 3. vi.

Ex melle rosaceo, uel ex aqua foeniculi quantum satis est, fiant pilulæ: omnia simplicia, quæ hanc compositionem ingrediuntur in nostro simplicium examine prodita sunt.

De cyno  
glossa.

SE. Pilulæ de cynoglossa tanquam illæ, quæ lento gradu perfectæ sunt ultimo loco accessere. BRA.

Ex quo authore accipiuntur? SE. Ex Nicolao. BRA.

Quomodo ex Nicolao, cum alij pharmacopolæ ex Mese potius accipiant? SE. Apud Mesuen nunquam legi pilulas sub hoc nomine de cynoglossa. BRA.

Equidem sub hoc nomine à Mese non describuntur: sed sub eo nomine, pilulæ ad omnes morbos catarrhi, & corizæ, & tussis catarrhalis. SE. Memini me uidisse has pilulas, & in quorundam medicorum gratiam præparasse. BRA. Multi pharmacopolæ has seruant, et non illas Nicolai: sed Nicolai compositionem nunc referas. SE. Hæc est.

℞ Cynoglossæ

Opij

Se. iusquiami

Myrrhæ

Olibani

Caryophylorum

Cinamomi

Corimbi

} ana. 3. iiij.

3. vi.

5. v.

3. ij.

} ana 3. ij.

Temperentur cum rhodostomate, idest cum aqua rosacea, & conformentur pilulæ ad modum ciceris, ex quibus



quibus dētur quinque, uel sex cum itur dormitum: nos  
damus unam maiorem. B R A. In hac compositione  
duo consyderanda occurrunt: unum est aliquos Nico=  
lai codices legere cozumbrī, alios corymbi, si legamus  
corymbi, facile est uidere quid sint: nam sunt hœderæ  
flores, qui in unam massam collecti hoc nomine uocan=  
tur, pro eis autem accipienda sunt semina: tamen neque  
apud Dioscoridem, neque apud Galenum inuentum est  
corymbos tussi conuenire, uel destillationi, nec tenuem  
materiam crassiore reddere possunt: sed potius econ=  
trario facerent, quāuis ex duplici substantia consta=  
re dicat Galenus, ex frigida inquam, terrea, & adstrin=  
gente, ratione cuius tenuem destillationem incrassare  
posset, simul cum alijs in cōpositione præscriptis, con=  
stātque ex substantia calida: sed ne longius te protra=  
ham, suspicor hīc non esse legendū corymbi, sed potius  
cozumbrī. S E. Ego semper accepi in hac composi=  
tione corymbos, ignorōque quid tu per cozumbrī in=  
telligere possis. B R A. Arabes uocant cozumbrī sty=  
racis fecē: Nos uerò hīc intelligimus ipsam styracē: nā  
tussi conferre, destillationibus, grauedinibus, & fauci=  
bus dicit Dioscorides, & Galenus confirmat. Cū uerò  
apud Arabes uocabulum cozumbrī sit potius falsū  
styracis nomen, & eius fecis, quā ueri, putamus hīc  
fuisse corruptum uocabulū: quia Græci styracem adul=  
teratam scolociten uocant, quasi uermicularē, inde cor=  
ruptio contigit, & pro scolocite cozumbrī legunt.

S E. Styrax igitur accipienda est? B R A. Accipien=  
da ut



da ut arbitror. S E. Quid nam illud est, quod secun-  
do loco consyderandum proponebas? B R A. Id est,  
ex quo tota compositio conficitur, & conglutinatur  
scilicet rhodostoma. S E. Nōne est aqua rosacea?  
B R A. Equidem: nam Græci sua uulgari lingua ita  
uocant, aquā rosaceā ui ignis eliquatā: tamen suspicati  
quādoq; sumus an legi oporteret rhodostacte, est uerò  
rhodostacte antiqua compositio, qua facile cōcinnari  
possunt catapotia. Fit autem ut Paulus docet lib. septi-  
mo cap. 15. circa finem ex succi rosarum confectis un-  
guibus sēstarijs duobus, mellis sēstariū unū decoquito  
usque despumando donec pars quarta coctura euane-  
scat. Si hæc compositio ex rhodostomate fiat diuturna  
non est, ex rhodostacte uerò diu perdurare potest, &  
uim medicamentorum seruare magis, quā si ex aqua  
rosacea: licet & gummi uim medicamentorum seruent.  
Primò igitur gummi in aqua rosacea dissoluatur, alia  
deinde commisceantur: hæc de Nicolai compositio-  
ne, quam tu paras, satis sint. In alijs autem officinis inue-  
niuntur pilulæ Mesuæ de cynoglossa, quas tamen ipse  
non uocat de cynoglossa: sed pilulas ad omnes morbos  
catarrhi, corizæ, & omnis tuſsis catarrhalis. At hæc  
simpliciter uera non sunt, quippe solū confert distil-  
lationibus calidis, & tenuibus, quas egregie sistit: nō-  
nulli sunt, qui eas uocāt pilulas alchhaibel. Verū idē  
est ac si dixissent de cynoglossa, quo nomine etiam alij  
in hac cōpositione utuntur: quarum cōmistiō hæc est.

℞ Myrrhæ puræ

3. vi.

Olibani



Olibani 3. v.  
 Opij }  
 Iusquiami } ana 3. iiij.  
 Croci 3. i. .f.  
 Radicum linguae canis 3. iiij. .f.

Fiant pilulae, & administrentur, & da. 3. f. usque ad. 3.  
 I. confici autem debent, aut ex oximelle, aut rosaceo  
 melle, aut aqua rosacea: ueruntamen id te non lateat.  
 Mesue in fine summæ quartæ in cura catarrhi descri-  
 ptionem quādam pilularum posuisse ex sententia Ale-  
 xandri, quas dicit uocari pilulas halchaiber, ubi loqui-  
 tur de medicamentis ad tussim catarrhalem frigidam,  
 hæc uerò est earum compositio, ut refert Mesue.

Myrrhæ 3. iiij.  
 Thuris masculi 3. ij. .f.  
 Opij }  
 Hyosciami } ana 3. ij.  
 Radicū alchalchacar siccæ }

Confice cum succo Alcamzabre humidæ, da ex eis à tri-  
 bus usq; ad quinq; in sero: sunt enim mirabiles. S E.  
 Quid significat Alchalchacar? B R A. Cynoglossam.  
 S E. Nōne & Alchazaber idem significat? B R A.  
 Ita inquiunt: sed sunt Barbara nomina, & ut arbitror  
 corrupta. S E. Reperiūtūr ne apud Alexandrum hæ  
 pilulæ? B R A. Maxime: uerū ipse non uocat pilu-  
 las de cynoglossa, sed bechicas: quarum superius in be-  
 chicis pilulis mentionem fecimus, & Paulus has miri-  
 ficæ effert tanquam ualidissimas, & quæ medendo, acri,  
 & tenui



Et tenui fluori plurimum ualent, cuius beneficio plures uidit una duntaxat potione sanatos, quæ Et succurrunt eximie sanguinis fluori, per quancunque eat partem. S E. Differt ne compositio, quam refert Mesue ab illa uera Alexandri? B R A. Solum in pondere differunt, Et in materia, ex qua glutinantur simul simplicia. S E. Alexandri igitur compositionem referas. B R A. Hæc est.

Myrrhæ trogloditicæ denarium pondo. vi.  
Thuris denarium pondo quinque.  
Lachrymæ papaueris } ana denarium pondo. iiij.  
Hyosciami }  
Radicis cynoglossi }

Cortices prius in sole exsiccatae in puluerem redigantur, Et per cribrum traijciuntur, postea cum alijs confundantur, papaueris uerò lachrymam, quam opium uocant, aqua diluito, fac deinde pastillos pondere singulos denarij unius, dato cuique pro suis uiribus, Et morbi magnitudine: hæc Alexander libro secundo cap. 4. S E. Certè parum differūt: sed cur dat pro uiribus cū non exoluāt? B R A. Id facit ratione opij: nam in uirium imbecillitate ea, quæ opium recipiunt, danda non sunt, ne modicus ille calor, qui adest extinguatur. Tu igitur institutum prosequaris.

S E. Nihil aliud mihi dicendum superest, cū pilulæ omnes, quæ Ferrariæ in usu habentur, iam enarratae sint.

B R A. Tam pauca sunt apud uos pharmacopolas pilularum genera? S E. Non plura Ferrariæ: tamē unū aliud



aliud genus mihi in mentem uenit, quo tu uteris, & cæteri, qui te sequuntur medici. B R A. Quid nam? S E. Id genus, quod tu nōnunquam uocas pilulas de nitro, De nitro ut plurimum pilulas Alexandri. B R A. Imò neque istud genus prætermittendum erat: nam à capite uehementer educunt ab extremis partibus, & à iuncturis, & omne materierum genus expurgāt, tam crassarum, quàm tenuium, tam pituitosarum, quàm atrabiliarum & biliosarum: certè inueni has pilulas in iuncturarum doloribus miras, in podagra, chiragra, in capitis dolore, in gallico morbo ea uidimus, quæ dictu ferè incredibilia uidentur. Mesue in cap. de epilepsia hanc compositionem adducit secundum Alexandrum, dicitque nullas esse fortiores pilulas his ad epilepsiam, arthritim, & podagram, earum uerò compositio hæc est.

℞ Aloes

Colocynthidis

Scammonij

Bdelij

Hellebori nigri

Corticum gummi

Euphorbij

Baurach

} ana partem unam

} ana partem semis.

Confice cum succo caulium, dosis est à .ʒ. i. usque ad .ij. tamen ego nunquā excedo drachmā. S E. Vnum est in quo ambigo in his pilulis, de quo uolui te sæpius interrogare, & semper oblitus sum, quid scilicet intelligendum sit per corticem gummi. B R A. Responderè possem



re possem intelligendum esse corticem arboris gummi, mistum, uel partem crassiore: tamen quia arbitror ueram gummi compositionem ingredi oportere, ( si ingredi debeat ) & non aliquid superfluum: propterea in Mesue ita legendum arbitror, corth, idest gummi: scriptores uero simul coniungere illam particulam, idest cum illa corth, & legere corthi, quam dictionem alij transcribentes dixere corthicum gummi, cum tamen legi debeat corth, idest gummi: nam hoc nomine Arabes uocant gummi: tamen non mihi placet, ut in hac compositione Mesuen imiteris: secundum Alexandrum qui de gummi nihil dicit: sed pro gummi, comi scriptum est, cum inquit.

℞ Aloes

Colocynthidis

Scammonij

Bdelij

Corticis ueratri nigri

Comeos

Euphorbij

Nitri

} singul. uncia. s.

unciam unam

unciam dimidiam.

Excipe succo brassicae, & redige in catapotia, dosis est scrupuli. iij. seu quatuor pro aegri robore, forte error illius particulae corticum gummi hic fuit: quia dicit prius ueratri nigri corticis, postea sequitur Ameos Mesue autem dixit Ami, & librarius coniunxit illam particulam corticis cum illa Ami, legitque comi, & Ami, quicquid uero sit, tu compositionem illam consi- cere



cere debes, quam nuper ex Alexandri lib. primo cap. uigesimo primo adduximus. S E. Eam deinceps parabo. B R A. Extat & apud Galenum prope finem quinti libri methodi medendi compositio quædam, quæ huic similis uidetur, & Galenus eodē loco dicit has esse suas pilulas, quæ à capite purgāt plures excrementorū species. S E. Cōpositionē refer. B R A. Hæc est.

Rx Aloes

Scammonij

Colocynthidis

Agarici Bdelij

Gummi Arabici

} ana partes æquales.

Misce, & fiant pilulæ. S E. Plerunque hanc compositionem in Nicolai Leonicensi gratiam cōficiebam, & ipse illam uocabat pilulas de sex rebus. B R A. Mihi uerò nunc succurrit in una officina nonnunquam audiuisse eundem Leonicenum pilulas de sex rebus indicem. S E. Fieri potest.

B R A. A te scire uelim diligentissime senex, cur sebelias pilulas à sebelio authore inuentas non seruat? S E. Nunc non succurrunt mihi hæc pilulæ.

Sebeliæ

B R A. Vltimæ sunt in Mesuæ antidotario, ubi de pilulis agit: hæc autem est illarum compositio.

Rx Spicæ Indæ ʒ. V.

Spicæ Romanæ ʒ. ij.

Raued

Agarici

Epithymi

} ana ʒ. iij.

Costi



ANT. MUSAE BRA.

Costi

Mastiches

Camedreos

Amomi

Croci

Myrrhæ

Cinamomi

Caryophylorum

Squinanti

Aloes

} ana 3. iij.

3. ij.

} ana 3. I.

3 x.

Fiant cum uino antiquo, da. 3. ij. cum uino permisto.  
hæc mesue: sunt pilulæ satis mites, & quæ plurimum  
profunt. Soluunt enim materiam biliosam, crassam &  
iecoris, splenis, ac stomachi obstructiones aperiunt, hy-  
dropi conferunt, aquam educentes. S E. Memini me  
quandoq; seruasse hæc pilulas in officina: sed posteaquã  
uidi nullum medicum ipsis uti, & pixidem, & pilulas  
ab officina eieci. BRA. Vtinam id fecisses de multis  
alijs pilularum compositionibus: nam paucissimæ sunt  
quas uerè probem: sed cur imperiales pilulas omisisti,  
& de styrace, de croco, de colocynthide, & multis  
alias? S E. Quia Ferrariæ in usu non sunt, & si quis  
eas conficere uoluerit, nunquam uendentur. BRA.  
Igitur huic sermoni de pilulis finem faciamus. S E.  
Ut lubet, modo singulatim omnes pilulas iterum recẽ-  
seas, de quibus superius dictum est, & breui ad quid cõ-  
ferat explicare tentes. BRA. Vis igitur, ut eundem  
laborem iterum sumamus? S E. Non erit idem labor:  
sed erit



sed erit breui in memoriam reducere, ea quæ iam promiscue, sparsim & confuse explicata sunt. B R A. Ne uidear in re tam exigua tibi obtemperare nolle, id libenter efficiam: sed tali ordine pilulas explicabo, ut mihi in mentem uenient. S E. Res est nullius momenti hic ordo. B R A. Audias igitur.

Pilulæ aggregatiuæ omnes humores educunt: præsertim illæ Mesuæ, & antiquis febribus conferunt & ægritudinibus capitis, stomachi, iecoris, lienis, & omnium membrorum. Aggregatiuæ autem maiores humores crassos potius educunt.

Pilulæ Alefanginæ educunt humores crassos, pituitosos mundificant stomachum, cerebrum, & instrumenta, sensus, concoctionem adiuuant, & doloribus uentriculi, & intestinorum conueniunt.

Pilulæ de hiera simplici educunt biliosas materias, crassas, & pituitam, quæ in uentriculo, iecore, ac uis potissimum sit: & uentriculo, ac capiti imbecillioribus conueniunt, his mirum in modum prosunt, quibus uel ob studium literarium, uel ob aliud simile uenterculus imbecillis effectus sit.

Pilulæ de hiera cum agarico bilem educunt, & pituitam, capiti conferunt, uentriculo, & pectori.

Pilulæ de hiera Logadij atrabilarias materias, & pituitosas uehementer educunt, imò & bilem educunt, impeditam locutionem ex quacunque causa fuerit sanitati restituunt, paralyti conueniunt, tremoribus epilepticis, & omnibus ferè capitis morbis, extremita

N tum



tum, & partium neruofarum.

Pilulæ de rhabarbaro biliosos humores, crassos educunt, febribus ex diuersis humoribus putridis conferunt, dolori iecoris, & hydropi succurunt.

Pilulæ de tribus cū rhabarbaro bilem crassam, & pituitam educūt, uētriculo cōueniūt, capiti, atq; pectori.

Pilulæ Assaiereth uentriculo cōueniunt, capiti, & iecori, & bilem crassam educūt, ac pituitosam materiā:

Pilulæ indæ atram bilem exquisitè educunt, ægritudinibus atrabilarijs conueniunt, quartanæ, timori, manie, & lienis duritie.

Pilulæ sine quibus esse nolo, educunt bilem atram, atq; flauam, & pituitam, caput mirè purgant, suffusionibus conueniunt, oculorum obscuritati, iliosis, & aurium dolorem soluant.

Pilulæ de Agarico educunt humores crassos, putridos, pituitosos, pectori conferunt, asthmati, & tussi antiquæ.

Pilulæ aureæ bilem purgant, & pituitam, capiti conferunt, oculis, uentriculo, iecori.

Pilulæ fœtidæ humores crassos educunt, pituitosos, & atrabilarios, iuncturarū doloribus conferūt, ex crudo, & pituitoso humore, lepræ cōueniunt, morphæ, & dolori uētriculi à materia crassa, & flatu.

Pilulæ cochie biliosos humores educūt, & pituitosos, crassos, hemicranæ conueniunt, dolori uentriculi, & ilij.

Pilulæ de hermodactilis maiores frigidos iuncturarū humores



humores educunt, & frigidis morbis conueniunt, minores ualent ad materias calidas iuncturarum, et calidis morbis conferunt.

Pilulæ Arabicæ purgāt omnes humores tam frigidos, quàm calidos, tam crassos, quàm tenues, lætitiā inducunt, sensus roborant, capitis doloribus, aurium, & dentium cōueniunt, idque faciunt in omni etate.

Pilulæ lucis maiores, pituitam magis educunt, minores atram bilem, magis uisum, & sensus roborant, caput, & totum corpus ab omni materia euacuant.

Pilulæ cōmunes biliosas materias, crassas educūt, uentriculo conferūt & capiti, & à pestilētia præseruāt.

Pilulæ bechichiæ nihil educunt: sed tussi conferunt ex materia tenui, calida, & destillationi quæ ad pectus fluat.

Pilulæ de cynoglossa magis quàm bechichiæ (quàmuis & ipsæ bechichiæ sint) ualent ad destillationē tenuē, & calidam, & ad omne genus catarrhi, & tussis potissimum ex tenui materia.

Pilulæ masticinæ biliosos humores educunt, crassos, et pituitosos, uentriculo cōueniunt, pectori, & capiti.

Pilulæ stomaticæ, biliosos humores, & pituitosos educunt concoctionem perfectiorem faciunt, cerebrum & stomachum a corruptis humoribus purgant, appetentiāque excitant.

Pilulæ Alandaal pituitam, & humores crassos educūt, idque faciunt a iuncturis, & à capite, & à partibus longinquis, & capitis doloribus conferunt.

N ij Pilulæ



ANT: MVSABRA.

Pilule de mezereon educunt aquam citrinam, & aliam  
præterea, asciticis mirum in modum conferunt.

Pilule de benedicta pituitam cum bile à remotis parti-  
bus educunt, & à iuncturis potissimum, renibus, cō-  
ferunt, & uesticæ.

Pilule de eupatorio bilem crassam educunt, & pituitā,  
periodicis febribus conueniunt, & longis, iecoris  
doloribus, & obstructionibus opitulatur, & isteri-  
tiam delent.

Pilule de sarcolola pituitam educunt, & omnibus pi-  
tuitosis ægitudinibus conferunt.

Pilule de serapino educunt pituitam crassam, glutino-  
sam, paralyfi conueniunt, iuncturarum doloribus, ac  
dorsi, modo à frigida causa cōtingant, podagræ suc-  
curunt, & frigide chiragræ.

Pilule de Aloe educunt bilem crassam pituitæ mistam  
roborant uentericulum, & capitis doloribus, qui à  
uentriculo dependent, conferunt.

Pilule de lapide lazuli humores atrabilarios educūt,  
& adustā bilē, quartanæ conferunt, cancro, & omni-  
bus morbis atrabilarijs. Indicis præponendæ sunt.

Pilule de lapide Armeno ad idem ualent, & sunt adeo  
mites, ut absque molestia, & angore educant, & o-  
mnes alias præcedunt ex his que atrā bilem educūt.

Pilule de nitro omnes humores educunt, tam tenues,  
quàm crassos, tam calidos, quàm frigidos, & ab o-  
mni parte tam longinqua, quàm remota, unde omni-  
bus iuncturarum morbis & capitis competunt, hæ  
sunt (ut



sunt ( ut arbitror ) venerande senex omnium pilularum uires, quarum superius in examine mentio facta est, nisi genus aliquod mentem nostram effugerit. S E. Nullum genus mihi succurrit de quo uires adductæ non sint. B R A. Prandij hora instat, & à me quidem ægri inuisendi sunt, ut illis uictum instituiam, tu me hîc expectato, uel negotia quædam interim expedias, ut opportunè in prandio mecum esse possis. S E. Hoc tibi spondere non decreui: sed a prandio statim ad te accedam, ut denique huic sermoni de compositis medicamentis finem faciamus: nã post catapotia uehementer opto, ut medicamenta cathartica recenseamus, quæ uel liquida sunt, uel consistentiæ mellis formam habent, aut paulo densiorẽ, ne in his componendis error aliquis in nostra officina contingat. B R A. Id pro uiribus efficere nitari, ut in eo quod possum tibi faciam satis. Interim ò famule mulã adducito, uale senex, & posteaquàm in prandio nobiscum tibi esse non licet, a prandio te expectabo. S E. statim accedam.

FINIS.



*Index eorum quæ in hoc pilularũ libello continentur:*

Accidentia an transeant de	Hypoglossa medicamēta.	78
subiecto in subiectum .	22 Hippolytæ tarus. mētio.	48
Aloe quomodo lauari de=	Iniuria quòd nō referēda,	
beat.	18 Et quòd is sibi facit iniu=	
Alsebram	80 riam, qui alijs iniuriam re	
Armal	73 ferre studet.	6
Armel	73 Lapis lazuli . uel cyaneus.	52
Benedicta compositio	91 Lapis Armenus	52
Bessafa	73 Lepidion	69
Βιχινὸν medicamētũ.	78 Lepus	71
Cardamantice	69 Meisabara	86
Carpesium	73 Meizaragi	86
Καταπότια	15 Mezereon	83
Chamelea	83 Orbiculi	15
Κόκκος	15 Peuerella	70
Cozumbri	93 Pilulæ unde distæ, quid sint	
Cuniculus	71 Et de earũ forma.	15
Dasytus	71 Pilulæ Alefanginæ, Et unde	
Electuarium rosatum	65 dicantur.	16
Esula	80 Pilulæ de aromatibus, Et un	
Gingidium	68 de dicantur	16
Globuli	15 Pilulæ de simplici hiera Ga	
Harmel	73 leni.	24
Harmal	73 Pilulæ de hiera cū aga.	34
Harmalaleu	73 Pilulæ de hiera Logadij.	37
Hyberis	71 Pilulæ stomachicæ	39
Hiera picra uocata	25 Pilulæ masticinæ	44
Hiera Themisonis	29 Pilulæ Assaiareth	45.



# INDEX

Pilulæ de rheubarbaro.	46	Pilulæ de lapide Arme.	90
Pilulæ de raved sceni	46	Pilulæ de benedicta	91
Pilulæ de tribus cum rha=		Pilulæ de cynoglossa	92
barbaro	49	Pilulæ ad omnes morbos ca	
Pilulæ communes	49	tarrhi corizæ & tussis.	92
Pilulæ de tribus Ruffi	49	Pilulæ Alchacher	93
Pilulæ de aloe	50	Pilulæ Alexandri	93
Pilulæ Indæ	51	Pilulæ de Nitro	95
Pilulæ Arabice	52	Pilulæ Sebeliæ	96
Pilulæ sine quibus	53	Piperitis	70
Pilulæ de fumo terræ	55	Piper Hispanum	70
Pilulæ de agarico	56	Raphanus	69
Pilulæ quæ abstergunt pe=		Rhodostroma	93
ctus.	57	Rhodostracte	93
Pilulæ aureæ	58	Ruta sylvestris	74
Pilulæ de turbith	59	Sal Indum	43
Pilulæ cochiæ	61	Sal nigrum	43
Pilulæ aggregatiuæ	64	Sataragi	68
Pilulæ de serapino	75	Scebram	80
Pilulæ bechichiæ	77	Seitaragi	68
Pilulæ foetidæ	79	Setaragi	68
Pilulæ de sarcocola	82	Sestarium	47
Pilulæ de mezereon	83	Siliquastrum	70
Pilulæ de eupatorio	83	Species hieræ Galeni	24
Pilulæ de hermodacty.	84	Thymelea	83
Pilulæ lucis	86	Vincitoxicum	71
Pilulæ alandaal	89		
Pilulæ de lapide lazuli.	89	FINIS.	



